



16.896

7662

BERNARDINI CRIPPAE

PHILOSOPHI

IN ARISTOTELIS LIBRVM

DE ANIMALIVM MOTV.

AB EO LATINE REDDITVM

ECPHRASES.

Ad Pium V. Pont. Max.



CVM PRIVILEGIO.

Venetijs, M D LXVI.

Calder &

7662

BERNARDINI CRISTAE

PHILOSOPHI

IN ARISTOTELIS LIBRUM

DE ANIMALIUM MOTU

AD LATINAM REDDITUM

REPERASSET.

Ad Plac. V. Pont. Max.



CON PRIVILEGIO.

Venerijs, M D LXXI.

P I O Q V I N T O

P O N T . M A X .

Bernardinus Crippa

S.



ONSVEVERVNT homines
P A T E R S A N C T I S S I M E
omnia, tum quæ secundum na-
turam noua eueniunt, tum quæ
præter naturam arte fiunt, tum
denique quæ neque secundum
naturam, neque præter naturam
uirtute aguntur, si eorum cau-

sas ignorarint, uehementer admirari. Quamobrem,
cum uniuersi tuam contineantur uitam, quam neque se-
cundum naturam, neque præter naturam, sed primum
tuo singulari, pioque iudicio instituisti, deinde scientia-
rum accessione, ac frequentissimo uirtutum omnium
usu semper egisti, maxima quadam, & incredibili ad-
miratione afficiuntur. Atque id, ut ego quidem arbi-
tror, iure optimo: nondum enim huiusce tuæ admira-
bilis uitæ causas plerisque illorum satis notas esse pu-
to. Quapropter dabis nunc mihi hanc ueniam Optime
Pater, ut eas, quas ego talis tuæ uitæ cognitæ teneo,
proferam, atque patefaciam causas: quibus patefactis,
& cognitis unà mecum omnes iam & mirari definant,
& tantæ tuæ integritatis, ac sanctitatis exemplar tum ad
imitandum, tum ad omni illustri laude celebrandum
sibi esse propositum statuunt. Cum igitur ego superiore

* 2

anno

anno Romam, ubi per paucos sum dies commoratus, uenissem; teq; dum etiam tunc Cardinalis esses, debiti & officij, & cultus gratia aliquoties adissem, in eum tu semel incidisti sermonem, ut diceres permulta eximia, & præclara ab Opt. Max. q; Deo esse hominum generi tributa, sed in ijs, tua quidem sententia, præclarissimum quiddam existere Aristotelis doctrinam, qua homines mentis suæ diuinitatem, quæ corporis contagione rudis, & hebes facta esset, colere, ac quasi expolire possent. Quare, quidquid tibi ocij superesset maximarum occupationum, id totum in eiusdem authoris cum naturalis, tum diuinæ philosophiæ studium te libentissime solere conferre. Sed, cum utriusque, naturalis uidelicet, atque diuinæ plures essent libri, quosdam tibi delegisse, in quorum tractatione crebrius propter uberiorem cognitionis fructum uersare: eorum autem librorum unum in primis inter naturales esse, qui de animalium motu inscriptus est. Illi enim nullum alium neque abundantia, neque uarietate doctrinæ anteponendum esse, proptereaq; te maximopere cupere, ut è græco in latinum rectè conuersus omnibus philosophiæ studiosis notissimus esset. Hunc ego grauissimum, sapientissimumq; abs te tunc habitum sermonem cum diligentius mecum postea recoluissem, facile intellexi, quàm ampla, quàm magnifica, quàm splendida esset in animo tuo omnium scientiarum, ut ita dicam, supellex. Cum enim de ijs tantum, quæ probe cognita habemus, quisque nostrum rite iudicare soleat, nunquam profecto, nisi, & quæ hic, & quæ in tota Peripatetica traduntur scientia, optime nosset, nisi animus tuus rerum notionibus quasi informatus, ac perfectus fuisset, tam præclarum de hoc libro iudicium facere potuisses.

Quamobrem ex illius doctrina primum quo modo anima suis uiribus moueat corpus animalis, quod similitudine quadam paruus dicitur mundus, simulq; quæ ratione magnum quoque, & uniuersum mundum optimus, maximusq; Deus in mouendis corporibus cælestibus tueatur, ac regat, unde, & quàm differenter istorum motorum uterq; cieat motum, & hominis ad agendum facultatem liberam esse, apparet; deinde quanta fuerit naturæ solertia in fabricando mirabiliter animalis corpore, cuius partes, dum mouentur, uarijs, ac multiplicibus afficiuntur qualitatibus, atque mutationibus: post uero, quæ illarum partium sit prima, & propria sedes animæ, tibi penitus esse perspectum necesse est. Atqui cui hæc omnia recte, planèq; percepta sunt, quid ei abesse de diuinarum, naturaliumq; rerum scientia existimari potest? Quocirca tot, tantarumq; rerum intelligentiæ, atque notionès, quas animo impressas, & consignatas tenes, sunt causæ, ut mens tua & uniuersorum infinitatem peregrinando, atque ad summam diuinarum mentium altitudinem penetrando cuncta intueatur, ac contempletur, & foras eminens, & quàm maxime se a corpore abstrahens cum optimo, maximoque Deo se esse coniunctam studiosissime enitatur. Ex quo fit, ut omne corporis obsequium contempnas, omnes turpes uoluptates, sicut labes opprimas, carnisq; societatem eiicias, omnem doloris, ac mortis timorem effugis, omnia, quæ alij expetunt, & admirantur, infra te ducas, & negligas, denique omnium hominum coniunctionem, & societatem omni charitate, ac liberalitate complectare. Atque horum quidem omnium, quæ apud cunctos mortales iam testatissima sunt, cum splendor, & pulchritudo tibi ob oculos mentis uersatur, tam
insatiabili,

infatiabili, & incredibili compleris gaudio, ut totus ad
cœlestium mentium colendam, & imitandam uitam
etiam nunc incendaris, ac rapiaris. Vnde, quin Deo cha-
rissimus, acceptissimusq; sis, nemini dubitare fas est;
quandoquidem opt. Max. q; Deus illos sibi gratissimos
esse omni tempore declarauit, qui mentem, quæ diuina
est, ac maximā cum ipso cognationem habet, proxime,
& secundū eum diligentissime coluerunt. Vt igitur cau-
sæ istæ, cum incognitæ erant, maximā tuæ uitæ admira-
bilitatem faciebant, sic eadem cognitæ nunc illius imi-
tandæ, & omni celebratione prædicandæ summam uo-
luntatem, ac studium bonis, ut spero, honestisq; affe-
rent uiris. In quibus cum ego pro mea uirili parte & ef-
se, & numerari uelim, deesse certe nolui, quin efficere,
atque tibi illud præstare conarer, cuius te ob commu-
nem utilitatem percupidum esse significasti. Itaq; cum
ipsum Aristotelis de animalium motu librum, ex cuius
lectione mirificam tu capis uoluptatem, è græco in la-
tinum, quanta potui diligentia, conuerti, locos aliquot,
qui in omnibus, quos uidi libros, corrupte, depraua-
teq; leguntur, correxi, & restitui. Sed, cum nihilomi-
nus grauissima philosophi sensa obscura, atque recon-
dita essent, quo authoritate, ac uoluntate tua omnibus
esset cumulatius satisfactum, ea sic illustrare, & expla-
nare tentauī, ut non interpretem, sed quasi Aristotelem
ipsum, qui illa planius eloquatur, agere ausus sum.
Ex quo etiam tales meas commentationes græco uoca-
bulo, quia nullum aptius latinum inueni, Ecphrases ap-
pellare uisum est. Duram uidelicet admodum, grauissi-
mi laboris, maximæ doctrinæ me suscepisse prouin-
ciam plane sentio; atque eo etiam magis, quod, cum
nonnulla aut inuestigatione, aut attentiore cōsideratio-
ne,

ne, aut disputatione egere animaduverterim, suis locis
quædam diligentius inuestigauī, quædam in contem-
plationem adduxi, quædam etiam in utramq; partem
disputauī, in quibus una est de libera hominis faculta-
te ad bonum, & ad malum deligendum, & persequen-
dum quæstio peripatetice tractata, atque decisa. Ac
res quidem difficilior quoq; ex eo facta est, quòd non-
nunquam coactus sum à grauissimis dissentire aristote-
licis interpretibus, quos nominare minime libuit, ne
de aliena laude, & industria detrahendo uelle aliquam
aucupari gloriam uiderer. In quibus quidem omnibus
quid effecerim, quid ue affecutus sim, tu, qui non tam
hominum authoritates, quàm rationis momenta exa-
minare, ac ueritatis uim quærere soles, facillime, opti-
meq; iudicabis. Nam ipsius ueritatis indicia, quæ ferè
innumerabilia passim ex uniuersa tum logica, tum mo-
rali, tum naturali, tum diuina proferuntur à me philoso-
phia, ubiq; tibi promptissima, & expeditissima occurrèt.
Quorum aliqua si quis à conuersionibus latinis discre-
pare comperiet, uelim pater sanctissime, ut hunc in græ-
ciam ire, id est, ad libros græcos, tanquam ad liquidos
fontes, unde à nobis ueritas est hausta, se conferre iu-
beas. Tunc enim, quàm diligentes, ac fideles in his tra-
ctandis fuerimus, plane perspiciet. Itaque hanc no-
stram operam, qualiscunque est, tibi optimo ex optimo
nauaui animo, eandemq; ad te in præsentia mitto; & ci-
tius quidem certe simul cum alijs, quæ nunc à me accu-
ratius limantur, & poliuntur misissem, nisi diuturno,
grauiq; fuisset uehementer afflictus morbo. Ex quo
quidem cum iam euaserim, in hoc ocio, in quod non
aduersa, & inuida hominum uoluntate me detru-
sum esse, sed diuino consilio deuenisse probe iam intel-
ligo,

ligo, nunquam cessabo, sed omni cura, & assiduitate
 sic in philosophicis uerabor contemplationibus, &
 meditationibus, quas literis mandare studebo, ut, si ui-
 ta suppetet, nulla nec naturalis, neque diuinæ philoso-
 phiæ pars sine mearum lucubrationum cultu futura sit.
 Ad quod quidem tam magnum, tamq; arduum opus
 multo certe alacrior ero, si tu non solum hoc paruum
 munusculum, sed eum etiam, à quo elaboratum est, in
 tuam omnibus uirtutibus, ac summa religione præstan-
 tissimam accipies fidem; in qua quia uniuersa christia-
 na Resp. felicissime conquiescit, Deus Opt. Max. cuius
 uicarias partes in hac uita ipse agis, te Pontificem &
 maximum, & optimum diu nobis incolumem tueatur,
 ac seruet.

INDEX QVÆSTIONVM,


Digressionum, & Theorematum, quæcunque
 ad nonnullas huius libri Ecphrases
 adiuncta sunt.

QVÆSTIO, utrum res ulla mathematica moueatur.	pag. 12
Quæstio, utrum unus numero motus possit à pluribus si- mul primis motoribus fieri.	21
Quæstio, utrum homo natura ita liber sit ut arbitrio suo bonum, & malum deligere, ac persequi possit.	44
Digressio, in qua ostèditur musculos notos fuisse Aristoteli.	54
Theorema, principium, cuius gratia animal loco moue- tur, esse aliquid extra, non autem rei speciem animo conceptam.	60
Theorema, quænam sit animæ, & naturæ, de qua hoc lo- co mentio facta est, differentia.	74
Quæstio, utrum anima in solo corde, an in toto corpore, & in singulis pariter corporis partibus tota sita sit.	76

IN ARISTOTELIS LIBRVM

DE ANIMALIVM

M O T V.



P R O O E M I V M.



QUIA omni contemplatrici scientiæ pro-
 positus finis est^a veritas, quæ causa exi-
 sit, vt quæque res sit, (tantum^b enim
 vnumquodq; habet, vt sit, quantum de ve-
 ritate illud ipsum habere intelligitur) ne-
 cesse est veritatem, quæ finis est scientiæ
 versantis in contemplatione, rei cuiusque
 naturam esse: nam^c per quod singula con-
 stant, illud sua cuiusque natura sit, opor-
 tet. Hæc autem^d natura quoniam du-
 plex esse perhibetur, vna eorum, quæ per
 se existunt, ac subsunt alijs, & substantiæ nominantur, altera illorum,
 quæ substantijs semper inhaerent, & accidunt, & propterea etiam ac-
 cidentia dicuntur, sit, vt illa superior simplex, hæc autem posterior^e iun-
 ctæ semper, & copulata consistat. Quare, cum in qualibet contempla-
 trice scientia simplex natura, quæ subiicitur, tanquam principium
 per definitionem, & assumi, mixta & vero, tanquam finis concludi, ac de-
 monstrari debeat, perspicuum est, ad constituendam omnem contempla-
 tricem, atq; demonstratricem scientiam has ambas necessario adhiben-
 das esse naturas. Vnde, quotiescunque, quid sit aliqua scientia, breui-
 ter, summatimque explicandum est, istæ ambæ omnino naturæ, ad quas
 ipsa scientia refertur, asciscendæ sunt.^h Omnis enim scientia in eorum
 est genere, quæ ad aliud referuntur, quorum si vnum definite cognosca-
 tur, & alterum simul cognosci necesse est. Cum igitur in præsentia nos
 ad huius libri de animalium motu scientiam explanandam ingressuri si-
 mus, operæpretium esse duximus, ante, quid ea sit scientia, paucis per-
 stringere. Quapropter & quid sit natura, quæ subiicitur, & item quid
 ea, quæ illi inhaeret, vt propria, & per se demonstranda affectio, nobis

^a
^{2. p. ph. c. 1. 3}
^b
^{2. p. ph. c. 1. 4}
^c
^{2. ph. c. 1. 11}
^{5. p. ph. c. 1. 5}
^d
^{4. p. ph. c. 1. 1}
^{7. p. ph. c. 1. 1}
^{1. 3.}
^{9. p. ph. c. 1. 1}
^{21 & 22.}
^{12. p. ph. c. 1. 1}
^e
^{1. 1.}
^c
^{p. ph. c. 1. 14.}
<sup>p. de genera-
 tione & cor-
 ruptione, c. 12</sup>
^f
^{p. post. c. 14.}
^{75.}
^{2. post. c. 13}
^{46.}
^{6. p. ph. c. 1. 1}
^g
^{p. post. c. 13}
⁷⁶
^{2. ph. c. 89.}
^{p. de anima, c. 8}
^h
<sup>lib. prædica-
 mentorū. c.</sup>
^{de relatiuis}
^{5 p. ph. c. 1. 1}
¹⁰

A præci-

a
p. post. t. 68
69
4. p. pbiq. t. 5

b
2. de anima
t. 49.

c
p. post. t. 76.

d
p. post. t. 14

e
libris de ani
malium hist.
f
libris de par
tibus & de
infectu ani
malium.

g
libris de ani
malia.

h
8. ph. t. 15.

precipere convenit. Itaque, cum cuilibet scientiæ illa sit subiecta natura,^a cuius propriæ, ac per se affectiones queruntur, & demonstrantur, cumque hæc tota scientia eò tantum in primis tendat, & spectet, ut motus, quo animalia sua sponte moventur, ex causis cognoscatur, atque perspectus habeatur, dubium certe non est, quin & animalium natura sit illud, quod subiicitur, & is motus in ea ipsa natura hærens existat propria, & per se affectio, quæ tanquam finis huius scientiæ, demonstrationis conclusione ostendi debet. Ex quo etiam sine liber in primis recte inscriptus est, & nominatus,^b siquidem ex fine vnumquodq; nominare maxime rationi consentaneum est. Sed nemini mirum videri debet, si animalium natura nusquam hoc in libro posita, tanquam subiectum, aut tanquam scientiæ principium definitione sit explicata. Nam, cum animal esse inter omnes constet, illud profecto in scientia sumere, atque ponere, quasi alienum, ac supervacuaneum fuisset. cum enim natura, quæ subiici debet, c nota, perspicuaq; est, eandem neque sumere, aut ponere, sed pro sumpta, atq; posita habere licet. Sed, quia talis subiectæ naturæ definitio,^d quæ est doctrinæ principium, prætermitti nullo modo potest, si hic tradita non est, ex alijs superioribus scientiæ partibus illam extrare omnino oportet. Quamobrem, cum animalium genus ex varijs, diuersis, ac multiplicibus partibus, quæ non omnibus nota plane sunt, tanquam ex materia, & ex anima tanquam ex forma constituitur, in huius scientiæ de animalibus initio e omnes singillatim tum intus, tum extra corporis partes, simulque generatim animalium propriæ, & per se qualitates, & actiones, e deinde ipsarum partium naturæ, & vsus explicantur, post verò e substantia, & vis animæ demonstratur. Ex quibus talem animalis definitionem promere, & expedire facile licet, Animal est corpus animatum vi sentiendi præditum. Quocirca, cum hæc definitio illhinc se se nobis offerat, & ostendat, eiusdem repetitio in hoc libro, qui est ipsius scientiæ pars, esse prorsus inanis putaretur. huius igitur libri scientiæ & animalium naturam esse subiectam, & motum, quo animal sua sponte cietur, esse finem propositum, qui conclusionis demonstratione cognoscendus est, hætenus, ut arbitrator, intelligi potest: cuius quidem motus causæ cum expositæ, atque planæ factæ fuerint, tum demonstratio confici poterit, & tota doctrina absoluta erit. Quia verò h natura omnibus causa ordinis est, oportet, quoniam plures sunt huius scientiæ de animalibus partes, ut ubiq; natura, tum quæ subiecta, tum quæ finis est, dispositionem quandam pariat & ordinem, quo ipsarum partium una prima, altera secunda, & reliquæ

reliqua deinceps collocentur. Itaque, cum animalium natura ex suis constetur principijs, id est, ex corpore, tanquam ex materia, & ex anima tanquam ex forma, cumque principia, ^a sine quibus illud, quod ex eis constat, esse nequit, sint naturaliter priora, primum in hac scientia de animalibus singillatim, ut diximus corporis partes, deinde statim omnes separatim animæ species accuratissima, vberissimaque doctrina traditæ sunt, ex quibus utrisque ubi constituta est animalis subiecta natura, continuo sequitur etiam altera multiplex natura diuersarum animalis ^b tum actionum, tum affectionum; quæ videlicet actiones, & affectiones, vel singula separatim, vel binæ coniunctim suo deinceps ordine in animali exoriuntur. Quoniam igitur animal, simul atque in generatione vim sentiendi adeptum est, incipit animal esse, primâ ipsius actionem, ut animal est, esse ipsum sentire necesse est; quod cum sine sensuum naturalibus instrumentis, & sine rebus externis, quæ sensibus percipiuntur, constare nequeat, statim post animæ tractationem vno de sensu, & sensibilibus copiose sentiendi actio explicatur libro: in quo & quomodo ex facultate sentiendi tradita in libris de anima & ex sensuum instrumentis, & denique ex sensibilibus sentiatur, præclare ostenditur. Quia vero tali externorum sensuum actione animal ea tantum, quæ ^a adsunt, quæque præsentia sunt, percipit, & tamen potest etiam ^c interiore sensu communi per memoriam, & reminiscentiâ quasi sentiendo, præterita, & absentia cognoscere, iure naturæ factum est, ut post librû de sensu, & sensibilibus de memoria & reminiscentiâ, quarum vna pendet ex altera, positus sit liber. Cum autem sentire, meminisse, & reminisci sint naturales animalis actiones, ^e in quarum vnaquaque oportet definitum, ac terminatum esse, & quanto tempore valeat animal durare & perserverare, & quanta quæque illarum possit esse maxima, necesse est, quando animal agendo vel ipsum certi, & definiti temporis finem, vel summum illud atque maximum actionis transierit, ut ob naturalem im potentiâ ab actione desistat. Quo facto statim in corde ^h cõmunis sensus a somno, qui est cõtrarius vigiliæ, in qua omnes sensuum actiones existunt, obruitur atque occupatur. Et, quia ^b is interior communis sensus principium est reliquorum externorum sensuum, cum ipse consopitus est, etiam ceteros consopiri, & somno obrui consentaneum est. Quare, ⁱ cum somnus, & vigilia sint contraria medio carentia, necessario illorum alterum semper in animali erit. At, quia vigilia sensuum, aut externorum, aut interioris actio aliqua est, somnus verò actionum quedam requies, quæ quidem anime sibi ipsis vicissim locum dant, & succedunt, recte post

a.
5. p. phia. t.
16.

b.
lib. de sensu
& sensibili-
bus. c. 1.

c.
2. de parti-
bus anima-
lium. c. 1.
2. de anima.
t. 16.

3. de anima
t. 67.
2. de genera-
tione anima-
lium. c. 3.

d.
2. de anima,
t. 60.

e.
lib. de me-
moria & re-
miniscentiâ
c. 12.

f.
lib. de som-
no, & uigi-
lia. c. 1.

g.
lib. de som-
no & uigi-
lia c. 2.

h.
2. de anima.
t. 145. 146.
147. 148. 149
3. de anima.
t. 21. 32.

i.
lib. de iuuẽ.
& senect. c. 1.

i.
lib. de som-
no, & uigi-
lia c. 1.

considerationem de memoria, & reminiscencia adhibita est de somno, simul & vigilia tractatio, & explicatio. In quo tamen illud minime ignorandum est, quod, dum somnus, qui est omnium sensuum, tum intus, tum extra occupatio^a quodam, & extinctio ad tempus, complexus est animal, nequaquam omni prorsus munere communem sensum spoliat, & priuat. Duplicem enim facultatem communis sensus praeeditus est, ^b una iudicandi species sensibiles, quae ab externis deferuntur sensibus, ^c altera & recipiendi, atque seruandi earundem phantasmata specierum, est enim phantasia communis sensus affectio. Huius porro posterioris facultatis munus licet communi sensui aliquo modo etiam premente somno sustinere. In ^d eo enim à formarum sensibilibus reliquijs, quae in sensuum instrumentis haescentes post sensationem remanserunt, potest aliquod phantasma, dum animal est somno consopitum, procreari, & conformari. Talis autem phantasmatis procreatio, & conformatio, quae somnium appellatur, facile declarat librum de somnijs proximum libro de somno, & vigilia esse debere. Quoniam ^e vero somnium potest esse interdum aut signum, aut causa eorum, quae vel agenda, vel euentura nobis sunt, si illud quidem, quod est siue causa, siue signum, cuiusmodi sit, cognitum, atque perceptum fuerit, licebit tali somnio providere, & quasi diuinatione quadam praesagire futura. Vnde, cur libellus de diuinatione per somnium proxime sequatur librum de somnijs, apertissime confat. Haec autem omnes, quas deinceps commemorauimus, animalis actiones sic inter se colligatae, atque implicatae sunt, ut una ex alia, & rursus alia ex alia ordine quodam naturae, sicuti vidimus, pendeat, ac nexa sit, quarum quidem omnium prima, quia principium naturae animalis est, sentiendi facultas existit. Ex ea autem, tanquam ex fonte omnium, aliae quoque diuersae animalis actiones manant, & exoriuntur, quae si binae inter se iungantur, causae fiunt, ut animal aliquo modo se ipsum loco moueat. Nam sensus ^f phantasiam ingenerant, & rerum ^g suppeditant species quae in phantasmatibus à ratione intelliguntur & iudicantur, ^h & ab ijs deinde diuersorum generum appetitus suscitantur, ac quasi pariuntur. Quapropter si ratio cum voluntate, aut phantasia cum aliquo alio appetitu coniungatur, fit, ut animal aut persequendo, aut fugiendo aliquid se ipsum loco moueat. Animal enim, cum speciem cuiuspiam rei perceptam, vel bonam, vel malam cognorit, ac iudicarit, rem illam, ex qua species excepta est, aut voluptate, & delectatione adductum persequitur expetendo, aut tristitia, & dolore deterritum refugit auersando. Cum igitur motus per locum ⁱ in animali sit omnibus

a lib. de somno, & uigilia c. 1.

b 2. de anima t. 145. usque ad t. 149.

c 3. de anima t. 31.

d lib. de memoria & reminiscencia c. 1. t.

e lib. de somnijs c. 3.

f lib. de somnijs c. 2.

g lib. de diuinatione per somnium c. 1.

f 2. de anima t. 161.

g lib. de somnijs c. 1.

h 3. de anima t. 31. 39.

i 3. de anima t. 29. 30. 34.

lib. philosophiae t. 36.

8. philosophiae t. 58.

a. de generatione animalium c. 4.

bus serè enumeratis, & pertractatis actionibus posterior, & tamen ab eodem, à quo & illæ, deriuatur fonte, cur liber de animalium motu, quem in manibus habemus, ad continuatam superiorum librorum seriem sit statim adiungendus, causa iam à natura deprompta est. Quare hoc unum etiam, quomodo illius doctrina tradita, & ordinata sit, reliquum est, ut videamus. ^a Omnem enim doctrinam ex duobus habitibus consistere necesse est, quorum vnus rei, quæ tractatur, scientia, alter eruditio quedam, & modus scientiæ appellari solet. Ac rei quidem scientia particulatim, ex accurata totius doctrinæ cognitione comprehenditur, modus autem scientiæ, quo tanquam regula quadam vniuersam dirigi oportet doctrinam, prænotus, atque præceptus esse omnino debet. Ipsius igitur prima hæc institutio est atque præceptio, ut cum res scientiæ subiecta naturalis sit, & materia iuncta, ^b nequaquam tali minuta, subtilique inquisitione, ac demonstratione, quali solent mathematica à materia libera tractari, tractetur. Altera, ut nisi quid impediatur, exordium scientiæ à rei ^c principijs, & causis capiat, quæ quidem causæ, & principia si plura sunt, & communem aliquam habent per se qualitatem, & affectionem, ^d ab ea qualitate inchoetur doctrina, ut ab ijs, quæ communiora, promptiora, nobisque notiora sunt, initium esse factum appareat. His autem ita seruatis distributio quedam totius libri in suas partes extet, necesse est. Primum enim, quia cause motus, quo animalia se sua sponte mouent, plures sunt, omnes esse immobiles oportere, ostenditur. Deinde, cum anima sit causa efficiens motus, & res, vel bona, cum expetitur, vel mala, cum declinatur, existat etiam ipsa causa, sed ut finis, cuius gratia mouetur animal, quomodo & finis excitet, animam ad mouendum, & ipsa anima tum cognoscendo, tum appetendo moueat corpus, declaratur. Post vero, quia partes corporis sunt materia subiens hunc motum, & quæ illarum præcipuæ sint, tanquam animalis instrumenta ad mouendum, & quomodo aptæ, & idoneæ ad motum reddantur, accuratissime docemur. Deinde quoniam anima & si in corpore, non tamen in toto, sed in vna quadam certa corporis particula insidet, atque si principium est, vnde motus, non tamen se ipsa, sed instrumento quodam molitur motum, primo cor esse propriam animæ sedem, post autem ingentium spiritum adhiberi ab anima, ut instrumentum proprium ad mouendum optime prebatur. Postremo, cum animal non solum voluntario motu, sed etiam quibusdam inuoluntarijs, ac plurimis non voluntarijs à se cieatur, explicato vsque eò voluntario motu, de inuoluntarijs, & non voluntarijs, quan-

tum

^a lib. elench.
c. 1
p. de partib.
animalium c. 2
2 p. philosophiæ t.
15.

^b
2. p. philosophiæ t.
15


^c
p. post. 1. 7. 9
11 15. 66. 68

^d
72
p. philosophiæ. 1
p. philosophiæ c. 3

^d
p. philosophiæ t. 3. 4
p. de partibus animalium c. 1. 5
p. de animalium 11

sum ad institutam doctrinam perficiendam attinet, commodè tractatur. Ex quo totam huius libri doctrinam in quinque, quasi membra ex scientiæ modo esse dispersitam constat. Primum enim causarum inuestigatio exorsa ab his, quæ vniuersaliora, promptiora, nobisque notiora sunt, suscipitur, deinde ex ipsis vniuersalioribus, & notioribus earundem causarum natura perspicitur, hoc est, quæ ratione & anima, vt efficiens, & res aliqua, vt finis ipsius motus causa sit, tum quibus afficiuntur qualitatibus partes corporis, dum cietur motus, et deinceps reliqua, quæ ad has causas, & ad totam istam motus doctrinam spectare videntur diligenter, vt diximus, ordine considerantur, quæ sic se habere melius cognoscemus, si in eorum singillatim contemplationem, atque explicationem iam ingrediamur.

ECPHRASES IN LIBRVM⁷
DE ANIMALIVM
M O T V.



ARISTOTELES.



E Motu autem animalium quacunque circa unumquodque genus ipsorum existunt, & quæ differentia, & quæ causa singulorum, quæ ipsis accidunt, considerandum de omnibus

est in alijs, omnino autem de communi causa, quæ motu qualicunque cientur, (animalium enim alia volatu, alia natatu, alia ingressu, alia talibus alijs moventur modis) nunc considerandum est.

ECPHRASIS. I.



VIA natura, quæ forma est, & quæ nihil unquam temere efficit, in unoquoque animalium genere & ad se sua sponte mouendum, & ad progrediendum facultatem ingenuit, necesse est, ne talis facultas frustra sit, ut eadem quoque natura partes quasdam, tanquam instrumenta ad eum motum, & progressum mouendum utiles, atque aptas singulis animalium generibus tribuerit.

Quam-

^a
1. phit. 11. 12
5. p. phit. 6. 5
b
2. de calo.
t. 50.
c
2. de anima
t. 18. 37.
d
2. de generatione anima
lium c. 1.

^a
lib. de iucef
su. a. ali. c. 1.

Quamobrem, ut perfectè sciatur, quomodo à se animalia mouentur, opus est, & quæ illiusmodi partes tum communes, tum propriæ cuiusque animalium generis existant, & quæ sit cunctis animalibus communis causa, ut sic se mouere possint, optime nosse. Cum igitur cæ corporis partes ad talem necessariae motum multiplices, ac differentes non solum^a in multis, varijsque, sed etiam in vno, eodemque animali inter se sint, operæpretium fuit, quæcunque unicuique animalium generi debeant inesse, & qua ratione inter se differant, & quæ sint omnium differentiarum causæ, in eo libro, qui est de animalium incessu, & qui, cum doctrinæ ordine hunc antecedit, totam istiusmodi continet cognitionem, plenè tradere, atque declarare. Quapropter nunc, de communi causâ, quæ multifariam, dissimiliterq; à se mouentur animalia vniuersa, agendum, atque considerandum est. Nam alia in aere volando, alia in aquis nando, alia in terris gradiendo, vel serpendo, vel alio simili modo se sua sponte animalia mouent.

ARISTOTELES.

Quòd igitur principium aliorum motuum est id, quod se ipsum mouet, huius autem illud, quod immobile est, & quod prius mouens necesse est immobile esse, definitum est prius, quando & de motu aeterno, utrum sit, an non sit, & si est, qui sit. oportet autem hoc non solum ratione vniuersali sumere, sed etiam in singulis, & sensibilibus, propter quæ & vniuersales quarimus rationes, & cum quibus congruere ipsas oportere arbitramur. Perspicuum enim etiam in his, quòd impossibile est, ut moueantur, si nihil quiescat.

ECPHRA-

Ut via, & arte hęc doctrina procedat, ab ijs, quę promptiora, com-
muniora, nobisque notiora sient, initium faciemus, tum sic ad ea, quę
natura magis cognita, habentur, facilius progrediemur. Quamobrem
primum, quę sit istius proposita communis causę motus animalium pro-
pria, & per se affectio, consideremus, deinde ad eiusdem vim, & natu-
ram perspicendam, quantum hic locus requirere videtur, nostram con-
feremus contemplationem. Cum igitur hęc causa principium sit, quo
animalia sua sponte a se moventur, necesse est, ut ipsa per se penitus im-
mobilis existat. Nam ^b in octavo physicorum libro, ubi de motus eter-
nitate disputatum, atque, qui sit æternus motus, demonstratum est, com-
munibus quidem, & vniuersalibus, probatum fuit rationibus, princi-
pium aliorum, quę moventur, esse id, quod mouet se ipsum, huius autem
rursus illud, quod per se omnino immobile est, & si quando plura es-
sēt mouentia, primum semper omni motu per se vacare debere. Cum
autem ^c communes, vniuersalesque rationes ad communes, & vniuersa-
les adhibeantur naturas, quare vera ^d præter sensibiles, atque indiui-
duas nullo modo per se consistere queunt, cumque vniuersalium scien-
tia, quęcunque traditur, ^e propter indiuiduorum cognitionem, & sen-
sibilem tradenda sit, consequens nimirum est, si tunc, cum in vniuersa-
libus, indefinitis, & incertis naturis contemplatio versabatur, illud pri-
mum principium esse immobile communibus rationibus, ac demonstra-
tionibus patefactum est, nunc, quia consideratio de eadem re ad certam
animalium in primis naturam est contracta, ut id ipsum rationibus,
quę ex singulis persequendis eliciuntur, & formantur, planius con-
firmetur, & comprobetur, sic tamen, ut cum his rationibus vniuersales
illas congruere, atque consentire appareat. Quod enim ^f vniuersalium
rationes debeant cum indiuiduorum, & sensibilibus inductionibus con-
uenire, ex eo manifestissime constat, quod nequaquam fieri potest, ut
ista quoque indiuidua moueantur, ut iam iam palam faciemus, nisi ali-
quid stet, atque immobile sit.

a
p. ph. t. 2. 3 4
p. de aīaliū
hist. c. 6.
p. de parri-
bus anima-
lium. c. 1.
p. de aīa t. 11
5. p. phīc. t. 1

b
8. ph. t. 34.
usq; ad c. 44

c
p. post. t. 37
usq; ad t. 43
d
p. post. t. 164
p. de aīa t. 8.
3. de aīa t. 39
5. p. phīc. t.

31.
7. p. phīc. t.
35.

e
7. p. phīc. t.
35.

f
8. ph. t. 22.
p. de genera-
tione & cor-
ruptione t.
58 59.
p. de aīaliū
hīc. c. 6.

A R I S T O T E L E S .

Primum quidem in ipsis animalibus: oportet enim si qua particularum moueatur, quiescere

B scire

scere aliquam: & propterea flexus animalibus insunt. Tanquam enim centro utuntur flexibus, & sit tota pars, in qua est flexus, & una, & dua, & recta, & flexibilis, dum mutatur potentia, & actu propter flexum. Cum autem flectitur, & mouetur, unum quidem signum eorum, quæ sunt in flexibus, mouetur, alterum autem quiescit: perinde ac si diametri pars, quæ est a. & d. staret, b. autem moueretur, & fieret a. c. Sed hic videtur in omnem modum esse indiuiduum centrum. Nam & moueri, sicuti aiunt, fingunt in ipsis, non enim mouetur mathematicorum aliquid: quæ autem in flexibus sunt, modo unum, modo autem diuidua sunt potentia, & actu.


E C P H R A S I S III.

Esti nunc propositum est ostendere potissimum in animalibus, dum se ipsa mouent, principium talis motus necessario per se immobile esse, tamen, quia non solum animal, sed etiam vniuersum à se moueri cognoscitur, ideo propter hanc finitimā, ac similem mouendi rationem^a (nam & animal dicitur paruum vniuersum) principium, à quo mouetur vniuersum, quatenus ad hanc attinet doctrinam, esse omnis mobilitatis expers declarabitur. Verumtamen primum in animalibus, quæ nostræ sunt cognitioni propinquiora, magisque familiaria, planum faciamus, principium ad animalis motum necessarium, quodcunque illud sit, siue materia, siue finis, siue efficiens, immobile esse debere. Ac primo quidem in materiæ principio experiamur. Opus est enim cum particula corporis

^a s. ph. l. 17.

^b p. de partibus animalium c. 5.

poris aliqua mouetur, vt altera, quæ superior, interiorue sit, stet, atque quiescat. Quod vt commodè perfici possit, membrorum flexus sunt animalibus à natura dati. Sic enim vtuntur flexibus animalia, vt geometra, quemadmodum iam iam declarabitur, nonnunquam circuli centro vti solent. Quocirca tota etiam pars, in qua est flexus, tum vna propter flexum, tum duæ, tum recta, tum flexibilis efficitur, hoc est, dum flectitur, declarat se esse flexibilem, cum & sua potentia, & suo actu vicissim mutatur, cum enim recta est & tota quiescit, actu vna est, potest tamen inflecti, & ex parte moueri, & tanquam duæ fieri: quod quidem vbi factum erit, non amplius, recta, & quasi vna, sed flexa, & quia motu, & quiete distinguitur, tanquam duæ apparebit, & hoc modo ex illa potentia in hunc actum mutata erit, & denuo pariter ex hoc actu in illam potentiam remeare poterit. Quare, cum flectitur, particula inferior mouetur, superior autem necessario quiescit, & ob eam causam in flexu, vbi illæ iunguntur particula, extremum signum inferioris, quæ in motu versatur, mouetur, alterum vero, quod est superioris quiescentis, stat, & quiescit. Quod eodem fieri putaretur modo, vt si per alicuius circuli centrum notatum litera .a. ducta sit diameter: d. b. cuius dimidia pars: d. a. citra centrum quiescat, altera vero dimidia a. b. vltra centrum moueatur, & fiat a. c. Atqui hoc si fieri posset, in centro punctum quod est extremum dimidiæ lineæ d. a. quiescentis, quiesceret, alterum autem, quod est ipsius dimidiæ a. c. mouentis, moueretur. Sed cum mathematicum centrum omnino indiuiduum sit (quia^a centrum est signum, cuius nulla est pars,) nequaquam duo duarum linearum extrema puncta in eo re ipsa vel iungi, vel motu, & quiete distingui possunt. Etenim si quando mathematicis istis naturis geometra, aut sic, aut aliter motum aliquem tribuunt, is totus fictus, atque commentitius putandus est, quia nihil, quod mathematicum sit, cum^b à corpore mobili tanquam separatum intelligatur, moueri potest. At, quæ in flexibus consistunt, sua potentia, & actu, quemadmodum etiam paulo ante dictum est, aliquando vnum fiunt, aliquando diuidua, id est cum extrema illa signa duarum particularum motu, & quiete diuiduntur, atque distinguuntur, tum ad eam diuisionem, ac distinctionem se esse procli-



^a Eucl. p. lib.
Elem. coroll.
6. ph. t. 1.

^b 2. ph. t. 19.
p. de afa t. 17
3. de aia t. 33

uia ostendunt. Cum enim vnus flexus duo cohibet duarum particularum extrema, quorum vnum quiescat, alterum autem moueatur, tum flexus ille instar duorum habetur, cum vero ambo ipsa extrema, quæ eo vno continentur flexu, quiescunt, tum tanquam vnum videri solent.

Questio, vtrum res vlla mathematica moueatur.

Hic locus magnam inter philosophi dicta controuersiam de mathematicis constituere videtur. Nunc enim nihil mathematicum moueri posse philosophus dicit, aliàs autem pluribus in locis^a & astrologiam esse scientiam mathematicam, & eiusdem contemplationi cælestia corpora, quatenus mouentur, subijci asseneranter affirmat. Quare, si verum est, quòd astrologia mobilia quædam considerat, falsum necessario esse putaretur, nihil mathematicum moueri posse. Nos autem, cum & horum vtrunq; verum esse, neq; vnū aduersari alteri arbitremur, vt omnis tollatur controuersia, quomodo isthuc sic se habeat, pro nostra virili explicare aggrediamur. Res igitur, quæ, quasi materia scientijs mathematicis subiicitur, & si separatim^b per se consistere nequit, sed semper in naturalibus, atque sensibilibus hæret, tamen mente, & intellectu, nostro sic percipi ac considerari seorsum à naturalibus potest, vt illorum naturalium substantia in talem considerationem nulla ex parte admittatur. Vnde res ipsa mathematicæ scientiæ subiecta, quia tanquam à naturalibus separata, & abstracta intellectu comprehenditur, rectè^c intelligibilis materia est appellata. Atque^d talis materia aut soniuncti, aut disiuncti quanti natura est. Itaque, cum ipsum per se quantum, ac propriæ, illius affectiones, quæ à nulla oriuntur naturali materia, tractantur, & considerantur, vt in geometria magnitudines multis per se figuratæ modis, ac multiformes earundem propriæ affectiones, & in arithmetica numerari cuiusque generis, atque ipsorum proportionales, & propriæ qualitates, tum scientiæ illæ, quia materia ipsis subiecta ad nullam rem certam naturalem applicata est, simplices, ac puræ mathematicæ sunt, neque aliquid, quod eis subiectum sit, quia tanquam segregatum à naturalibus, quæ sola mobilia sunt, tunc intelligitur, vllò modo moueri potest. Cum autem eiusdem quanti natura quasi ad aliquam certam, & definitam rem naturalem adiuncta subit, atque constituit quampiam scientiam, tunc non solum proprias affectiones, sed etiam quandam aliam contractam ex re naturali, cui iuncta est, secum in contemplationem in tota fermè scientiæ adducit, vt in astrologia non modo corpo-

a
3. ph. c. 10.
p. p. phia. t.
19.
3 p. phia. r. 7
12. p. phia.
t. 44.
13 p. phia.
2. j.

b
3. de anima
t. 35
6. p. phia. t. 2
7 p. phia. t.
35.
13. p. phia.
c. 3.
c
7. p. phia. t.
35. 39.
8. p. phia. t.
15.
d
13. p. phia.
c. 3.

corporum cœlestium magnitudines, figura, & ipsarum propriae affectiones, verum etiam motus ab ipsorum corporum natura existentes considerantur, & ob talis naturalis qualitatis accessionem, & assumptionem neque scientiæ huiusmodi, neque materiæ eis subiectæ simpliciter mathematicæ, sed mixtæ, & quodam modo ex naturali, & mathematica constitutæ sunt, & propterea^a magis naturales, quàm reliquæ dici solent. Attamen mathematicarum nomen retinent, quia ne minimam quidem partem substantiæ rei naturalis, ad quam adherent, ipsarum contemplatio attingit. Hæc si exposita diligenter intuenti, atque consideranti difficile non est, intelligere, quomodo verum sit, nullum vere, simpliciter quæ mathematicum moueri, quia tanquam ab omni re naturali, quæ mobilis sola per se est, abstractum intellectu concipitur, atque consideratur, neque huic aduersari, contrariumque esse, quod astrologia magnitudines, & figuras, ut in cœlestibus corporibus hærentes, ac constitutas, & quatenus, mobiles sunt, contempletur. Illud enim, ut diximus, tanquam ab omnibus naturalibus separatum, purum, simplex quæ mathematicum est, hoc autem, tanquam copulatum cum re certa naturali, & mobili mixtum ex diuersis, temperatumque est; nam & si ipsius rei naturalis substantiam missam facit, illius tamen mobilitatem assumptam, ac sibi semper adiunctam habet. Quare duo sunt mathematicorum genera, vnum simplex, ac verum mathematicum, quod penitus immobile est, alterum mixtum, nec plane mathematicum, sed potius, quia rei naturalis substantiam non attingit, similitudinem quandam mathematicorum gerens, & propterea ad rei, cui adheret, motum etiam mouetur. Astrologia igitur, quæ non simpliciter mathematica, sed similis mathematicis est, tum sibi subiecta, quatenus mouentur, cœlestia corpora habet, tum ob eam quoque causam^b maxime omnium mathematicarum scientiarum philosophia dicitur, neque propterea cum huius loci veritate id pugnare existimandum est, quia philosophus hic, cum loquatur de simplici, veræque mathematica re, nihil mathematicum moueri verissime dixit.

^a
1. ph. t. 10.

^b
12 p. phiz.
t. 44.

ARISTOTELES.

Atqui semper, quæ principium est, quiescit, dum particula, quæ infra est, mouetur, veluti, dum lacertus mouetur, cubitus, dum
autem

autem totum membrum, humerus, & dum tibia, genu, dum autem totum crus, coxendix. Quod igitur & in se ipso unumquodque habeat, oportet, aliquid quiescens, unde est principium eius, quod mouetur, & ad quod annitens & totum simul mouetur, & ex parte, manifestum. Sed omnis etiam in ipso quies frustra esset, nisi aliquid extrinsecus simpliciter, quiescens, & immobile extaret.

E C P H R A S I S IIII.

2. de partib⁹
animaliū c. 1.
3. de partib⁹
animalium c. 3 4

Cum aliqua una pars animalis mouetur, necesse esse commoditate flexus, qui & motus, & quietis simul est particeps, ut altera quaedam quiescat, modo expositum est: vera autem illarum partium sit, quæ quiescere debeat, deinceps esse ostendendum existimamus. Quare, ut id melius, planiusque intelligi possit, sciendum est, quod principium, & quasi fons totius & vite, & motus animalis est ^a cor in medio corpore situm, cuius virtutem, & facultatem reliquæ partes ita vberissime, ac primum participant, ut illi proximæ quæque sunt, & ideo, ubi eius virtus in totum corpus diffundenda, atque distribuenda est, oportet, ut primum in proximas ipsa diffusio, ac distributio, deinde in reliquas deinde perueniat partes. Quamobrem, cum membrum aliquod mouetur, extremitas eius partis, quæ cordi propinquior est, per quam ob talem propinquitatem principium motus deriuatur, & impertitur, tanquam si ipsa mouendi principium contineret, in flexu quiescit, alterius autem partis, quæ à corde longius distat, extremitas mouetur. Ut, si laceratus, brachij pars infra cubitum moueretur, pars supra cubitum cordi propinquior necessario quiesceret, si autem totum brachium in motu versaretur, humerus corporis trunco affixus in quiete esset; similiter autem in alijs quoque membris euenire censendum est, ut, cum tibia, quæ est pars infra genu, mouetur; scemur, quod est supra genu, quiescat, cum vero totum crus agitur, coxendix insita trunco stet, necesse sit. Sic igitur,

igitur, dum aliqua in vnoquoque animali pars motu cietur, esse debere, alteram quiescentem, & immobilem, per quam principium motus deducatur, atque communicetur, & in qua pars illa altera, quæ vel tota simul, vel ex parte mouetur, necessario nitatur, ac fulciatur, satis constare arbitror. Attamen quia ^a omne, quod mouetur, aliquo loco contineri debet, locum ^b autem omnem esse immobilem oportet, tota profecto quies ipsa, quæ intus aliquam animalis partem complectitur, dum altera mouetur, cassa, inanis, ac frustra esset ad eum moliendum motum, nisi externum illud, in quo, vt in loco animal consistit, & nititur, quiescens, & immobile prorsus extaret. Quare aliquid huiusmodi penitus immobile extra constituere semper opus omnino est.

^a
4 ph. t. 4. 6.
13. 39.
^b
4 ph. t. 41. 43

ARISTOTELES.

Par autem est, animum attendentes considerare de eo, quod dictum est. Habet enim contemplationem non ad animalia tantummodo pertinentem, verum etiam ad motum, & conuersionem vniuersi. Quemadmodum .n. & in ipso aliquid esse oportet immobile, si futurum est, vt moueatur, sic adeo magis quippiam extra animal esse oportet immobile, ad quod id, quod mouetur, annitens mouetur. Si .n. cedit semper, sicuti muribus in terra, aut in arena gradientibus, non progredietur, neque erit neque incessus, nisi terra stet, neque volatus, vel natatus, nisi aer, aut mare renitatur. Necesse autem, est, hoc aliud esse ab eo, quod mouetur, & totum à toto, & immobile huiusmodi nullam

*lam esse partem eius, quod mouetur, sin minus,
haudquaquam mouebitur.*

ECTHRASIS V.

Quòd animal ad se mouendum frustra partem aliquam corporis in se ipso quiescentem esset habiturum, nisi extra etiam aliquid aliud prorsus immobile existeret, ex ijs, quæ proxime sunt explicata, cognitum esse puto. Quapropter, cum huiusmodi consideratio non ad animalia solum, sed etiam ad vniuersi, quod, vt supra quoque diximus, à se mouetur, motum, atque conuersionem attineat, operæ pretium est, omni animi attentione intueri, atque perspicere, cur illud externum immobile, dum animal mouetur, debeat subesse. Id quod vtrum etiam extra ipsum vniuersum poni oporteat, cum necessarium cognitu sit, diligenter paulo post perquiratur, atque ostendatur. Etenim quemadmodum in ipso animali, si moturum est se ipsum, esse oportere aliquam partem immobilem modo docuimus, sic quidem certe multa etiam magis extra ipsum existere aliud omnino quiescens, & immobile necesse est, in quo nixum animal, dum se mouet, moueri possit. Nam, si animal mouendo se ipsum in aliquo niteretur, quod etiam ipsum moueretur, vt quis in aere impulsu ventorum agitato, piscis in rapido, ac fluente amne, homo in foris nauigij celerem cursum tenentis, opus nimirum esset, (quoniam ista non instar loci, sed ^a potius tralatitij vasis habenda sunt) vt id in altero, quod quiesceret, niteretur; quòd si illud quoque moueretur, deneniendum tandem ad vnum esset, quod omni prorsus motu vacaret. Et enim aer, & aqua circum terram, ^b quæ perpetuo stat, ^c fluunt, & agitantur. Namque, si extrinsecus nihil inueniretur immobile, sed, dum mouetur animal, & in vno aliquo primo nititur, omnia deinceps iugi, continuataque cessione refugerent, neque tandem stabile, atque obfistens quippiam consisteret, veluti terra contrita, & in minutissimum puluerem soluta facere solet cedens in summo exempli gratia muribus in ea gradientibus, neuiquam animal ingredi, aut alio modo progredi valeret. Ita neque animum volatus, neque piscium natatus, neque terrenorum animalium ingressus, aut alius eius generis motus esse posset, nisi vel terra renitendo staret, vel tota maris, cæterarumq; aquarum, & aeris moles obfistendo suo contineretur, atque permaneret loco. Atque, cum istiusmodi externum immobile sit locus, necesse est, ita totum esse diuersum

^a
4 ph. c. 41.

^b
2. de cælo. c.
101.

^c
p. meteor.
6. 4.

sum, atque distinctum ab eo, quod mouetur, vt nulla omnino pars illius existat, alioqui nequiret vlla ratione id, quod mouetur, moueri. Verus enim locus, in quo aliquid mouetur, ^a quia immobilis esse debet, in nullo particularum illius, quod mouetur, numero reponi potest.

^a
4. ph. t. 3^o.
41, 42.

A R I S T O T E L E S.

Argumentum autem huius est id, quod dubitatur, cur, si quis extrinsecus impellat nauigium conto vrgens malum, aut aliquam aliam particulam, mouet facile, sin autem in ipso nauigio quis esset, & hoc tentaret agere, nequaquam mouere posset; neque si Tityus, neque si Boreas intus ex nauigio flarent, si quis esset flans hoc modo, quo pictores fingunt. Ex se ipso enim efflantem spiritum pingunt. Sive enim leniter eijciat spiritum, siue ita vehementer, vt ventum efficiat maximum, siue aliquid aliud sit, quod eijcitur, vel impellitur, necesse primum est ad aliquam particularum sui ipsius quiescentem annexum impellere, deinde rursus vel ad ipsam particulam, vel id, cuius est particula, re aliqua extrinsecus innixum stare. Impellens autem nauigium, idemq; in nauigio consistens, & in nauigio nixus iure non mouet nauigium, propterea quod necessarium

c est

est, ut illud, quo innititur, stet. Accidit autem ipsi, ut & quod mouetur, & in quo nititur, idem sit. Impellens autem extrinsecus, aut trahens mouet; nulla .n. nauigij pars terra est.

ECTHRASIS VI.

Dum animal mouetur, aliquid penitus immobile extra ponendum esse, quod nulla sit ipsius animalis pars, magnopere confirmabit, atque plenam nobis faciet fidem exemplum à motu nauigij sumptum, de quo etiam extare controuersia solet. Dubitari enim, ac quæri solum est, cur, si quis extra constitutus impellat nauigium admoto conto ad malum, aut ad puppim, aut ad aliquam aliam partem nullo ferme negotio moueat nauigium, sin autem intus sit, omniq[ue] contentione id efficere conetur, totus omnino mouendi labor, & conatus frustra suscipiatur; si quidem nullis, quamuis magnis viribus moueri nauigium posset. Quapropter, etiam si faciamus aut Tityum, quem propter inusitatam corporis magnitudinem verisimile est maximam habuisse spiritus abundantiam, in nauigio locatum, atque tantam spiritus vim efflantem, ut vela plenissime turgescant, aut, quemadmodum pingunt pictores, bove in intus ex puppi eam copiam ex sese sui flatus emittentem, ut quam maxime panderet, atque vrgeret vela, tamen ne minimo quidem motu nauigium cieri posset. Hoc autem accideret ob eam causam, quod necesse esset, siue tenuis, siue ita vehemens emitteretur flatus, ut ingens conflaretur ventus, siue quid aliud esset, quod emitteretur, aut propelleretur, primum ut impellens in aliqua sui ipsius particula quiescente nixus impelleret, deinde rursus, ut aut hæc eadem particula quiescens, si postrema esset, ut pes, aut illud membrum totum, cuius est particula, exempli gratia, crus, si ea particula non esset extrema, ut tibia, in aliquo externo immobili innitens staret, atque quiesceret, & eo modo impelleret, ac moueret. Ab impellente autem, qui in nauigio & est, & nititur rationi profecto consentaneum est nullo pacto moueri nauigium, quia id, quo innititur mouens, quiescat, atque immobile sit, necesse est. At ei, qui est in nauigio, contingit, ut nauigium sit idem, & quod mouetur, & in quo nititur: qui autem extrinsecus impellit, aut trahit, cum in terra nitatur, quæ neque nauigij pars, & ab ipso mouente alia, ac diuersa,

diuersa, & immobilis est, modo quantum sat est virium ad mouendum, suppetat, facile mouebit.

A R I S T O T E L E S.

Dubitaret autem quispiam, num, si quid mouet totum cœlum, oporteat illud & immobile esse, & nullam esse cœli particulam, neque in cœlo. Siue enim ipsum, dum mouet cœlum, mouetur, necesse est, tangendo aliquod immobile, moueat, & istud nulla sit mouentis particula: siue statim ipsum mouens immobile est, similiter nulla futurum sit particula eius, quod mouetur. Et hoc quidem recte dicunt, qui asserunt, quòd, cum sphaera in orbem feratur, nulla prorsus particula quiescit; vel enim totam necessarium esset quiescere, vel ipsius continuationem distrahi; sed, quòd putant, polos quandam habere potentiam, cum nullam habeant magnitudinem, sed sint extremitates, & puncta, non bene. Nam præter quàm quòd nulla substantia est alicuius talium, etiam moueri uno motu à duobus impossibile est, duos autem faciunt polos. An igitur aliquid se habeat sic etiam ad vniuersam naturam, ut terra ad animalia, & ad ea, quæ per ipsa mo-

uentur, ex talibus addubitare quis posset.

E C P H R A S I S VII.

Omniā ratione declaratum esse constat, extra animal, dum à se mouetur, aliquid diuersum ab eo penitus immobile, atque quiescens constitutendum necessario esse. Hoc autem cum ad ea omnia communiter pertinere videatur, quæ se ipsa mouent, cumque vniuersum, vt etiam supra diximus, à se moueatur, iure querendum esse censemus, vtrum extra vniuersum, quod æterno tempore mouetur, aliquid immobile ab illo distinctum, atque alienum esse oporteat. Quamobrem non sine causa dubitaret, & quereretur aliquis, nunquid illud quod mouet totum cælum, hoc est, supremum orbem, cuius motu in primis^a cætera vniuersa deinceps, quæ^b in eo compræhensa tenentur, assidue cientur, debeat & immobile, & ita extraneum esse, vt neque vniuersi pars ulla, neque in vniuerso, quod nunc cælum appellamus, aliqua ratione sit. Vtraque enim pars difficile explicatus habere videtur. Nam id, si immobile non est, sed mouendo vniuersum etiam ipsum mouetur, necesse est, vt in aliqua alia re externa immobili, vt supra docuimus, quæ nulla sit ipsius mouentis particula, innixum moueat. Quare id, quod minime esse potest, sequeretur, vt corpus aliquod immobile extra vniuersum locandum esset. Sin autem idem mouens sic mouet vniuersum, vt continuo ipsum immobile maneat, similiter necessario eueniet, vt illud nulla sit vniuersi, quod mouetur, particula; ex quo efficitur id, quod maxime absurdum videtur, vt^d vniuersum non sit vniuersum, cum extra ipsum aliud immobile existat. In quo tamen recte sentire putandi sunt ij, qui, cum cælestis sphaera in orbem sempiterno tempore versetur, ne minimam quidem illius particulam stare, atque quiescere dicunt. Cum enim sphaera^e in globosam, rotundamque sit figurata formam, quæ omnium figurarum^f prima, & maxime vna est, tam perpetua continuatione cohibetur, tantaque perfectione vna est, vt nulla possit in ipsa partium, quæ motu, & quiete inter se distinguantur, ac discernantur, apparere multitudo. Quamobrem, si vna illius vel minima particula quiesceret, aut totam propter eius summam, maximeque vnā conuenientiam quiescere, aut ipsius continuationem diuelli, & dissipari necesse esset. Quorum vtrunque quantum corporum cælestium naturæ repugnet, ex eo intelligi potest, tum quod^h totius cæli motus expers omnis potentie necessario æternus est, tum quod sphaeraⁱ corpus omni prorsus vacat mutatione,

a
8. ph. t. 53.
2. de cælo. t.
t. 58.
2. de genera
tione, & cor
ruptione. t.
56.
p. meteor. c.
4.
12. p. phiz.
t. 34.
b
4. ph. t. 46.
p. de cælo. t.
t. 96. 97.
c
p. de cælo. t.
96. usque ad
t. 100.
d
4. ph. t. 46.
e
2. de cælo. t.
17.
f
2. de cælo. r.
23 usque ad
t. 32.
g
2. de cælo. t.
23.
5 p. phiz. t.
11.
h
9 p. phiz. t.
17.
i
p. de cælo. t.
20. 21. 22.

ne,

ne, ac facultate, qua labefactari, aut diuelli aliquo modo queat. Quòd autem iidem vim quandam mouendi tribuunt polis, in multiplici eos versari errore constat, cum poli nulla prorsus sint præditi magnitudine, sed extremitates, & puncta existant. Si enim vis, & potentia mouendi esset in illis, necessario substantia quedam corporea, & indiuidua essent, ^a quia omnis potentia semper in aliquo altero est, ^b nullam vero esse substantiam corpoream indiuiduam tota clamat, atque testatur philosophia. Huc accedit præterea, quòd necesse est, vt ^c vnus numero motus ab vno solo, non à duobus efficiatur; at ^d motus cæli diurnus & vnus, & simplicissimus est, poli autem, quibus isti attribuunt mouendi potentiam, omnium consensu duo esse in sphaera constituuntur. Ex his igitur fieri potest, ut ancipiti consideratione distrabatur animus in perquirendo, vtrum ad motum vniuersæ naturæ aliquid immobile, & externum subesse conueniat, quemadmodum terra subest animalibus, dum vel se ipsa sua sponte, vel alia quedam mouere solent.

Quæstio, vtrum vnus numero motus possit eodem tempore à pluribus simul primis motoribus fieri.

Quia in his dictum, atque conclusum est, fieri non posse, vt sphaera moueretur à polis, qui sunt duo, propterea quòd illius motus est vnus numero, vnus autem numero motus ab vno duntaxat motore, non autem à pluribus, qui primo moueant, effici debet, hoc verumne sit, nunc sine diligenti perscrutatione minime prætereundum esse iudicamus. Quamobrem, vtrum plures motores, non quorum vnus sic deinceps moueat, vt ab altero ipse moueatur, & tandem illorum vnus sit primus omnium mouens, sed, vtrū plures primi motores simul coeuntes possint, quod in polis negatum fuit, eo ipso tempore vnum numero moliri motum, perquiremus. Nam id fieri posse vt crederemus, multa, quibus facile adduceremur, sunt exempla. Videmus enim à multis simul remigibus vno motu numero vnā impelli nauim, à multis equis vnū similiter trahi currum, à multis hominibus eodem modo vnum agi, atque volui pondus. In quibus singulis cum plures simul sint primi motores, tamen vbiq; vnus numero motus est. Eò etiam additur, quòd ad vnum constituendum numero motum ^e tria solum necessaria requiruntur, tempus vnum continuum, res vna, quæ moueatur, & si motus per locum est, locus vnus indifferens, hoc est, vt id, quod mouetur, versus vnā tantum, non autem versus differentes loci partes moueatur. Hæc autem simul omnia cum

a
5 p. phiz t.
17
9 p. phiz t. a
b
6 ph. t. 1. a. 3
p. de genera
tione & cor
ruptione, t.
8. 9
c
8 ph. t. 49
12 p. phiz t.
43.
d
8. ph. t. 75. 76
p. de cælo t.
8.
2. de cælo t.
34

e
5 ph. t. 34
8 ph. t. 64

2
 lib. mecha.
 c. 1.
 b
 8 ph. t. 48.
 c
 8. ph. t. 86.
 12. p. phiz.
 130.
 d
 2 ph. t. 73.
 e
 5 p. phiz. t.
 11.

cum in vnoquoque eorum, quæ sunt exposita exempla, & in alijs etiam
 conuenire possint, nihil prohibet, quo minus vnus numero motus à pluri-
 bus simul primis motoribus efficiatur. Quapropter supremam sphaeram
 à duobus simul polis vno cieri motu, neque absurdum, neque rei naturæ
 hac in parte contrarium esse putaretur. Itaque, vt veritas, quæ in hac
 apparente controuersia latet, emineat, & elucescat, sciendum est pri-
 mum, quod^a aliud est naturaliter, aliud vel arte, vel voluntate moueri,
 deinde in ijs, quæ secundum naturam sunt, quod^b semper idem melius
 efficitur, modo fieri possit, per pauciora, & per vnum, si illud satis est,
 quàm per plura, postremo quod^c primus cæli motor & expers est
 omnis materiæ, atque potentiæ,^d & naturaliter mouet. His ita positis
 dicimus motum, qui arte, & voluntate fit, à pluribus simul primis mo-
 toribus, dummodo sic^e ad vnum aliquod mouendum referantur, vt om-
 nes pro vno habeantur, sicuti plures remiges ad vnā impellendam na-
 uim, multi equi ad vnum trabendum currum, plures homines ad vnum
 voluendum, aut portandum onus, vnum numero effici posse, qui vero na-
 turalis est, & præsertim cælestis sphaeræ, non posse vnum, nisi ab vno so-
 lum motore fieri. Primum enim si motus primæ sphaeræ, qui vnus, simpli-
 cissimus, atque naturalis est, à duobus proficeretur motoribus, natu-
 ra non assecuta esset id, quod melius est, quia per plura efficeret, quod
 per vnum melius, vel potius necessario facere deberet, deinde cæli mo-
 tor, cui ob impotentiam mouendi alter socius fuisset datus, neque sine
 magnitudine, & materiâ, neque sine potentiâ esset. Hac igitur cum om-
 nem peruellerent veritatem, remanet, quod verissimum est, haudqua-
 quam fieri posse, vt à duobus primis motoribus vnus numero naturalis
 motus, & præsertim in corpore cælesti cieatur. Atque in vtroque tam
 naturali, quàm voluntario motu, qui vnus numero sit, tria illa ante com-
 memorata, rem vnā mobilem, vnum tempus continuum, & vnum lo-
 cum nihilominus adesse oportet, sicuti diligenter consideranti facile per-
 spectum esse potest.

ARISTOTELES.

*Facientes autem fabulose Atlantem inter-
 ratenentem pedes, viderentur ingeniose fabu-
 lam dixisse, perinde ac si is, quasi diameter esset,*

Et cœlum verteret circum polos. Hoc autem pulchre eveniret, propterea quod terra stat; sed ista dicentibus necessarium est, asserere ipsam terram nullam esse uniuersi particulam. Præter hæc autem vires mouentis æquales viribus stantis esse oportet. Est enim magnitudo virium, Et potentia, per quam stat id, quod stat, quemadmodum Et per quam mouet id, quod mouetur; Et est quedam proportio ex necessitate ut contrariorum motuum, sic etiam quietum, Et æquales quidem impatibiles vicissim inter se sunt, vincuntur autem secundum exuperantiam. Quare siue Atlas, siue quid eiusmodi alterum ex ijs, quæ sunt intus, est mouens, nihilo magis fore oportet, ut reuincat quietem, quæ terra manens stat, aut mouebitur terra è medio, Et ex proprio ipsius loco. Vt enim impellens impellit, sic illud impellitur, quod impellitur, Et similiter secundum vires; mouet autem quiescens primum. Quamobrem multo etiam maiores sunt vires, aut similes, Et æquales quietis; eodem autem modo Et vires eius, quod mouetur, non autem mouet. Tantam igitur oportebit esse potentiam terræ in quiescen-

do, quantam & cælum vniuersum habet, & illud, quod mouet ipsum. Si autem hoc impossibile, impossibile etiam est moueri cælum ab aliquo huiusmodi eorum, quæ intus sunt.

E C P H R A S I S VIII.

Quàm difficile sit diiudicare, atque constituere, quomodo primus motor moueat vniuersum, ne quid absurdum, ac repugnans veritati sequatur, ex ijs, quæ in controuersiam modo vocata sunt, constare potest. Quocirca nonnulli tam magna occurrere difficultati cupientes ingeniose illi quidem, & acute, sed minime rei naturæ conuenienter, & congruenter fabulam de Atlante protulerunt. Fingunt enim isti Atlantem pedibus nixum in terra, ^a quæ tota immobilis in medio mundo manet, duarum columnarum, quarum vnâ dextera, alteram sinistra manu comprehensam tenet, alterno impulsu circum polos voluere cælum; eundemque talem cæli rotationem moliri, tanquam si mundi diameter esset, quia ^b vniuersi extrema, hoc est, cæli ambitum, locum supremum, & terram in medio positam, locum infimum attingere statuitur. Atque hoc illis belle succederet in eam partem, quatenus terra, in qua Atlas mouendo nititur, perpetuo quiescens manet; sed, quia necesse iisdem esset, negare terram esse omnino vllam vniuersi partem, (siquidem illud ad quod motor amittitur in mouendo, extra prorsus id, quod mouetur, esse oportet,) grauissime labuntur; terra enim suapte natura in medio hærens cæli complexu continetur, & ob eam causam necessario pars quedam vniuersi est. Peccant præterea non leuius etiam in tali positione isti, quandoquidem vires terræ quiescentis pares facere viribus simul & ipsius mouentis, & cæli, quod mouetur, coguntur. Hoc autem vt clarius appareat pro comperto esse nobis habendum oportet, quod vires & mouentis, & quiescentis, in quo mouens mouendo nititur, quandam inter se necessario semper obtinere æqualitatem debent. Vt. n. in quiescente vis quedam, & potentia, qua quiescit, sic in mouente, quod, cum corporeum nunc constituitur, dum mouet, mouetur, pariter vis, & potentia, qua mouet, insit, necesse est. In quo non solum motus ad contrarium motum, sed etiam ad contrariam quietem necessario proportionem habeat, oportet. Atque, cum in eiusmodi proportionem contrarij motus,

^a
2. de cælo t.
96 usque ad
t. 103

^b
4. ph. t. 5. 43
p. de cælo t.
44
2. de cælor.
73
4. de cælo t.
44 56.

tus, seu quietes continentur, ac mutuam inter se quādam seruant aequalitatem, minime se mutuo tollere, aut labefactare possunt; cum autem nulla retenta proportione, aut aequalitate vnus excellit, & exuperat, atque pro suis idem viribus agit, alter porro contrarius sine motus, sine quies aut labefactatur ex necessitate, aut omnino deletur. His igitur cognitis siue Atlas, siue quippiam aliud eiusmodi eorum, quæ intus in mundo consistunt, mouet cælum, nequaquam oportet, vt ipsius in mouendo vis ita proportionis, & aequalitatis transeat fines; vt superet, & conterat, atque extinguat quietem, qua terra stat; alioqui mouebitur, & expelletur terra è medio, qui est proprius ipsius locus. Eodem enim impulsu, quo mouens impellit, ipsum quiescens impellitur, similiterque quemadmodum illud pro viribus suis impellit mouendo, & vrget, ita hoc pro viribus vrgeti, & impellenti quiescendo resistit. At istud mouens, quod impellit, siue Atlas, siue quodcunque aliud sit, huiusmodi esse necesse est, quia, dum mouet, primum existit, quod in terra nitendo stat, & quiescit. Quamobrem, si ipsa terra suo non extruditur loco, vel multo etiam maiores erunt vires, quibus stat, & quiescit, vel similes, & æquales viribus mouentis, & impellentis. Quia vero cælum, quod mouetur, nec tamen propterea mouet aliud, quasi fulcitur, ac sustentatur ab Atlante mouente, oportet similiter, vt illius quoque viribus simul aquantur vires terre. Quapropter tantam inesse vim, & potentiam in terra, quoniam obsistens Atlanti mouenti, atque torquenti cælum quiescit, & stat, quantam vniuersum cælum, simul & Atlas mouens ipsum, habet, necesse est. Hoc autem si nequit vlllo pacto fieri, quoniam terra^a præ cæli magnitudine minimum quiddam est, neque vt ab aliquo eorum, quæ intus in mundo sunt, moueatur cælum, fieri potest.

^a 2. de cælo, t.
113.
p. meteor.
c 3.

ARISTOTELES.

Est autem quadam dubitatio circa motus particularum cæli, quam, tanquam affinem his, quæ dicta sunt, consideraret quippiam. Si quis enim potentia motus superet quietem terræ, patet, quod mouebit ipsam è medio; atque vis, secundum quam est ipsa potentia, quod non

D^o sic

fit infinita, perspicuum; neque enim terra infinita est; quare neque gravitas ipsius. Quoniam autem impossibile dicitur multifariam, (non enim eodem modo esse impossibile dicimus & vocem à nobis videri, & eos, qui sunt super luna; illud enim ex necessitate, hoc autem natura comparatum, ut videatur, non videbitur,) cælum videlicet incorruptibile, & indissolubile arbitramur ex necessitate esse. Euenit autem secundum hanc rationem non ex necessitate: comparatum enim natura est, & contingit esse motum maiorem, & quo terra quiescit, & quo ignis, & superum corpus mouentur. Si igitur sunt excellentes motus, dissoluentur hac inter se, si autem non sunt, sed contingit, ut sint, (infinitum enim non contingit, propterea quod neque corpus contingit infinitum esse,) contingeret dissolui cælum. Quid enim hoc euenire prohibet, si quidem impossibile non est? Non est autem impossibile, si neq; oppositum necessarium est. Sed de dubitatione ista erit altera tractatio.

E C T H R A S I S IX.

Quàm longe à vero absint, qui ad tollendam controuersiam de cæli motore excogitarunt, & finxerunt Atlantem mouere cælum, hactenus
explica-

explicatum; atque declaratum est. Nunc autem, cum talis controuersia
 è medio tollenda esset, expedire magnopere videtur, vt prius altera
 quedam illi maxime coniuncta quæstio dissoluatur, ex cuius dissolutio-
 ne illa quoq; superior per se penitus sublata erit. Nam de motu orbium
 cælestium, ^a qui sunt totius vniuersi particule, aliquis non sine ratione
 in dubium venire possit. Cum enim singulorum orbium motores ^b ab om-
 ni sint prorsus materia liberi, & ob id ^c vim, & potentiam, qua æterno
 tempore monent, habeant infinitam, si quis à tali vi, atque potentia ad
 mouendum infinita constitueret virtutem, qua terra quiescens manet,
 vinci, ac superari, dubium profectò non est, quin terra è medio mouere-
 tur, & euectetur. Atque, quòd terræ quiescentis vires, secundum quas
 ipsa motus potentia, ac facultas ad vsum adhibetur, infinita non sint, &
 propterea superari ab illius facultatis infinitate queant, minime obstu-
 rum ex eo esse potest, quòd ^d necque terræ molem esse infinitam posse alibi
 probatum, ac demonstratum est: quare nec ipsius grauitas, & quæ facul-
 tas est, per ^e quam natura & ad medium fertur, & ibidem quiescit, infi-
 nita vllò modo esse potest. Quamobrem facta illius infinitæ facultatis
 accessione ad mouendum terra sine dubio è medio pellèretur. Vt igitur
 huic dubitationi satisfactum sit, considerare oportet, vtrum motores,
 etiam si ab omni sint alieni materia, possint intendere, & augere suorum
 orbium motù, an id impossibile sit. Quia vero ipsius impossibilis significa-
 tio multiplex est, (aliud enim impossibile est, cui aduersatur rei natura,
 aliud, cui obstitit impedimentum aliquod, & propterea si dicamus im-
 possibile esse, vt vox videatur, vocem videri ita impossibile est, vt neces-
 sario, quia huic natura repugnat, nequeat vlla ratione videri, si vero ali-
 qui exempli gratia super luna essent, & eos videri esse impossibile dice-
 remus, cum illi sua quidem natura visibiles essent, atque videri possent,
 tamen, quia loci distantia, & corpus interpositum lunare impedimento
 esset, nunquam à nobis viderentur, & hoc non repugnante natura, sed
 interiectò impedimento impossibile esset) nos assèueranter ex doctrina
 alibi vberrime tradita affirmamus cælum, siue totum vniuersum incor-
 ruptibile, & indissolubile esse, hoc est, impossibile ex natura & ex ne-
 cessitate, vt corrumpatur, atque dissoluatur, & ob eam rem motus or-
 bium, neque augeri, neque intendi posse. Ei vero, qui augeri, maioresque
 effici vult orbium cælestium motus, contingit, vt nequaquam vniuersum
 necessario, ac natura incorruptibile, atque indissolubile sit. Ex illius. n.
 sententia esset natura constitutum, ac facile contingeret, vt motus, quo
 & terra suo loco apte quiescit, & superum cæleste corpus in orbem tor-

a
 p. de cælo t.
 5.
 3. de cælo. t. 1.
 p. meteor. c. 1.
 3.
 b
 8. ph. t. 86.
 11. p. phil. 1.
 30. 43.
 c
 8. ph. t. 86.
 11. p. phil. 1.
 41.
 d
 p. de cælo t.
 46. usque ad
 t. 54.
 e
 4. de cælo. t.
 f
 2. de cælo t.
 96. usque ad
 t. 103.

g.
 p. de cælo t.
 101. usque ad
 finem libri.

^a
p. meteor. c.
4.

^b
p. de celo. t.
35. usque ad
t. 43.

^c
9. p. phiz. t. 7
8.

^d
11. p. phiz. t.
38.

quetur, cuius citissima conuolutione ^a ignis, & deinceps sublimior aeris pars vnâ trahitur, ac rapitur, augefcere, maiorq; fieri posset, atq; adeo fieret. Itaque, si orbium motus intentiores, excellentioresq; fiunt, hæc omnia inter se elementa, quæ sunt vniuersi partes, diuellentur, atque dissoluentur, sin autem non sunt, aut non sunt intentiores, atque excellentiores, sed fieri, & esse possunt, (non enim infiniti sunt, quia sic crescere non possent, cum ^b neque illorum corpora, neque ullum omnino corpus esse infinitum possit.) nimirum etiam vniuersum posset dissolui. Nam si ex opinione, quæ facit motus augeri posse, non est impossibile, sed contingens, ac possibile, vt dissoluatur, nihil profecto, quo minus id eueniat, prohibet; quoniam contingens, siue possibile eius est natura, vt, ^c si faciamus illud esse, nullum sequatur absurdum, aut impossibile. At qui non esse natura impossibile ex ea opinione, & ratione vt vniuersum corrumpatur, ac dissoluatur, constat, quia eius oppositum, quod est, vt non corrumpatur, neque dissoluatur, necessarium non constituebatur. Quamobrem, si orbium motus augeri, etiam vniuersum posse dissolui videretur. Sed totam hanc discutere dubitationem primæ philosophiæ munus est, ibi ^d enim cæli motorem esse penitus immutabilem, neque alio se habere modo posse demonstratum est.

ARISTOTELES.

Nunquid autem oportet semper extra id, quod mouetur, esse etiam immobile aliquid, & quiescens, quod nulla sit illius particula, necne? Idq; utrum & in vniuerso sic esse necessarium est? Fortasse enim videretur absurdum, si principium motus esset intus. Quare ita existimantibus videretur bene ab Homero dictum esse.

Sed non traheretis de cælo in terram

Iouem supremum dominum, neque, si

Permultum laboraretis.

Omnes autem apprehendite dii, omnesq; deæ.

Quod omnino quidem immobile est, à nullo con-
tingit

tingit moueri. Vnde soluitur etiam dudum dicta dubitatio, utrum contingat, an non contingat dissolui cæli constitutionem, si ex immobili pendet principio. in animalibus autem non solum, quod ita immobile est, oportet existere, sed etiam in ipsis, quæ per locum mouentur, quæcunq; ipsa mouent; oportet enim ipsorum aliud quidē moueri, aliud autem quiescere, ad quod illud annitens, quod mouetur, mouebitur; ut, si quam particularum moueant, alteram enim anniti ad alteram, tanquam ad acquiescentem oportet.

E C T H R A S I S X.

Quod motus corporum cælestium augeri minime possint, quia illud sequeretur impossibile, ut vniuersum dissolueretur, ex ijs, quæ proxime sunt explicata, planum esse factum, mihi persuadeo. Ut autem non solum adducendo ad impossibile, sed etiam ex causa aliquo modo demonstrando res firmior, stabilior, atq; perspectior habeatur, & ambæ simul soluantur propositæ quæstiones, exploratum nobis esse oportet, nunquid extra id, quod mouetur, semper opus sit, immobile, aliquod existere, & quiescens, quod nulla sit eius, quod mouetur, pars, idq; in primis sic se habere in ipso vniuerso necessarium sit. Tale autem immobile, & quiescens non tanquam materiam, sicut in animalibus supra declaratum est, sed, quod sit principium, vnde motus, intelligi volumus. Nam absurdum quidem, ac verum naturæ dissentaneum iure censeretur fortasse, si huiusmodi principium motus, quod infinitam potentiam habet, & æterno tempore mouet, intus in vniuerso, atq; illius particula esset aliqua. Quocirca, qui ita sentirent, non possent nō vehementer probatum habere, quod ab Homero præclare dictum est. Declaraturus enim^a Homerus maxi-

^a
in prin. libel
& iliados.

nam, summamque potentiam, atque immobilitatem Iouis, utpotè qui principium est, quo & cæli moventur, & vniuersum regitur, facit in magna deorum concione eum ipsum Iouem habere orationem, qua ostendit, se penitus immobilem, atque immutabilem esse, nihilque vires, & conatus reliquorum omnium simul deorum contra eius immutabilitatem valere, ac posse. Quod si periculum facere vellent, iubet, ut cuncti vnà di, de æq; e cælo auream appensam catenam apprehendentes omni contentione trahant; tunc enim ne minimum quidem suo loco eum moueri toto isto conatu perspiciant. Nempe, quod omnino immobile, atque immutabile est, id nulla ratione contingit, ut moueri, aut mutari queat. Ex quo dubitationē, ac quæstionē paulo ante excitatam, in qua quærebatur, contingat, an non contingat motus orbium sic augeri, ut terra e medio extrudatur, atque propterea vniuersi dissolutio sequatur, licet facile soluere; siquidem principium, ex quo vniuersum pendet, & regitur, in suoq; statu seruatur, ^a immobile, & immutabile manens eodem semper modo se habet; & ob eam causam neq; ut intendantur cælorum motus, neque ut vniuersum dissoluatur, fieri vlllo modo potest. Vnde etiam constat, non esse Atlantem cæli motorem, sed principium istud, quod, cum omnis sit expers materiæ, atq; penitus immobile, sic mouet cælum, ut nulla re alia externa quiescente, in qua nitatur, opus sit, & propterea nec in vniuerso, neque vniuersi aliqua particula est. In animalibus autem, quæ quodammodo, ut supra diximus, parua sunt vniuersa, non solum principium motus similiter immobile, quod est anima a toto ^b corpore per se mobili distincta, sed etiam in singulis ipsorum partibus, quasq; vnumquodq; animal loco mouet, immobile aliquid, tanquam materia, ut antea quoque ostendimus, esse debet. Oportet enim, dum vna mouetur pars, ut altera quiescat, ad quam illa, quæ mouetur, annitatur; ut si vnā aliquam particularum moueat animal, opus est, ut ista, quæ mouetur, in altera ei adiuncta, tanquam in quiescente, cum tamen re vera non omnino quiescat propter continuationem, ac colligationem cum illa, quæ mouetur, innitatur.

^a
8 ph. 1. 52.
12 p. phi. 4. 20
38.

^b
2. de aia 1. 4.

ARISTOTELES.

De inanimatis autem, quæcunque mouentur, dubitaret quis; utrum omnia in se ipsis habeant & quiescens, & mouens, & ad aliquid

externo-

externorum quiescentium & hac anniti ne-
se, an impossibile sit, velut ignem vel terram,
vel inanimatorum aliquid; sed à quibus hæc
mouentur primis; omnia enim ab alio mouen-
tur inanimata. Principium autem omnium,
quæ sic mouentur, sunt ea, quæ se ipsa mouent.
Horum autem talium dictum est de animali-
bus. Omnia enim huiusmodi necesse est, ut &
in se ipsis habeant quiescens, & extra, ad quod
annitantur. Si autem est aliquid superius, &
primum mouens, incognitum est, & alia tracta-
tio de huiusmodi principio. Animalia au-
tem, quæcunq; mouentur, omnia ad ea, quæ ex-
tra sunt, annitentia mouentur, & respirando,
& expirando. Neque enim refert magnum
eijcere pondus, vel paruum; quod quidem fa-
ciunt spuentes, & tusientes, & inspirantes, &
expirantes. Vtrum autem in eo, quod se ipsum
loco mouet, tantummodo quiescere aliquid opor-
tet, an etiam in illo ipso, quod à se alteratur,
& augetur? De generatione autem, quæ ab
initio est, & corruptione alia tractatio. Si
enim est, quem dicimus, primus motus, gene-
rationis, & corruptionis ipse causa esset, & alio

rum videlicet motuū fortasse omnium. Quemadmodum autem in vniuerso, etiam in animali, cum perfectum fuerit, motus primus is est. Quare & accretionis, si quando factum fuerit, ipsum sibi ipsi causa erit, & alterationis, sin minus autem, non est necesse. Prima autem accretiones, & alterationes ab alio fiunt, & per alia. Generationis, & corruptionis nequaquam possibile est, ipsum sibi ipsi causam esse. Ante enim esse mouens, quàm, quod mouetur, & generans, quàm, quod genitum est, oportet. Ipsum autem seipso prius nullum est.

E C P H R A S I S XI.

2.
2. de celo r.
13.

Hactenus in duobus animatorum generibus, quorum vnum animalia, alterum complectitur vniuersum, cuius primæ, atque præcipuæ partes, quæ sunt cælestia corpora, ² animate existunt, declaratum, & expositum est, quot, & qualia vtrunque illorum, quatenus se loco mouet, immobilia principia motus siue intus, siue extra habere debet. Cum autem inanimata etiam loco moueri, & animalia multis quoque alijs mutationibus, vt alteratione, accretione, diminutione, & alijs similibus cieri, atque in vno quiescentia loco tum spuendo, tum tustiendo, tum respirando a se agitari cernantur, cum hac nimirum doctrina maxime congruens esse videtur, vt & de inanimatorum motibus, & de talibus animalium mutationibus, & agitationibus, consideratio aliqua suscipiatur. Quamobrem de inanimatis, quæcumque sint, quæ loco moveantur, merito inquireret aliquis, an omnia, cuiusmodi est ignis, vel terra, vel quippiam aliud inanimatum & in se ipsis necessario tum immobile illud, quod est principium, vnde motus, tum etiam particulam aliquam quiescentem habeant, & in aliquo extrinsecus immobili, dum mouetur, nitantur,

nitantur, an id minime fieri possit, sed satis sit, si hæc immobilia, & quiescentia adsint tantummodo ijs, a quibus primo ista inanimata moventur. Atqui hoc certe verisimile, credibileque videtur, quoniam inanimata omnia propter eorum admodum^a imperfectam formam^b ab alio semper moventur, & principium motionis ipsorum, ut in initio quoque diximus, sunt ea, quæ sua sponte se ipsa movent. Quæ cum diuersorum generum sint, (aliud enim se ipsum mouens est animal, aliud vniuersum, & aliud vnusquisq; orbis cælestis) quamquam nonnulla ad vniuersum pertinentia dubitando solum hic tacta sunt, tamen de animalibus plene tractatum est. Ea enim omnia, dum a se moventur, & intus in se ipsis habere aliquid immobile, ac quiescens, & extra in quo nitantur, pluribus supra docuimus. Si vero corpus cæleste mouens se ipsum est quiddam ipso animali superius, & primum mouens hæc inanimata, nihil de hoc motus principio nobis in præsentia compertum esse potest, talis tamen doctrina suis, & multis quidem locis, præsertimque in libris &^d de cælo, & de generatione, & corruptione tradita, & explicata est. Quare, ut reliquas animalium propositas motiones, ac mutationes persequamur, tenendum est, animalia, quæ adducendo, & reddendo spiritum cientur, qualia sunt habentia pulmones, omnia, dum id faciunt, sic cieri, atque moueri, ut in aliquo externo quiescente nitantur. Et, quamuis spiritus, qui^e pulmonibus, & corde concipitur, & redditur, perquam leuis sit, tamen in respirando, & expirando non egere animalia tali externo nixu minime opinari oportet. Nihil. n. interest, utrum graue aliquid, an leue projiciatur, quod spuentes, & tussientes, & inspirantes, & expirantes facere videntur. Cum autem animal, dum a se loco moventur, aliquid intus in se ipso quiescens necessario habeat, recte quæri posset, nunquid, cum a se quoque alteratur, & augetur, quiddam simile quiescens intus pariter habere debeat. De generatione autem, qua animal incipit, & corruptione, qua desinit esse, alibi & potissimum^g in secundo de generatione, & corruptione libro considerandum est. Ibi enim declaratum est, si motus per locum^h est primus omnium motuum, cum in corporibus cælestibus tunc accessu solis, cuiusⁱ salutari calore semen fecundum ad procreationem fit, tunc recessu, quo vniuersa tristitiam quamdam contrahere videntur, causam generationis, & corruptionis, & deinceps verisimiliter omnium quoque aliorum motuum esse. At quemadmodum in vniuerso, sic in animali, postquam generatum, atque perfectum est, eius generis motum esse primum maxime conuenit. Quapropter, cum animal sibi ipsi principium motus, per locum sit, etiam cum fa-

E Etum,

a
4. metcor. 2.
54.
8. ph. t. 29.
ulq; ad t. 33
c
2. de cælo. t.
61. usque ad
t. 66.

d
2. de cælo ti
20. 21.
e
2. de genera
tione, & cor
ruptione. t.
56. 57. 58.
f
1. b. de resp.
c. 13. 15.

g
2. de genera
tione, & cor
ruptione. t.
56. 57. 58.
h
8. ph. t. 55.
ulq; ad t. 61
i
2. de gñatione
ad aliu c. 3

Etum, & absolutum post generationem fuerit, sibi ipsi causa & accretionis, & alterationis erit; cum autem nondum perfectum, & absolutum in generatione est, non est necesse, ut sibi alicuius mutationis causa existat. Primæ autem accretiones, & alterationes animalis, dum alio matris adhuc imperfectum continetur, ^a per venulas ex eius umbilico nascentes, & matris alio insitas virtute ipsius matris efficiuntur. Itaque, si animal, dum sua sponte à se motu per locum ciatur, immobile aliquid intus habere debet, & accretiones, atque alterationes, quæ ab eo ipso existunt, non possunt esse, nisi antecedit motus ille per locum, necesse profecto est, ut propter illum motum etiam, dum deinceps augetur, & alteratur, aliquid intus in se immobile, ac quiescens habeat. Generationis autem & corruptionis, nequit aliquo modo fieri, ut vllum sibi ipsi ipsum causa sit. Oportet enim ^b prius natura esse mouens, quam id, quod mouetur, & generans, quam id, quod generatum est, quia hoc sine illo esse non potest, nullumq; neque ^c se ipsum generat, neque se ipso prius est. Corruptionem autem, & interitum nihil est, ^d quod naturaliter sibi asciscat, cum omnia ob eam rem generentur, ut sint, & suapte natura perpetuam, & sui conseruationem expetant, ac persequantur.

ARISTOTELES.

De anima igitur, an moueatur, necne, & si mouetur, quomodo moueatur, prius dictum est, in ijs, quæ de ipsa definita sunt. Quia vero inanimata omnia, mouentur ab alijs, de primo quidem quod mouetur, & semper mouetur, quomodo moueatur, & qua ratione primo mouens moueat, definitum est prius in his, quæ de prima philosophia sunt. Reliquum autem est contemplari, quo pacto anima moueat corpus, & quodnam sit motus animalis principium. Præter n. vniuersi motum animata sunt causa

a. de genera
tione & anima
lib. c. 4. §.
b.
c. p. phil. r.
16.
13. p. phil. r.
43.
d.
e. de genera
tione anima
lib. c. 1.
f. p. phil. r. 81.
g. de genera
tione & cor
ruptione t.
39.
h. de anima 34
i. de genera
tione anima
lib. c. 1.

motus aliorum, quæcunq; non mouentur inter se eò, quod mutuo inter se offendant. Quare & terminum habent omnes motus ipsorum. Etenim etiam ij, qui animatorum sunt. Omnia enim animalia & mouent, & mouentur, aliquius gratia. Quapropter hoc, quod est, cuius gratia, cuiusque motus est ipsis terminus.

E C P H R A S I S XII.

Principium eius, quod se ipsum mouet, immobile esse, quod initio propositum fuerat demonstrare, præclare, ut arbitror, iam demonstratum est. Cum autem huiusmodi principium immobile, quod uidelicet ad motum animalis necessarium est, triplex esse debeat, vnum extra, intus autem duo, quorum alterum est aliqua corporis particula, tanquam materia, alterum vero anima, causa efficiens motus, consequens necessario nunc est, ut & quomodo anima moueat corpus, & à quo excitetur ad mouendum, declaratur, atq; planum penitus fiat. Quamobrem, cum anima informet corpus, & id ipsum etiam moueat, iure dubitari posset, vtrum in mouendo ipsa quoq; moueatur, an immobilis sit, ut dictum est; vnde in libris de anima^a traditum, atque definitum est, nullo modo animam per se moueri posse, contingere tamen, ut ad motum corporis etiam ipsa aliquo modo moueatur. Quia vero inanimata propriam non habent animam, à qua moueri queant, sed semper ab alio, vti etiam paulo ante diximus, moueantur, tota nunc de illorum motu consideratio est silentio prætereunda. Corpus autem cæleste, quod animatum, & primum mobile est, ab anima que intelligente aeterno motu in orbem torquetur, quo modo moueatur, & supremus motor illud moueat,^b in duodecimo primæ philosophiæ libro definite explicatum est. Reliquum igitur nunc est, ut contemplemur, quo pacto, anima moueat animalis corpus, & à quo, tanquam à principio quodam ad eum moliendum motum alliciatur ipsa. Nam, si, cur animalia moueantur, nouerimus, etiam quamobrem inanimata moueantur, nobis plane notum erit. Animantia enim principium, et causa sunt, ut alia omnia moueantur, quæ vel non cientur cœ-

^a p. de anima
t. 61.

^b 12. p. phis. t.
34. 35. 36. 37
38.

E 2 lorum

lorum conuersione, ² vt ignis, & aer, & cetera huiusmodi, vel non agitantur alterius offensione, & impulsione, vt arborum frondes, & similia ventorum concussa impetu. Quocirca, cum ab animantibus moueri incipiant, finem aliquem omnium suorum motuum habeant, necesse est. Etenim animantium etiam motus aliquo semper terminantur fine. Omnia enim animalia alicuius adipiscendi gratia, quod vel bonum, vel appa-rens bonum sit, & ad se ipsa, & ad aliquid aliud mouendum excitantur. Quare illud, cuius gratia & mouent, & ipsa mouentur, finis, & terminus est cuiusque illorum motus.

ARISTOTELES.

Videmus autem etiam mouentia animal, rationem, & sensum, & phantasiam, & electionem, & voluntatem, vel iram, & cupiditatem. Hæc autem omnia ad intellectum, & appetitum referuntur. Nam & phantasia, & sensus eundem obtinent locum, quem intellectus, omnia enim vi iudicandi valent; differunt autem secundum eas, quæ in alijs dictæ sunt differentia. Voluntas autem, & ira, & cupiditas, omnia sunt appetitus: electio autem commune rationis, & appetitus: quapropter etiam eligibile. Non omne autem rationabile est eligibile, sed, quod est agibilibus finis. Quare huiusmodi è numero bonorum est mouens, sed non omne honestum. Quatenus. n. huius causa aliud, & quatenus finis est aliorum, quæ sunt alicuius

alicuius causa, eatenus mouet. Oportet autem statuere etiam apparens bonum boni locum tenere, & iucundum, est enim apparens bonum. Quamobrem pater, quod est, quatenus similiter mouetur à semper mouente id, quod semper mouetur, & animalium unumquodq; , est autem, quatenus aliter. Quapropter & illud quidem semper mouetur, animalium autem motus terminum habet. Honestum autem aeternum, & verum, & prius bonum, & non modo bonum, modo autem non bonum, diuinius, & honoratius est, quàm ut sit aliud prius. Quod igitur primum est, mouet, & non mouetur, appetitus autem, & id, quod vi appetendi prædictum est, mouet, & mouetur, ultimum autem eorum, quæ mouentur, non necesse est, ut moueat aliquid. Perspicuum autem ex his, etiam quod motus per locum iure in ijs, quæ fiunt, postremus est omnium, quæ fiunt, mouetur enim, & graditur animal appetitu, vel electione, postquam per sensum, aut per phantasiam quippiam fuerit alteratum.

E C T H R A S I S XIII.

Quod bonum, aut apparens bonum alliciendo, & excitando animam moueat

moneat animal, ex his, quæ modo exposuimus, conspicuum, ni fallor, est. Quæ vero ratione ab eo bono, seu apparente bono excitetur anima, deinceps considerare oportet. Quamobrem, cum bonum, aut apparere bonum nullo modo suscitare animam ad mouendum posset, nisi & cognitione quædam esset perceptum, & appetitu aliquo concupitum, necesse est, ut anima proprias vires tum cognoscences illud bonum, tum appetentes in mouendo adhibeat. Ex quo fit, ut videamus animal non solum ab aliquo bono, aut apparente bono, sed etiam à ratione, sensu, phantasia, electione, voluntate, vel ira, & cupiditate, moueri. Hæc autem omnia sunt aut intelligendi, & cognoscendi, aut appetendi, & concupiscendi animæ facultates. Phantasia enim, ^a quæ est motio existens à sensu, qui in effectu sit, & sensus, qui ^b est facultas species rerum sensibilium recipiens, in eodem, ^c quo ratio, seu intellectus, locantur ordine. Hæc enim singula pariter & ad cognoscendum, & ad iudicandum à natura tributa sunt; distant tamen inter se, atque discrepant ijs differentiis, quæ in libris de anima sunt expositæ. ^d Nam ratio in solis tantum hominibus est, & vera, & falsa esse potest, sensus autem & in omnibus inest animalibus, & in propriis percipiendis sensibilibus nunquam falsus inuenitur. Phantasia autem, quæ inter istas animæ vires tanquam media interiecta est, differt quidem à sensu, quia motus quidam est, qui à sensu in sentiendo paritur, ut modo etiam diximus, à ratione autem facile quoque distinguitur, quoniam phantasia ita in nostra potestate est, ut, quotiescunque ad aliquid in nobis fingendum, quod aliquando sensu cognitum fuerit, ea uti velimus, quemadmodum plerique recordandi, ac reminiscendi gratia faciunt, facere liceat, atque vera tunc, perfecta quoque phantasia sit, ratio autem non ex potestate nostra, sed ex rebus ipsis, ut vera sit, pendeat. ^e Si enim cognoscendo cum rebus congruit, atque consentit, vera, sin autem dissentit, ac discrepat, falsa est, neque ulla nostra facultate ad veritatem traduci potest. Voluntas autem, & ira, & cupiditas ^f tres sunt species appetitus, quorum omnium nobilissimus cum voluntas sit, in homine tantummodo est, ^g & cum ratione semper conuenit, ac consentit, ira vero nunquam ^h præcurrere rationem, cupiditas autem plerunque exultans deferere, atque negligere sentitur. Itaque, cum ratio, & voluntas ita iunguntur, & copulantur, ⁱ ut vnum quiddam efficiatur, illud vnum electio appellari solet, & propterea & rationis, & voluntatis electio communis est, ex quo & illud, quod electioni tractandum, & agendum subiicitur, commune similiter rationis, & voluntatis esse oportet, ut ratione cognosci, voluntate autem appeti recte possit, Nec vero omne, quod ratio-

a
2. de anima
c. 161.
lib. de som-
niis c. 1.

b
2. de anima
c. 121.
3. de anima
c. 38

c
2. de anima
c. 151

d
2. de aia. t.
152. 153 154.

e
9. p. phis. t.
21.

f
2. de anima
t. 27.

g
3. de anima
t. 42.

h
3. de anima
t. 42 50.

i
7. Eth. Nic.
c. 6.

i
3. Eth. Nic.
c. 2.

6. Eth. Nic.
c. 2.

rationi subijcitur, atque ad considerandum proponitur, ad electionem pertinere putandum est. Quod enim à ratione, vt duntaxat noscatur, comprehenditur, id nulli tractationis vsu electioni præbet, quod vero non solum, vt noscatur, sed magis etiam, vt aliqua tractetur actione, rationi obijcitur, & eorum, quæ aguntur, finis est, hoc electionis maxime proprium haberi debet. Quapropter istiusmodi de bonorum numero est, quod, dum noscitur, simul & appetitur, in excitanda anima mouet animal, non autem honestum omne, quod græci ^{22. b.} appellat, quod mentis solum contemplatione attingi sine actione vlla potest. Hoc enim ita mentis sagacitate seorsum, & per se in contemplatrice scientia inquiritur, atque consideratur, vt in eo inquirendo, & considerando nullum aliud illius gratia aut fiat, aut sit, in quo actio aliqua, & motus appareat, aut ad ipsum, tanquam ad finem^b referatur, atque dirigatur, illud autem, quod bonum vocamus, tametsi etiam ipsum simili modo considerari potest, tamen, quia plerumq; tanquam aliorum finis ab electione tractatur, ideo quatenus illius causa tunc quippiam aliud est, & quatenus ipsum existit finis aliorum, quæ alicuius gratia sunt, & voluntate expetitur, & ratione cognitum, mouet ad agendum animal: sed cum^c veritas multis obstructa difficultatibus in occulto lateat, hominib; mens ad eam perspicendam sit admodum hebes, fit, vt plerique homines falsa ducti opinione rem aliquam malam pro bona habere, eandemque studiose appetere, & ideo ad agendum excitari, atq; moueri soleant. Quare non solum à vero bono, sed etiam^d & ab apparente bono, & à iucundo, quod maximam in præsentia similitudinem, ac speciem veri boni præ se fert, moueri animal statuere oportet. Quamobrem hæc omnia bene intuenti licet facile intelligere, corpus cæleste, quod sempiterna conuersione ab æterno motore cietur, & vnumquodq; animal, dum à se mouetur, tum simili, tum dissimili quadam ratione moueri. Corpus enim cæleste per propriam intelligentem animam semper appetendo, & intelligendo id, quod verissimum, simplicissimum, & summm bonum est (cum tamen^e in diuinis idem sit appetere, & intelligere,) æterno mouetur tempore. Cum igitur animal veri boni cognitione, & appetitione ad agendum ducitur, tum simili quidem modo, vt cæleste corpus, cum autem vel apparentis boni, vel iucundi cognitione & appetitione, tum certe dissimili mouetur modo; quia fines, quorum gratia vtrumque mouetur, nulla tunc inter se similitudine iunguntur. Quocirca cælum, quod summm illud optimum, quod nulla vnquam mutatione variatur, eodem semper modo intelligit, & appetit, æterno etiam versatur motu: & animalium

3. de aia r. 51

b
3 p. phie t. 3
13. p. phie
c. 3.

c
2. p. phie t. 2

d
3 Eth. Nic.
c. 4
2. ph. t. 31
3. de aia t. 53

e
12. p. phie t.
36.

malium, quæ modo vnum, modo aliud, vel bonum, vel apparens bonum, vel iucundum cognoscendo, & appetendo persequuntur, motus omnes, qui perpetuari non possunt, finem aliquem habeant, necesse est; illud autem æternum honestum, & verissimum, atque supremum bonum, quod idem semper est, ita diuinum, atque honoratum existit, vt, cum semel cognitum vere est, nequaquam illius cognitio, atque appetitio, quo alia rei potioris, ac præstatoris, quæ nullo pacto dari potest, habeatur, respui, ac repudiari queat. Constat igitur primum mouens animal, quod est aut bonum, aut apparens bonum, aut iucundum, cum ab animali sciunctum sit, sic, dum cognoscitur, & expetitur, mouere animal, vt ipsum minime moueatur; appetitus autem, ^a qui est præcipua animæ ad mouendum virtus, (quia ^b in appetendo motio quædam fit,) & ingenus etiam spiritus, in quo viget appetitus, mouendo mouentur; vltimum vero eorum, quæ mouentur, quod est animal, dū mouetur, non necessario mouet aliud, sed tamen mouere potest. Atq; ex his palam est, quod motus per locum recte in ijs, quæ generantur, & fiunt, ^c postremus eorum est, quæ fiunt, & generantur. Nam animal vel appetitu aliquo, vel electione excitatum mouetur quidem, & graditur, si tamen in ipso prius aliquid per sensus, dum species recipiuntur sensibiles, aut per phantasiam, dum eadem in sensu communi formantur, ^d aut informatæ per memoriam, tanquam reuocantur, immutatum, & aliqua affectione variatum fuerit.

a
3. de aia. t.
49. 50. 51.

b
3. de anima
6. 54.

c
8 ph. t. 58.

d
lib. de me-
moria & re-
spiniſcentia
6. 3.

ARISTOTELES.

Quomodo autem intelligens quandoq; agit, quandoque autem non agit, & mouetur, quandoque vero non mouetur, videtur autem aque euenire, atque ijs, qui de immobilibus considerant & ratiocinantur? Sed illhic quidem contemplatio finis est, cum enim duas propositiones intellexerit, conclusionem intellexit, & composuit. Hic autem ex duabus propositionibus conclusio fit actio, vt cum intellexerit, quod om

ni homini ambulandum est, ipse autem est homo, ambulat statim; si autem, quod nulli homini nunc ambulandum est, ipse autem est homo, confestim quiescit, & hac ambo agit, nisi quid prohibeat, aut cogat. Faciendum est mihi bonum, domus aut bonum est, statim efficit domum. Tegumento indigeo, vestimentum est tegumentum, vestimenta indigeo. Quo indigeo, faciendum est, vestimento indigeo, vestimentum est faciendum, & conclusio, vestimentum est faciendum, actio est, agit aut à principio, si vestimentum erit, necesse est esse, quod est primum; si aut hoc, hoc, & hoc agit statim. Quod igitur conclusio est actio, patet. Propositiones aut ad effectum attinentes per duas sunt species, & per bonum, & per possibile. Quemadmodum autem interrogantium quidam, sic alteram propositionem notam neque ratio insistentis aliquo modo considerat: ut si ambulare bonum est homini, quod sit homo, in eo non immoratur. Quare & quacumque alia agimus nulla adhibita ratiocinatione, celeriter agimus. Cum enim vel sensus, vel phantasia, vel intellectus actionem ad id admouerit, quod est cuius gratia, statim, quod appetit, efficit; pro

interrogatione enim, aut intellectione opus appetitus efficitur. Bibendum mihi est, cupiditas ait, isthuc autem aptum esse ad bibendum sensus dixit, vel phantasia, vel intellectus, illico bibit. Sic igitur ad se mouendum, & ad agendum excitantur animalia, cum extrema quidem causa, qua mouentur, sit appetitus, is autem vel per sensum, vel per phantasiam, vel per intellectionem fiat. Cupientium autem agere alia propter cupiditatem, aut iram, alia propter appetitum, vel voluntatem quadam quidem faciunt, quadam autem agunt.

E C P H R A S I S XIII.

Quomodo aut à bono, aut ab apparente bono, aut à iucundo quorum causa motus animalis & incipit, & desinit, anima concitetur ad mouendum, expositum iam est. Cum autem homo vnam, eandemq; intelligendo rem modo moueri, & agere possit, & re ipsa moueatur, & agat, modo autem neque agat, neque moueatur, sed similiter se habere videatur, atque ij, quorum contemplatio in mathematicis, ^a quæ ab omni tum motu, tum actione libera sunt, versatur, nequaquam talis differentia, atque discriminis causam hoc loco tacitam esse prætereundam putamus. Cum igitur homo ad vnius eiusdemque rei naturam solum cognoscendam ratione separatim ab omni appetitu interdum utatur, interdum autem ad illam ipsam adipiscendam adhibeat coniunctim & rationem, & appetitum, sit, ut in vna & eadem re consideranda aliquando neque agat, neque moueatur, aliquando autem & agat, & moueatur. Nam illhic, ubi sola rei cognitio queritur, contemplatio, ^b quæ, quantum fieri potest, omnem refugit motum, finis est. Cum enim duas ratiocinando nouerit propositiones, conclusio statim sine vlla actione, vel motu & intellecta erit, & uecessa-

^a 3. p. phiz.

^c 3.

⁶ p. phiz. t. 2.

¹³ 3. p. phiz.

⁶ 3.

^b

⁷ ph. t. 20.

p. de anima,

t. 48.

necessario illas sequetur propositiones. Hic vero, ubi ad cognitionem
 actio quædam propter appetitum adiungenda est, ex duabus pariter
 propositionibus colligitur ex necessitate quidem conclusio, sed, quæ tota
 in actione aliqua consistat, ut exempli gratia cum quispiam intellexerit
 omni homini ambulandum esse, & se esse hominem, confestim sequi-
 tur conclusio, siue finis istius ratiocinationis, ut ei ambulandum sit,
 quod actio, & motus quidam est; sin autem nulli homini nunc ambulan-
 dum, ipsum vero esse hominem, statim sit, ut ei quiescendum sit, & quie-
 scit. Hæc autem ambo, quæ sunt fines, qui ex rationis agitatione expeten-
 di esse videntur, homo statim persequetur, nisi aliquo modo prohibeatur,
 aut aliter facere cogatur. Similiter etiam eueniet, quando conclusio non
 actio, sed effectio quædam erit, ut si quis domum sibi ædificandam esse ex
 tali ratiocinatione constituerit: bonum mihi efficiendum est, domus
 est bonum, ergo domum illico efficere aggreditur. Quod si alicuius ratio-
 cinationis conclusio non esset actio, aut effectio, sed tamen ad actionem,
 aut effectiorem spectaret, talis ratiocinatio, quæ prosyllogismus græce
 appellari solet, alia sibi consequentem ratiocinationem, cuius conclusio
 sit actio, aut effectio aspicere omnino debet, ut si dicerem. Tegumento
 indigeo, tegumentum est vestimentum, ergo vestimento indigeo. Quia ve-
 ro vestimentum sarciendum, atque consiciendum est, altera continens in
 conclusione vestimenti confectionem annectenda erit huiusmodi. Quo
 indigeo consiciendum est, id, quo indigeo, est vestimentum, ergo vesti-
 mentum consiciendum est. Ac conclusio, quod vestimentum est facien-
 dum, operatio est; cuius quidem operationis, siue actionis initium sem-
 per ab eo, quod primum est, fieri oportet, ut si vestimentum est, prius esse
 pannum necesse est, si autem pannus, primum lanam in filum contortam,
 & hanc efficere orditur statim. Quod igitur conclusiones, quæ ex tali-
 bus eliciuntur connexis propositionibus, actiones sunt, perspicuum est.
 In quo neque id nos fugere debet, propositiones, quæ actionem, aut effe-
 ctionem aliquam in conclusione pariunt, ex duobus rerum generibus, &
 ex eo videlicet, quod bonum est, & ex eo, quod fieri potest, sumendas,
 atque constituendas esse. Nam & res ipsas vel bonas, vel apparentes
 bonas esse, ut earum appetitione animal ad agendum excitetur, & movea-
 tur, & de iis existere, quæ possunt fieri, ut actio, & effectio tum institui,
 tum perfici queat, necesse est. Cum autem commemorata conclusiones,
 quæ in aliqua penitus implicata, aut actione, aut effectione insident, ex
 perfectis ratiocinationibus existant, nequaquam ignorandum est, quod
 etiam ex imperfectis mens nostra conclusiones similes ijs sæpenumero

colligere solet. Namque, ut quidam in disputando interrgantes omiffa una propositione nota, ex altera solum enthymematice conclusionem inferunt, sic ratio nullam adhibens, atque ponens considerationem in altera propositione, quæ per se conspicua fit, ex altera tantum conclusionem eliciens continuo se ad actionem confert; ut si homini bonum esset ambulare, nihil in eo, quod ipse homo sit, commoratur, ac retinetur, sed statim ex illa sola priore propositione conclusionem arripiens ambulat. Quapropter & quæcunque alia sine aliqua rationis agitatione facimus, celeriter, ac nulla interposita mora facimus. Cum primum enim vel sensu sentiendo, vel phantasia cogitando, vel intellectu, seu ratione intelligendo perceperit illud, cuius gratia actio est suscipienda, statim operam dat, ut id, quod per illam expetit cognitionem, efficiat, & consequatur. Cum enim nulli neque percuntationi, neq; cognitioni amplius locus sit, opus tantummodo ipsius appetitus persequitur. Quod quidem, ut planius intelligatur, tali sit illustratum exemplo. Instat cupiditas, ut bibam mulsum, ex sensu autem, aut ex phantasia, aut ex ratione hoc esse mulsum, & idoneum ad bibendum novi, prætermiffa igitur omni inquisitione, atque sciscitatione de ipso mulso, quod iam mihi notum est, statim inserviens cupiditati bibo. Hoc igitur modo viribus animæ tum cognoscen-
tibus, tum appetentibus aliquid & ad se movendum, & ad agendum excitantur animalia, in quibus proxima, & extrema causa, quæ movet, & simul movetur, appetitus est in spiritu ingenito defixus, ut supra diximus, & aliquanto post sumus de novo dicturi, qui, quia nihil expeti potest, quin prius cognitum habeatur, necessario vel per sensus, vel per phantasia, vel per rationis cognitionem suscitatur, & constituitur. Atqui animalium, quæ ipso appetitu ad aliquid, aut agendum, aut faciendum ducuntur, alia solum cupiditate, vel ira, ut belluæ, alia, ut homines interdum iisdem, quibus etiam belluæ, appetitibus, interdum voluntate, quæ semper rationi iuncta est, ad quippiam vel agendum, vel faciendum concitari solent.

Quæstio, utrum homo natura ita liber sit, ut arbitrio suo bonum, & malum deligere, ac persequi possit.

EX his, quæ paulo ante, & quæ proxime declarata sunt, cognovimus, quod animalium cognoscendo, tum simul in primis appetendo ad aliquid agendum movetur; in quo si voluntas, quæ est nobilissimus appetitus,

titus, iungatur cum ratione, conficitur electio, ^a quæ est principium, a quo homo est perfectus homo, & ad agendum suo iuditio, atq; consilio aptus constituitur. Est enim electio ^b vel intellectus appetitiuus, vel appetitus intellectiuius, vel, vt plenius dicamus, ^c appetitus consultatiuus eorum, quæ in nostra sunt sita potestate. Ex quo extat, & apparet, electionem liberam atque sui iuris esse, et propterea sequitur, vt etiam homo ad deligendum suo arbitrio, & persequendum vel bonum, vel malum solutus, ac liber sit. Veruntamen, quia inter homines versatur opinio, quæ huic sententia plane repugnat, & aduersatur, nobis in præsentia faciundum esse duximus, vt ea de re in contrarias partes peripatetice sic disputemus, vt ab vtraque parte veritas stet, nobis compertum sit. Queremus igitur, an homo per electionem ita liber, ac sui iuris sit, vt arbitrio suo vel bonum repudiato malo, vel malum prætermisso bono sine ulla necessitate deligere, & quantum in se est, persequi possit. Primum igitur, quod per electionem neque liber, neque sui iuris sit, talibus rationibus probari posse videtur. Quod potest esse in alterius potestate, non est natura liberum, neque sui iuris, electio, in qua ratio continetur, potest esse in cupiditatis potestate, ergo electio, siue homo per electionem neq; liber natura, neque sui iuris est; quia electio, eius principium in potestate cupiditatis, quæ non hominis propria, sed ^d communis cum belluis est, cum à ratione deficit, esse potest, & plerumque est. Quod autem id, quod potest in alterius potestate esse, neque liberum natura, neque sui iuris sit, cum & per se pateat, & ^e philosophi autoritate comprobetur, nequaquam declaratione, aut probatione egere videtur. Quod vero electio sepe in cupiditatis potestate repugnanter teneatur, illiusq; arbitrio regatur, quisq; tum in se experiri, tum crebro in alijs animaduertere, tum auctore ^f philosopho ratum habere potest. Quare altera talis assertur ratio. Quod potest ab aliquo contrario, & aduersario vinci, sui iuris natura non est, sed potest ad aliquid cōtra propriam naturam cogi, electio potest à cupiditate, contrario appetitu vinci, ergo electio natura sui iuris non est, sed potest contra propriam naturā cogi. Quod aut̃ illud, quod à contrario vincitur, ab eodem quoq; cogatur, planū quidem est, quia ducitur, & afficitur natura & arbitrio contrarij. Quod itē electio, in qua est voluntas, vincatur interdum, & subigatur à cupiditate, & testatū, vt ante diximus, reliquit philosophus, & vsu nobis sæpe venire sentimus. Ex quo tertia itē additur ratio huiusmodi. Si electio natura esset libera, & sui iuris, semper esset talis, quia vero, vt supra docuimus, nō est semper talis, ideo dici posse naturaliter libera non videtur, & sui iuris.

Omne

^a 6. Eth. Nic. c. 2.

^b 6. Eth. Nic. c. 2.

^c 3. Eth. Nic. c. 3.

^d 2. de anima t. 20. 27.
^e 3 de aia t. 42
^f p polit. c. 3.

^g 7. Eth. Nic. c. 6.
3 de anima t. 50. 53. 57.

^h p. polit. c. 4.
p de generatione, & corruptione t. 51.
2. de generatione & corruptione t. 25.

a
p. post. r. 44.
2. ph. r. 5.
5. p. phig. t. 6

Omne enim, quod est^a sua natura tale, per se est, quod autem est per se, necessarium, atq; sempiternum est. Postremo igitur idem etiā hoc modo ostenditur. Si electio arbitrato suo non potest eligere, & non eligere bonum, aut apparens bonum cognitum, sed necessario illud eligit, & vult, nullo certe modo libera debet haberi; quia id, quod vere liberum est, arbitrio suo potest rem quamlibet agere, & non agere. Si enim horum alteri sic addictum esset, ut non posset illud non exequi, non solum, ac liberum, sed aliqua necessitate astrictum iure putaretur. Nam illud necessarium in primis dicitur,^b quod ut aliter se habeat, minime contingit.

b
5. p. phig. r. 6
11. p. phig. t.
38.

Quod autem electio non possit non velle bonum, aut apparens bonum, cum illud nouerit ex eo intelligi facile potest, quod propria electionis actio est ratiocinando appetere, seu velle; c omnis vero appetitus, atque voluntas est boni, aut apparentis boni, si quidem omnia, quod bonum est, appetunt natura, & persequuntur. At, si quis appetere, ac velle malum aliquod videretur, non malum quidem illud, sed bonum, aut apparens bonum; quod illi malo & adiunctum esset, & ipse etiam antefere- ret, appetere, ac velle censeri deberet. His igitur, & alijs fortasse simili- bus rationibus electio neque natura libera, neque sui iuris, sed cogi posse contra propriam naturam existimaretur, & quia est principium homi- nis, similiter homo neque liber natura, neque sui iuris, sed contra pro- priā voluntatē posse similiter cogi putaretur. Quamobrem, quae etiam pro contraria possunt afferri parte, videamus, & explicemus. Ac pri- mum istud sit argumentū. Quod est natura sibi ipsi finis, liberum, & sui iuris est, neq; praeter propriam naturā cogi potest, electionis actio natu- ra est sibi ipsi finis, ergo electionis actio natura est libera, sui iuris, nec praeter propriam naturam cogi potest. Quod autem id, quod natura est sibi ipsi finis, sit liberum, sui iuris, neque praeter propriam naturam cogi possit, facile persuasum erit, si pro comperto habebitur, finem esse, ad quem^d referuntur omnia, & cuius gratia omnia sunt & aguntur, & in quo, e quasi continentur omnia. Vnde elicitur, ut, quod natura est sibi ipsi finis, totum ad se referatur, omnesq; illius actiones sint eiusdem met gratia, neq; alio conuerti queant, ac totum ex se aptum sit, & pendeat. Hoc autem quis negaret liberum natura, & sui iuris esse, nec vlla ratio- ne contra propriam naturam cogi posse? Quod vero electionis actio natura sit sibi ipsi finis, palam erit, si nobis constiterit, duo esse actionum genera, vnum illarum^e quae imperfectae sunt, & suum habent finem à se diuersum, atque distinctum, ut aedificationis aedificium, & agriculturae ager cultus, uterq; finis ab veraq; actione distinctus. Alium earum,

p. Eth. Nic.
c. 1.
9. p. phig. r.
11. q. deest
in Averro
& t. 16

quae.

qua, quia ipse sibi ipsis fines sunt, perfecta omnino existunt, ac propter suam perfectionem in eo ipso, cuius sunt actiones, & a quo exoriantur, manent, ac versantur, nec in aliud transferri, atque desinere possunt; cuiusmodi est visio, auditio, et alie similes, quarum finis earumdem usus est. Nam visionis nullus est alius, nisi videre, & auditionis nisi audire finis, in eo; ipso, qui videt, & qui audit, quia ipsum perficiunt, permanent, atque consistunt. Itaque, cum electionis actio sit ratiocinari, simul & velle, nullumque aliud, praeterquam istius actionis usus, extet opus, dubitandum profecto non est, quin talis actio sibi finis, & perfecta sit, & propterea etiam, quin in ipsa electione maneat, nec in aliud traduci, atque desinere possit. Nec vero ita hoc accipi volumus, quasi non oporteat existere aliquid, quod ratiocinando, siue consultando appetat electio, sed, quod illius actio nullum extra se efficiat opus, cuius absolutio-
ne, ipsa quoque desinat, & finiatur. Quare, cum appareat electionis actionem esse sibi ipsi finem, perfectam, & in ipsa permanere electione, erit certe natura libera, sui iuris, neque contra propriam naturam cogi poterit. Hinc secundum etiam adducitur argumentum. Si electionis actio vi aliqua posset cogi, violenta esset, si autem violenta, illius principium extrinsecus omnino extaret, id, si contingeret, non ab electione, sed ab aliquo proficiscens extraneo in electione maneret, ac desineret, sicque prorsus imperfecta esset. Quod cum fieri non posse demonstratum sit, dicendum videlicet non est, quod electionis actio praeter propriam naturam cogi aliquo modo queat. Huc igitur tertium accedit argumentum. Quod est sui ipsius, & non alterius gratia, natura liberum, atque sui iuris est, electionis actio sui ipsius, & non alterius gratia est, ergo natura electionis actio libera, atque sui iuris est. Quod autem illud sit natura liberum, atque sui iuris, quod est sui ipsius, & non alterius gratia, cum philosophus tanquam b ab omnibus concessum assumpserit, id nobis quoque ratum esse, ac firmum maxime convenit. Quod vero electionis actio sit sui ipsius, & non alterius gratia, non solum constat, quia est sibi ipsi finis sed multo etiam magis, quia propter nullam aliam animae actionem esse electionis actio videtur. Nam si esset, aut propter cognitionem aliquam, aut propter appetitionem esse eam oporteret, at electionis cognitione-
quaquam propter ullam aliam cognitionem esse potest; quoniam vel propter sensum, vel propter phantasiam necessario esset, sed sensus ipse propter phantasiam, d phantasia autem propter intellectum, seu rationem, quae in electione includitur, est: multo minus eiusdem appetitio propter iram, vel cupiditatem esse existimari potest, propterea quod ap-
petitio

a
b. Eth. Nic.
c. 1.

b
p p p b g c. a

c
3. de anima
c. 162
lib. de som.
niis c. 1
d
3. de anima
c. 32. 39.

petitio voluntatis, quæ ipsi electioni inest, semper rationi paret, atque obtemperat, ira vero sæpe, tanquam non^a attendendo præcurrit rationem, cupiditas aut^b quasi repugnando eidem aduersatur, & cōtraria est. Quamobrem, si nulla est alia aut præstantior animæ appetitio, aut superior cognitio, quæ in aliqua versetur actione, ad quas electionis actio referri possit, relinquitur, ut sui ipsius & non alterius gratia, & propterea etiam libera, & sui iuris sit electionis actio. Quapropter id ipsum quarto item argumento nobis magis confirmatum, atq; corroboratum sit, cuius quidem argumenti prosyllogismus is est. Quod habet agendi facultatem cum ratione iunctam potest vtrumq; contrarium, hoc est, agere, & non agere, electio habet agendi facultatem cum ratione iunctam, quia ex voluntate, & ratione constituta est, ergo electio potest vtrumque contrarium, id est, deligere, & non deligere aliquid aut bonum, aut malum. Quod autem habens agendi facultatem cum ratione coniunctam possit vtrumque contrarium, copiose^c in libro primæ philosophiæ nono declaravit philosophus. Quare proprius deinceps conficiatur hoc modo syllogismus. Quod potest vtrumque contrarium, liberum est, electio, ut ex prosyllogismo constat, potest vtrumque contrarium, ergo electio libera est. Quod autem illud, quod potest vtrumque contrarium, liberum sit, ex eo compertum esse volumus, quod facultatem habens ad vtrumque contrarium, eum non possit ambo simul agere, necesse est, ut^d ab aliquo proprio, atque intimo principio decernatur, et inclinetur ad alterutrum ipsorum contrariorum agendum; sed hoc modo cieri, atq; ad aliquid^e à se destinari, liberum ac voluntarium est: opponitur enim violento, quod externo aliquo principio, & necessitate cogitur. Quocirca, si electio, seu appetitus rationi iunctus est intimum principium, quo homo libere decernit, & statuit, vtrum duorum contrariorum sibi agendum sit, ea ipsa profecto electio maxime libera est. Quod igitur electio, siue homo per electionem natura liber, ac sui iuris sit, nullaq; necessitate cogi possit, quisque persuasum his argumentis habere potest. Cum autem superiores illæ rationes hanc ipsam veritatem euertere, ac tollere videantur, eas singillatim excutiamus, & quantum quæque virium habeat, consideremus. Nam in prima fuit assumptum electionem posse in cupiditatis potestate esse; hoc porro falsum esse ex his, quæ supra tradidimus intelligere licet. Quod enim contra propriam naturam in alterius potestate esse potest, eius actio principium extrinsecus habeat, necesse est, quia illius nutu, & arbitrio, in cuius potestate est, violententer agit, & mouetur, istud autem non posse ipsi electioni, cuius actio, cum de

numero

^a
7. Ethic. Nic.
co. c. 6

^b
7. Ethic. Nic.
co. c. 6.

^c
9. p. philoz t. 3
10.

^d
3. Ethic. Nic.
co. c. 3
9. p. philoz t. 3
10.

^e
3. Eth. Nic.
6. 1.

numero perfectarum, & in se manentium sit, ab interiore semper proficitur principio, euenire, plane declaratum est. Quam vero recte fuerint in hanc sententiam philosophi auctoritates adductæ, mox videbimus, nunc interea secundam persequamur rationem, in qua positum est, electionem, in qua ratio inest, interdum à cupiditate vinci, eiq; subijci. Id autem falsum esse dicimus, quia sequeretur, ut electio, quæ est una, non esset una, & sibi ipsi interitum moliretur. Nam, cum plerumque cupiditas contraria sit rationi, si tunc in illius potestate teneretur electio, & illius arbitrio ageretur, opus esset, ut electio sibi ipsi contraria existeret, & quia contraria semper & plura sunt, & se mutuo interimunt, etiam electio tum plura esse, tum se ipsam interimere omnino deberet. Istud autem quam ab instituto naturæ abhorreat, nemini, qui vel mediocriter in philosophia sit versatus, obscurum esse arbitror. Itaq; quomodo nonnunquam electio à cupiditate (quod reuera fatendum est) vincatur, & tamen in illius potestate non sit, hinc perspectum nobis esse volumus, quod non omnis semper contentio, atque certamen est alicui cum altero de vnius in alterum imperio, ac potestate, quæ nullo præsertim pacto esse queat, sed de potiunda sæpenumero re aliqua, quæ obtineri ab utroq; possit. Ita inter rationem, quæ in electione est, & cupiditatem non de mutuo dominatu, qui ut supra declaratum est, dari nequit, sed de occupatione & hominis refectione certamen aliquoties est. In eo igitur certamine, atq; contentione interdum electionem vinci à cupiditate, & à regendo homine moueri, atque repelli concedendum quidem certe est, non tamen propterea sequi, ut ad aliquam alienam actionem electio cogi contra propriam naturam possit. Id quod cum philosophus præclare intellexisset, diuinitus expressit hoc modo inquiens. ^d Appetitus autem vincit quandoque & mouet voluntatem, quandoq; autem illa hunc, tanquam sphaera appetitus appetitum, cum incontinentia facta fuerit. Ut enim in lusione pileæ sphaera, seu pila vehementius emissa feriret alteram pilam, cuius emissio leuior, atq; remissior esset, eam pelleret, ac retorqueret, sic in homine, in quo incontinentia viget, cum cupiditas rationi repugnans sit feruentior, atq; vehementior, quam voluntas, quæ in electione comprehensa est, vincit quidem, & expellit voluntatem, seu electionem ab hominis refectione, ac moderatione, nec tamen propterea efficitur, ut electio, quia eius repugnaret naturæ, vlllo modo sit in cupiditatis potestate. At cupiditas, quoniam ipsius naturæ maxime congruens est, ut à ratione regatur, in homine bene instituto naturaliter electioni, quæ præstantior est, subijcitur, atq; in eiusdem potestate tenetur. Illas igitur philosophi a-

a
3. de anima
t. 50. 53.

b
5. p. phil. t.
16

c
10. p. phil. t.
14

d
p. de generatione, & corruptione t. 51
10 p. phil. t.
16.

d
3. d. anima t. 57.

authoritates, quæ adductæ fuerunt, si recte hoc modo acceptæ, & interpretatæ erunt nihil contra veritatem facere constabit. Ex quarum quædam recta interpretatione falsitas quoque; tertiæ rationis sua sponte rueretur videtur. Ibi enim. assererebatur, electionem non esse semper liberam, quia posset aliquando in cupiditatis potestate esse. Quare illud tantum relinquatur, quod quarto, & postremo fuit loco sumptum, electionem non esse liberam, quia non potest suo arbitrio eligere, & non eligere bonum cognitum, sed necessario illud vult, & eligit semper. Hoc autem quam à vero sit remotum, atque alienum, assidue, & quotidianus usus admonere nos facile potest. Cum enim duo nobis oblata, atque proposita bona simul cognoscuntur, quorum vnum tunc honestius, & præstabilius altero sit, ita potest electio velle, & deligere vnum, ut nolit, atque negligat alterum. Quod si facta temporis, aut loci mutatione ista quoque bona commutarentur, ut quod minus est, magis euaderet bonum, contraque quod magis est, minus efficeretur, etiam deligendi, & volendi mutatio in electione pariter fieret. Ex quo falsum esse, quod electio non possit eligere, & velle, & non eligere, & non velle bonum cognitum, perspicuum est. Si vero vnum tantum omni splendore, atque decore cumulatam obijceretur bonum, actione parabile, quod tale esse, exploratissimum electio haberet, sua quidem sponte, atque natura electio vellet, & eligeret, neque (fatendum est enim) posset non velle, ac deligere illud, neque tamen propterea libertatem electioni esse detractam, & ereptam putandum est, quandoquidem secundum propriam agere naturam summa libertas est. ^a Omnis enim cognitio, & electio bonum naturaliter per se appetere videtur. Solutis igitur, ac reiectis contrariis rationibus stabile, atque firmum remanet, electionem natura liberam, & sui iuris, neque ulla necessitate cogi posse. Unde homo, in quo electio viget, natura sui iuris est, summamque bene, aut male agendi suo arbitrio libertatem obtinet, cuius etiam si corpus capiatur, & constringatur, nulla tamen necessitate eiusdem electio, ex qua hominis ^b propria existit actio, quæ animæ est, non autem corporis, cogi potest.

^a Eth. Nic.
c. 4.

^b p. Eth. Nic.
c. 7.

ARISTOTELES.

Quemadmodum autem ea, quæ cientur sua sponte, mouentur, si parius fiat motus, dum compages soluantur, & dum illa impingunt compa-

compages inter se, & vehiculum, quod quidem ipsum vehens mouet recta, & rursum in orbem mouetur eò, quòd inæquales habet rotas, (minor enim, tanquam centrum fit;) velut in cylindris, sic & animalia mouentur; habent .n. instrumenta talia, & nervorum naturam, & ossium. Hæc enim, ut ibi ligna, & ferrum, nervi autem, ut compages; quæ cum soluiuntur, & laxantur, mouentur. In ijs igitur; quæ sua sponte cientur, & in vehiculis non est alteratio; quoniam si fierent minores rotæ interiores, & rursus maiores, etiam idem in orbem moueretur. In animali autem potest idem & maius, & minus fieri, & figura mutari, dum augentur particula propter calorem, & rursus contrahuntur propter frigus, & alterantur. Alterant autem phantasia, & sensus, & notiones. Sensus enim statim alterationes quædam existunt, phantasia autem, & intellectio vim rerum habent. Quodam enim modo species, quæ intelligitur, calidi, vel frigidi, vel iucundi, vel terribilis existit talis, qualis & rerum est unaquæque. Quare & horrent, & timent, cum solum intellexerint. Hæc autem omnia affectio-

nes, & alterationes sunt. Eorum autem, quæ alterantur in corpore, alia maiora, alia minora sunt. Quod autem parua mutatio, si fiat in principio, magnas, & multas procul efficiat differentias, obscurum non est, ut si clavius tantulum moveatur, magna prorsus motio sit: & item secundum calorem, vel frigus, vel secundum aliam huiusmodi affectionem, cum enim facta fuerit alteratio circa cor, etiam si in ipso in particula, quæ secundum magnitudinem vix sentiri possit, multam efficit corporis differentiam ruboribus, & palloribus tum horro- ris, tum tremorum, tum eorum, quæ talium contraria sunt.

E C P H R A S I S XV.

Quod anima, ut principium efficiens motus per propriatum cognoscendi, tum appetendi vires moveat corpus, quod item ipsa ad mouendum excitetur à bono, quod actione aliqua parari possit, cognito, et expetito, aperte declaratum, & expositum est. Nunc autem & quæ particula, tanquam præcipua, & necessaria instrumenta sint, quibus animal ad se mouendū utatur, et quo pacto partes corporis aptæ, habilesque ad ipsum motum reddantur, consequitur, ut similiter ostendatur & aperiat- tur. Itaq; primum, quæ sint corporis necessaria ad mouendum instrumen- ta, hac similitudinis collatione nobis ante oculos ponatur. Nam, ut ho- rologia, & simulacra quædam ludicra sua sponte à se moveri cernuntur, modo in eis initium vel perexiguū motus extrinsecus fiat, dū cōpages, & quasi vincula laxantur, atq; solvuntur, & ea laxatione, ac solutione ma- chinæ ipsæ, usq; eo oēs deinceps cōpages impellunt, & agitant, dum to-

tæ ex se se moueri conspiciuntur, itemq; vt vehiculum, cuius rota ex altera parte minor sit, neque ab equis trabatur, sed a vebente aliquo modo agatur recta, & impellatur, rursus propter rotarum inæqualitatem ipsam a se in orbem agitur, siquidem minor rota, tanquam centrum efficitur, quæmadmodum in cylindris, qui dato aliunde motionis principio ipsi facili volubilitate versantur, sic nimirum etiam animalia moueri a se putanda sunt. In ipsis enim similia quadam ad motum maxime apta instrumenta sunt naturaliter constituta, qualis est ossium, & nervorum natura. Vt. n. machine ille ferro, & lignis sistentantur, compagibus autem, & vinculis constrictæ tenentur, illorumque laxatione, ac solutione moventur, sic animalium corpora constituta molli, ac tenera carne, ossiumque duritia, atque soliditate fulta sustinentur, & nervorum implicatione, ligationeque ad omnes artus, ac commissuras singillatim iuncta cobibentur, & eorundem intentione atque remissione moventur. Quapropter neque in ijs, quæ sua cientur sponte, neq; in vehiculis vllum ingenitum inest mutationis, atque alterationis principium, sed quicquid eiusmodi eis accidit, extrinsecus semper necessario accidit; quoniam, si ex se, atque ex propria, interiorque natura rota modo minores, modo rursus maiores fieret, etiam in orbem idem vehiculum moueri per se posset. At in animali ^e innatus spiritus inest aptissimus, qui ex intimo principio idem & maior, & minor efficitur, ex quo etiam figure in corpore mutatur, & ex rectis, & rotundis inflexæ, & angulatæ redduntur, dum corporis particula nativo calore augentur, & rursus frigore contrahuntur, vicissimq; diuersis qualitatibus afficiuntur. Quodd autem & calore amplificationem partium, & frigore rursus contractionem fieri naturalis necessitas cogat, ex eo patere potest, quodd vniuscuiusque animalis, quod carnem habeat, corpus ex subditis ossibus, & carne constat, caro aut tota contextu venarum sanguine refertarum conflatur, huius quidem sanguinis ea natura est, vt frigore concreseat, atque congelatiet, & propterea contrahatur, contra vero, calore tepesactus liquefeat, & diffundatur, ob eamq; causam dilatetur, & crescat. Hanc aut sanguinis dilatatione, & contractione necessario partium tum accretio, tum diminutio, tum figurarum mutatio sequitur. Atq; partium hoc modo mutandarum, & diuersis affectionibus variandarum initium interdum a phantasii, interdum a sensibus, alias autem a rationis notionibus duci solet. Cum. i. n. proprium instrumentum sentiendi recipiendo rerum sensibilium species immutetur, & aliquo modo afficiatur, sit, vt sensus ipsi mutationes quedam, & affectiones in corpore continuo existant: quia vero affectiones

iffæ,

a
2. de partib.
animalium c. 8.

b
2. de partib.
animalium c. 8. 9.

c
3. de animalium hist. c. 5.
2. de partib.
animalium c. 9.

d
2. de generatione animalium c. 3.

e
3. de partib.
animalium c. 4.

f
lib. de somno & uigilia c. 4.

g
2. de generatione animalium c. 4.

h
2. de partib.
animalium c. 8.

i
3. de partib.
animalium c. 5.

j
2. de partib.
animalium c. 3.

k
2. de anima c. 37. 51. 62. 121. 124.

l
3. de anima c. 65.

a
2. de anima
t. 60.
3. de aia. t.
38.

b
2. de partib⁹
aialium c. 1.
3. de partib⁹
aialiu c. 4. 5.
lib. de iuue.
tute & fene-
ctute c. 1.

c
3. de partib⁹
aialiu c. 4. 10
lib. de som-
no & uigilia
c. 3.

d
2. de anima-
lium c. 4.

e
2. de genera-
tione aialiu
c. 1. 4. 6.

f
lib. mech. 2
quasi. 5.

g
2. de partib⁹
aialium c. 1
3. de partib⁹
aialium c. 4.

h
lib. de iuue-
tute & fene-
ctute c. 1. 2.

i
p. de celo t.
33.
5. de genera-
tione anima-
lium c. 7.

istæ, & mutationes non ab interiore principio, sed ab externis sensibili-
bus ortum habent, non ita valida, atq; potentes sunt, ut aptas, ac prom-
ptas ad motum instrumentales corporis partes constitutere possint. Phan-
tasia autem, & ratio, quæ rerum species in anima iam² procreatas, &
sine materia consignatas amplexantur, vim quodammodo, & faculta-
tem rerum, quarum sunt ipsæ species, obtinere videntur. Nam species
rei vel calidæ, vel frigidæ, vel iucundæ, vel horribilis animo concepta,
quamvis proprias non retineat rei qualitates propter iam relictam ma-
teriam, conseruat tamen eximiam quamdam eiusdem rei iucundam, aut
molestam vim cum animæ facultatibus conuenientem, atq; ob eam cau-
sam si solum acri, vehementiq; intentione ipsam speciem animo compræ-
hensam intueamur, tãquam illius vim sentientes & horremus, & time-
mus, & aliter multifariam affici solemus. Hæc autem omnia affectus, &
mutationes sunt, quibus instrumentales corporis partes idoneæ ad mo-
tum euadere consueuerunt; quæ quidem cum sic afficiuntur, & mutan-
tur in corpore, tum maiores, tum minores necessario redduntur. Cum au-
tem omnes istæ mutationes ab animæ cognoscendi facultatibus exor-
dium ducant, anima^b vero in corde, ut in sua propria sede, c in quo prin-
cipium cognoscendi est, insideat, consentaneum profecto est, ut tales mu-
tationes in corde fieri primum incipiant. In quo quidem corde, d quod est
animalis principium, si vel minima mutatio fiat, reliquas quoque corpo-
ris partes, quæ procul absunt, magnopere mutari perspicuum per se est.
Attamen etiam nauigij exemplum, rem sic se habere, fidem facere po-
test, cuius si clauus puppi affixus, qui e est transversa mutationis princi-
pium, spatio perquam exiguo moueatur, per magna fit proæ, quæ lon-
gissime distat, mutatio. Quod cum in his, quæ loco mouentur, fieri vide-
mus, idem quoque in ijs, quæ vel calore, vel frigore, vel alia eius generis
affectione mutantur, euenire, censendum est. Cum enim cordis, i in quo
vis, & principium totius vitæ situm est, tam parua particula, quæ vix
sensu percipi possit, aliquo modo immutata fuerit, tum in cæteris corpo-
ris partibus, multa, magnaq; mutationes, ac differentia horroris, tremo-
ris, & contrariorum, quæ illam cordis affectionem, & variationem con-
sequentur, ruboribus, atq; palloribus, declarabuntur, neque vero id sine
causâ, quoniam g principium maius est virtute, quàm mole.

Digressio, in qua ostenditur, musculos Aristoteli notos fuisse.

Hic locus, in quo de instrumentis voluntarij motus tractatur, suo
quodam

quodam iure a nobis vehementer postulare videtur, ut aliquid de musculis dicamus, & eo magis quod plerique medici omnem musculorum cognitionem & sibi auctore Galeno penitus asciscunt, & philosophis Aristotele duce omnino detrahunt. Id autem quam recte, & sciēter faciant, cum & quid de musculi definitione, ac constitutione Galenus dixerit, & quid hac eadem de re senserit, atque tradiderit Aristoteles, in medium protulerimus, cuius diiudicandum relinquemus. Nam Galenus in principio primi de musculis libri definitionem musculi, atque constitutionem ponit, ac primum quidem definitionem hoc modo, *musculus est instrumentum motus secundum appetitionem*, deinde, quantum summatim colligere potui, constitutionem sic complecti videtur, *musculus ex carne, arterijs, venis, vinculis, ac nervis, qui in membranaceas extenuati fibras totum musculi corpus coercent, & continent, conficitur, colligationeque cum ossibus absoluitur, ita tamen, ut omnis mouendi secundum appetitionem facultas per nervos impertiatur*. Ex quo & subiecta esse ossa, & nervorum potissimum opera motum fieri voluntarium. qui secundum appetitionem dictus est, in musculo, qui est talis motus completum instrumentum, auctore Galeno apertissime constat. Hac igitur omnia, ex quibus musculum Galenus conficit, atque componit, si ostenderimus sic nota, & perspecta extitisse Aristoteli, ut ad eundem musculi usum esse potissimum referenda constituerit, atque docuerit, quis ignoracionem musculi, etiam si eo non nominauerit modo, quo Galenus, ascribere illi audebit? Ac non verebimur, quo res tota manifestior, apertiorque fiat, ne in tractandis singulis locis, qui ad hanc illustrandam veritatem attinent, longiores habeamur. Itaque in secundo de partibus animalium libro ita philosophus ait. ^a Omnia alia carnis gratia existunt, ut ossa nervi, cutis, & venae; ossium enim natura, cum dura sit, rei mollis, quae est caro, conservandae causa constituta est: tum paulo post, ^b ubi membra flexum habent, ossa nervis colligata sunt, circa quae oborta caro tenuibus, & instar fibrarum vinculis illigatur, cuius gratia genus ossium est. Ut enim fingentes animal ex luto, aut ex alia aliqua humida materia solidum aliquod corpus subiiciunt, deinde ita circum affingunt, sic natura ex carnibus perfecit animal subditis ossibus. De venis autem, in quibus apud eum numerantur etiam arteriae, alibi sic loquitur. Causa, ^c cur in totum corpus distractae sint venae, est, quia sanguis est totius corporis materia, & ultimum nutrimentum; sanguis autem in venis continetur; & quia ex eo singulae, uniuersaeque corporis partes constituuntur, necesse est, ut venae in omnes corporis particulas pertineant. De nervis item haec praclare tradit.

^a de partib.
animalium c. 8.

^b de partib.
animalium c. 9.

^c de partib.
animalium c. 5.

a
3. de aſaliū
hiſt. c. 5.

b
3. & partib⁹
aſaliū c. 4.
2. de genera
tione aſaliū
c. 4.
c.
3. de aſaliū
hiſt. c. 6.

d
3. de aſaliū
hiſt. c. 3
2. de partib⁹
aſaliū c. 9.
3. de partib⁹
aſaliū c. 4. 5.
lib. de reſp.
c. 15
e.
3. de aſaliū
hiſt. c. 5.
3. de partib⁹
aſaliū c. 4
f.
2. de partib⁹
aſaliū c. 1. 7
3. de partib⁹
aſaliū c. 3.

tradit. ^a Nervi diducti ſunt ad artus, & flexus oſſium, maxime autem partes nervorum ſunt, & qui circa locum conſiſtit, in quo viſ ad ſalichdum præcipua eſt, appellatur aut is locus poples, & alter nervus geminus tendo vocitatus, & qui ad corporis robur ſubſerviunt attendo, & humerarius, carentes autem nomine ad flexus oſſium ſunt: omnia enim oſſa, quæ mutuo tactu, vel alterutrius inſitione coniunguntur, nervis deſiniuntur, ac circum omnia oſſa multitudo nervorum eſt, ^b quorum intentione, atque remiſſione motus in animalium membris cidentur. Pulcherrime quoque fibrarum naturam continentium, & coercentium carnem hoc modo expoſuit. ^c Fibræ ſunt media inter nervum, & venam, quædam autem ipſarum humorem continent ſaniei, quæ græce *ἰχὴρ* dicitur, & permeant à nervis ad venas, & à venis ad nervos; eſt autem aliud fibrarum genus, quod in quorundam animalium ſanguine gignitur. Atqui omnia iſta, quæ ex multis, diverſisque; ſed tamen ſuis locis carpiſimus, quæque naturam nobis muſculi innunt, ſi in vnam conferamus ſummam, primum carnem ad totius corporis conſtructionem, deinde venas, & arterias, quæ ^d à corde, omnis vitæ fonte proſciſcuntur, ad deferendum nutrimentum, & animandum, tum oſſa & ad carnis ſuſtinendam mollitudinem, & ad membrorum flexionem, deinde fibras, quaſi ad contextum, & cohibitionem carnis, tum genera denique nervorum, qui à ^e corde, ubi eſt ^f motus principium, oriuntur, tanquam vincula tum ad colliganda oſſa, tum per eorum intentionem, & remiſſionem in primis ad molendum motum à natura eſſe tributa, veriſime dicemus. His autem quid amplius fuit in muſculi & conſtitutione, & uſu à Galeno dictum? At non nominavit, neque definiuit Ariſtoteles muſculum, dixerit fortasſe quiſpiam, & nos quidem id ipſum concedimus, & ſatemur libenter, & iccirco multo etiam melius, quàm Galenus fecit, Ariſtotelem feciſſe arbitramur. Galenus enim à parvis muribus mutuatus nomen ad has totas corporis tranſtulit partes, quaſi ſolus nervus ex utraque parte in oſſibus implicatus hæreſ non ſit proprium iſtius motus inſtrumentum. Id quod intelligi facile poteſt, quoniam ſi totum muſculi corpus ſecaretur nervo remanente integro, nibilo minus motus per nervum, tanquam per proprium inſtrumentum efficeretur, ſi vero incideretur nervus reliquo muſculi corpore integro permanente, ne veſtigium quidē voluntarij motus extare poſſet. Hoc autem cum optime noſſet Ariſtoteles omiſſa nominis tranſlatione ubique motus voluntarij proprium inſtrumentum, nervos in oſſibus utrobique inherentes appellavit. Atque ſi audacius loqui licet. nervi definitionem ex locis ipſius philoſophi iam tractatis ſic elicie-

eliciemus. Nervus est & ad colligandas, & ad movendas secundum appetitionem corporis partes naturale instrumentum. An vero Galeni definitio probanda sit, qua totum musculi corpus definitur, esse instrumentum voluntarii motus, ^a cū bona, recta q; definitio per se, et primo uniuscuiusque rei esse debeat, iudicium bonorum, atque doctorū virorum esto.

^a
6. top. c. 2 lo
co 46.
7. p. phis. 2.
11. 12. 13.

A R I S T O T E L E S.

Principium igitur, ut dictum est, motus illud est, quod in re agibili expetendum, & fugiendum est. Ex necessitate autem sequitur ipsorum notionem, & phantasiam calor, & frigus. Molestum enim fugiendum, iucundum autem expetendum est; sed valde latet hoc evenire circa res parvas. Sunt autem molesta, & iucunda omnia ferè cum frigore aliquo, & calore; hoc autem manifestum ex affectibus. Audatio. n. & timores, & incitationes venereæ, & alia, quæ ad corpus pertinent, molesta, & iucunda, partim in una parte cum calore, & frigore sunt, partim in toto corpore. Memoria autem, & spes talibus, tanquam imaginibus utentes modo minus, modo magis eorundem causæ sunt. Quapropter recte iam in mutatione constituantur, quæ intus, & ad principia sunt instrumentalium partium, & ex concretis humida, & ex humidis concreta, & mollia, &

H dura.

dura vicissim fiunt. His autem in hunc modum euenientibus, prætereaq; passiuo, & effectiuo talem habentibus naturam, quam sæpe numero diximus, cum contigerit, ut unum sit effectiuum, alterum autem passiuum, & nihil eorum, quæ in ratione sunt, ipsorum utriq; desit, statim unum quidem efficit, alterum autem patitur. Propter hoc autem simul, ut ita dicam, intelligit, quod gradiendum est, & graditur, nisi aliquid alterum impediat. Instrumentales enim partes apte parant ipsi affectus, ipsos autem affectus appetitus, appetitum autem phantasia, ipsa vero fit vel per intellectiōnem, vel per sensum, simul autem, & celeriter eo, quod effectiuum, & passiuum sunt eorum, quæ natura mutuo inter se referuntur.

E C P H R A S I S XVI.

Et nervos sua inferentes, atque implicantes extrema in ossibus esse præcipua voluntarij motus instrumenta, & partes corporis immutari, augeri, minui, habilesq; ea ratione ad motum constitui ex calore, ac frigore, quæ quodammodo à rei specie animo concepta manant, ex his quæ proxime sunt explicata, cognouimus. Quamobrem, cum principium, cuius causa, ut etiam supra diximus, mouetur animal, sit illud, quod actione aliqua vel asciscendum, vel declinandum est, idem etiam per suam speciem in anima consignatam principium quodam modo harum mutationum, & affectionum in corporis partibus esse iure videretur. Nam si anima, aut in speciem in ea impressam, aut in phantasma formatum rei ali-
cuius

enius, quæ vel bona, & asciscenda, vel mala, & declinanda sit, aciem rationis, aut phantasiæ intenderit, necessario propter cognationem, atque coniunctionem; quam cum corpore habet, ex eo sequetur, ut calore, aut frigore afficiatur corpus. Molestum enim, quod est malum, per se vitandum, & declinandum, iucundum autem, quod etiam est bonum, expetendum per se, & asciscendum est. Quamobrem si anima per phantasiam, aut per rationem speciem iucundi, & boni nouerit, ^a atque tali notione delectata fuerit, proprias ad amplexandam illius iucundi, & boni speciem profundit vires, quæ cum ex corde, ^b quod est animæ sedes, & calidissimum omnium; quæ sunt in animali, promantur; atque in corporis partes dimanent, in easdem quoque partes calor cordis consequatur, necesse est. Si vero speciem mali, ac molesti aliquam inspexerit, eiusmodi videlicet inspectione statim offensa suas in se se, ut illam molestam speciem mali declinet; contrahit vires, quibus; quantum fieri potest, in cor contractis, & collectis reliquas corporis partes frigore occupari opus omnino est. Quod tamen non eque ex omnibus rebus euenire opinari oportet. Ex magnis enim; & grauib. rebus; ob virium magnitudinem id fieri planissime constat; ex paruis autem; & leuib. propter virtutis exilitatem tam obscure; ac tenuiter accidit, ut vix apparere, atque sentiri possit. Veruntamen molesta; & iucunda ferè omnia, quæ aliqua tenentur notitia, quippiam aut caloris; aut frigoris inducere solent. Hoc autem facile declarant corporis affectus ex aliqua animi notitia existentes; eorum enim alij vnā solum quampiam corporis partem, ut venereæ libidinis ardor, alij totum corpus, ut audacia, timores, & alia molesta, & iucunda, quæ ad corpus attinent, calore, vel frigore inficiunt. At, quia istud non semper aut rationis, aut phantasiæ notione, sed interdum spei, ^d aut memoriæ virtute contingit; cum anima, vel per ^e memoriā phantasma, tanquam imaginem boni, aut mali præteriti, vel per spem tanquam imaginem boni, vel mali venturi contuetur, tunc memoriæ, atq; spes interdum magis, interdum minus caloris, & frigoris in animalis corpore causæ existunt. Quocirca siue anima per rationem, aut phantasiam intelligit; siue per memoriā meminit, siue per spem sperat iucundum aliquod, aut molestum, recte iam ea, quæ intus sunt, ut caro, nervi, venæ, fibræ, & huiusmodi alia, ^e ex quibus, tanquam ex principiis constituuntur instrumentales partes, mutantur, & ex concretis humida, & ex humidis concreta, & mollia, & dura vicissim efficiuntur. Hæc autem quia isto fiunt modo, prætereaque quia patibile, & efficiens prædita sunt tali natura, quæ multis iam locis tractata, & ex-

a
3. de anima
t. 28. 29. 30.

b
2. de partib.
animalium c. 1.
lib. de iuuentute & fenestura c. 1.

c
3. de partib.
animalium c. 7.
2. de generatione animalium c. 4.

d
p. de anima
t. 64.

e
lib. de memoria & reminiscetia c. 2.

f
2. de partib.
animalium c. 1.

a
p. de genera
tione, & cor
ruptione t. 77
9. p. phis. t.
12.

b
p. de genera
tione, & cor
ruptione, t.
77 78.
2. de genera
tione animi
c. 4.

c
3. ph. t. 3.
5. p. phis. t.
10.

plicata est, ut videlicet^a patibile sit potentia proximum, & paratissi-
mum sine vlla mora ad patiendum, efficiens autem actu, continuoq; , nisi
prohibeatur, agat, & efficiat, si quando contigerit, ut vnum aliquid effi-
ciens existat, alterum autem patibile, nihilque absit eorum, quæ utriusq;
naturam, & rationem, qua inter se, ut efficiens, & patibile conferuntur,
constituunt, hoc^b est, ut se se mutuo, & quemadmodum opus est, & ubi
opus est, tangant, statim efficiens efficit, & patibile patitur. Atqui ob
eam causam, quod efficiens, & patibile præsto simul adsunt, quispiam
vno, eodemque, ut ita dicam, temporis puncto & intelligit sibi ambu-
landum esse, & ambulat, nisi quid aliud impedimento sit, aut vim affe-
rat. Partes enim instrumentales aptæ, idoneæq; , ad motum ab affectibus
calore, ac frigore redduntur, affectus autem ab appetitu, dum anima vi-
res aut effunduntur, aut contrahuntur, ut supra docuimus, inducuntur,
appetitus autem à phantasia per phantasma rei iam informatum exci-
tatur, at phantasia vel per rationis intellectionem tanquam renouatur,
& inflauratur, dum ratio rei speciem in phantasmate intuetur, vel per
sensum generatur, & procreatur. Atque is continuatus deinceps effi-
ciendi, & patiendi cursus celerrime, & eo ipso tempore conficitur, pro-
pterea quod efficiens, & patibile sunt in eorum genere, c quæ inter se re-
feruntur, & simul natura constant,

*Theorema, principium, cuius gratia animal loco mouetur, esse aliquid
extra, non autem rei speciem animo conceptam.*

QVIA sæpe iam diximus, quod animal & cognoscendo aliquo mo-
do, & simul expetendo quoppiam bonum, aut fugiendo aliquod
malum loco à se mouetur, ne in eam incidamus dubitationem, sitne hu-
iusmodi bonum, aut malum mouens animal species rei animo per cogni-
tionem comprehensa, an res ipsa extra animam posita, visum est per-
pauca hæc in contemplationem adducere. Quorum quidem initium hinc
sumi volumus, ut illud primum probè teneamus, quod iam crebra repe-
titione tritum factum est, duas esse inter se penitus distinctas facultates,
quibus anima ad mouendum corpus utitur, d cognoscendi vnā, appe-
tendi alterā; quæ cum ad ciendum motum adhibentur ab anima, quia
ad aliquid vnum, atq; idem diriguntur, & intenduntur, simul iungi ne-
cessario debent, neque id quidem sine causa, quandoquidem nihil, e quin
aliquo modo cognoscatur, vlla expeti rōne potest. Quāobrem, quod re ve-
ra vnum, & idem est, alia cognoscitur, alia expetitur ratione, f & ta-
men

d
3. de anima
t. 48. 49. 50.

e
12 p. phis. t.
36.

f
3. de anima
t. 30

men simul cognitum, & expetitur solet mouere animal. Quatenus igitur cognoscitur, eius species animo percepta teneatur, necesse est, ^a quia omnis cognitio per rei cognite efficitur conceptam speciem; quatenus autem expetitur, extra animam omnino per se consistere oportet, siquidem quod appetitur, & desideratur, ^b eo appetens, & desiderans prorsus carere debet, quoniam nihil, quod tenetur, atq; possidetur, appeti, vel desiderari, potest. Quocirca patet quod vna, eademque res, quatenus per propriam speciem in animalis illam cognoscentis anima aliquo modo inpreffam cognoscitur, obtineri, ac possideri dicitur, quatenus autem expetitur, & desideratur, ipsi animali desideranti, atque expetenti abest, & propterea principium est, cuius gratia, si bona est, ad eam asciscendam, si vero mala, ad eandem declinandam recte mouetur animal. Nec vero nostra quidem sententia licet dicere illius speciem, quae in anima continetur esse principium, vnde est motus per locum, id enim esse animam per suas tum cognoscendi, tum appetendi facultates saepius iam dictum, atque repetitum est: at si eiusmodi species constitueretur principium, quemadmodum supra declarauimus mutationum, & alterationum, quae in corporis partibus intus fiunt, nos quoq; authore philosopho ex his, quae modo exposita sunt, prorsus assentiremur.

^a de anima
c. 1. 2. 1. 3. 2.
3. 2. 1. 2. 3.
12 p. phis.
39.
^b
p. phis. 81.

ARISTOTELES.

Mouens autem, & primum ipsorum animalium necesse est esse in aliquo principio, quod autem flexus est, vnius principium, alterius autem finis, dictum est. Quare & ut vno, & ut duobus utitur natura ipso. Cum enim mouetur hinc, necesse est, vnum quidem signum extremorum quiescere, alteri autem moueri. Quod enim ad quiescens oportet anniti id, quod mouet, dictum prius est. Mouetur igitur, & non mouet extremum brachij, ipsius autem flexus,

qui

qui est in cubito, illud quidem mouetur, quod est in ipso toto, quod mouetur; necesse autem esse aliquid etiam immobile, quod videlicet dicimus potentia quidem vnum esse signum, actu autem fieri duo. Quamobrem, si animal esset brachium, hic esset vsquam anima principium mouens. Quoniam autem contingit & ad manum aliquid inanimatorum sic se habere, vt si moueret baculum in manu; manifestum, quod in neutro extremorum anima esset, neq; in extremo eius, quod mouetur, neq; in altero principio. Etenim lignum habet & principium, & finem ad manũ. Quamobrem propter hoc si in baculo principium mouens, quod est ab anima, non inest, neq; in manu. Similiter. n. se habet extremũ ipsius manus ad commissuram, qua cum brachio iungitur, & hac pars ad cubitũ. Nihil. n. differũt ea, quæ naturali ortu affixa sunt, ab illis, quæ affixa naturaliter non sunt. Fit. n. tanquam pars, quæ amoueri potest, baculus. Necesse igitur in nullo esse principio, quod alterius est finis: neque si quid alterum magis ultra illud est, vt extremitatis baculi principium in manu est, huius autem in brachij commissura.

si.

Si autem neq; in manu, quoniam magis etiam supra principium est, neque hic; quiescente enim cubito etiam, mouetur omne, quod infra continuum est.

E C T H R A S I S XVII.

Quo pacto species rei iucundæ, aut molestæ animo percepta sit principium, quo partes corporis immutentur, & alterentur, & quo ordine, atq; quàm incredibili, & admirabili, celeritate tales immutationes, & alterationes ab eo principio per multa deinceps emanent in ipsas tandem corporis partes, ex superiore tractata doctrina planum esse factum autumamus. Cum autem hæc species nequaquam esse posset istarum mutationum principium, nisi recepta, atq; consignata in anima esset, anima vero non extrinsecus, sed proprium, intimum, & primum omnium motuum animalis principium existat, sicuti iam sæpius diximus, consentaneum, vel potius necessarium illius nature esse videtur, ut in aliqua prima, & principali parte, quæ sit totius corporis principium, resideat. Quòd autem nullus cuiuscunque membri flexus esse possit tale corporis principium, minime nos fugere arbitror, quando quidem initio iam ostendimus, flexum non solum principium, sed semper inferioris quidem partis principium, superioris autem simul finem esse. Vnde natura eo tum ut vno apposite utitur, quia re vera flexus vnus est, in quo duo duarum partium connectuntur, & coercentur extrema, & quodammodo vnum efficiuntur, tum ut duobus, quia, cum ibi ciatur motus, vnus partis extremum quiescit, alterius autem mouetur. Quòd autem ita fieri necesse sit, patet, quia supra demonstrauimus, illud quod mouet, debere semper in aliquo quiescente inniti. Cum igitur motus ex flexu cubiti existit, inferior, siue extrema brachij pars mouetur solum, & non mouet, extremum autem illud ipsius flexus, qui est in cubito, quod est supremum eius extrema brachij partis, quæ in motu versatur, totum propter continuationem mouetur. Quare, cum hoc extremum sit penitus aliud, atque distinctum ab altero extremo ipsius flexus, & vnum totum quiescat, alterum autem totum moneatur, apparet flexum non esse illud vnum corporis principium, in quo anima locata sit, quia necesse est, aliquid aliud esse, quod, necessario unū semper, atq; idem sit, quāuis ex parte moneatur,

& ex parte immobile etiam omnino existat, quod nimirum potentia esse
 vnum, vt paulo post planius declaraturi sumus, actu autem fieri duo di-
 cere solemus. Quamobrem, si animal exempli gratia esset brachium,
 in ipso illud vnum principium, in quo animæ principium mouens confi-
 steret, esse omnino oporteret. Quod autem huiusmodi principium mouens,
 quod anima est, nusquam esse in brachio queat, facile intelligemus, si no-
 bis exploratum erit propriam animæ sedem tantummodo principium,
 non autem etiam finem alicuius esse debere. Quapropter, quia fieri po-
 test, vt & manus, & inanimatum aliquod inter se similiter se habeant,
 vt si quis moueret baculum, quem manu teneret, nulli profecto dubium
 est, quin in illorū neutra extremitate anima esset, id est, neque in baculi,
 neq; in mouētis manus extremitate, quæ est principii motus ipsius bacu-
 li. Etenim lignum, siue baculus, si ad manum referatur, & principium,
 & finem habet, finem quidem, propterea quod ad manum finitur, & ter-
 minatur, principium, quia inde, hoc est, à manu incipit moueri. Ob eam
 igitur causam, quod in ista baculi, & manus copulatione, vnde nunc
 motus extat, non solum principium, sed etiam finis inest, anima vero in
 eo, quod duntaxat principium est, esse debet, si in baculo, cuius extreni-
 tas in manu finis est, vt diximus, animæ principium mouens non contine-
 tur, neque in manu vllō modo contineri potest. Similis enim ratio est sum-
 mæ manus cum brachij commissura, & huius quoque partis cum cu-
 bito; vtrobique enim & principium, & finis est. Neque enim inter has
 partes, & baculum quicquam interest, quod ea partes naturaliter innatæ,
 atque insitæ sint, baculus autem neque innatus, neque insitus natura,
 sed tanquam pars existat, quæ tolli, & auferri possit. Necesse igitur est,
 animam in aliquo inesse, quod tantummodo principium est, non autem in
 eo, quod, cum principium alicuius sit, tamen finis etiam alterius existit;
 neque, si quid alterum simile est magis intra, quàm illud, in eo esse potest,
 vt extremitatis baculi principium, quemadmodum diximus, in manu
 est, huius autem in brachij commissura. Si autem neque in manu, quia in
 superiore etiam, atque interiore parte insidet anima, quæ est principium
 mouens, neque hic, id est, in brachij commissura esset, quoniam quiescen-
 te cubito tota etiam mouetur inferior pars, in qua brachij, & manus
 commissura continetur; ex quo sequeretur ita, vt totum ex omni parte
 principium vno, eodemque motu in ipsa commissura agigaretur, quod
 quidem fieri nullo modo potest.

ARISTOTELES.

Quoniam autem similiter se habet à sinistris, & à dextris, & simul contraria mouentur, ut non sit, quia quiescit dextrum, ut moueatur sinistrum, neque rursus, quia hoc quiescit, ut moueatur illud, semper autem in eo, quod est utrisq; superius, principium inest, necesse in medio esse principium animæ mouentis. Vtrotumque .n. ultimorum medium est extremum. Similiter autem se habet hoc ad motus etiam, qui ab eo, quod sursum, & ab eo, quod deorsum est, sunt, veluti ea, quæ à capite sunt, & quæ à spina in habentibus spinam, & recte sane hoc accidit; nam & sensitiuum hic esse dicimus. Quare, dum propter sensum alteratur locus, qui est circa principium, & mutatur, continentes simul mutantur partes, cum & porriguntur, & contrahuntur, ut ex necessitate propter hæc fiat animalibus motus, Media autem corporis pars potentia quidem una est, actu autem necesse est fieri plures. Nam & simul mouentur membra ab ipso principio, & altero quiescente mouetur alterum, dico autem, ut in li-

nea a. b. c. ipsum b. mouetur, mouet autem a. verumtamen oportet & aliquid quiescere, si futurum est, ut unum moveatur, alterum autem moveat. Vnum igitur potentia cum sit ipsum a. actu duo erit. Quare necesse est, non punctum, sed magnitudinem quamdam esse. At tamen contingit ipsum c. vnà cum b. moueri. Quapropter necesse est, utraque principia eorum, quæ sunt in a. moueri, & mouere. Oportet igitur aliquid esse præter hæc alterum, quod moveat, & non moveatur. Niterentur enim inter se in ipso a. extrema, & principia eorum, quæ mouentur, perinde ac si aliqui se mutuo tergis impellentes mouerent crura; sed, quod mouet ambo, adesse necessarium est. Hoc autem est anima, quæ, cum aliud sit ab eiusmodi magnitudine, in ipsa tamen est.

E C P H R A S I S XVIII.

Cur nullus corporis flexus esse possit propria sedes animæ, quæ est in animali principium motus, ex adductis, explicatisque rationibus satis esse intellectum opinor. Quamobrem, ut ad huiusce corporis partis, quæ semper principium est, in quo locata est, & potissimum viget anima, inuentionem aperiatur aditus, pauca quædam prius ponenda, atque tenenda sunt. Horum autem primum est, quod & sinistrum, & dextrum similiter, pariterque ad animalis principium, ^a a quo virtutem, & facultatem tum ad vitam, tum ad motum necessariam hauriunt, pertinent, atque

pene-

^a de partib.
animaliū c. 3. 4.

penetrant. Alterum, quod partes corporis contraria simul mouentur, neque opus est, cum sinistrum mouetur, ut dextrum quiescat, neque rursum, cum hoc in motu est, ut illud in quiete maneat. Tertium, & postremum, ^a quod in interiore semper, & priore parte, quam sit dextrum, & sinistrum, principium mouens conditum esse oportet. Hæc autem cum ita se habeant, sequitur certe necessario, ut principium mouentis animæ in medio corpore situm, & collocatum sit. Amborum enim extremorum, qualia hic sunt & dextrum, & sinistrum, communis terminus est mediū, siquidem ^b illud medium dicitur, quod vtriusque extremi vel particeps, vel expers omnino est. Quapropter, quamuis cor proprium animæ domicilium paululum ^c in sinistram mammam in homine vergat, ut suo calore frigida opituletur parti, nihil tamen prohibet, quominus medium inter dextrum, & sinistrum obtineat locum. Is enim locus neutrum illorum extremorum in corporis latitudinem spectantium vere dici potest. Eodem autem modo, si ad longitudinis extrema, quorum in corpore necessario ad viuendum vnum sursum, alterum autem deorsum est, medium esse facile cognosci potest. Necessarium autem ad vitam tuendam corpus accipi volumus, ^d cuius extremum sursum est, quæ cibis, & alimentum sumitur, ubi caput est, deorsum autem, quæ cibi reliquiæ pelluntur, & eijciuntur. Reliqua enim corporis membra minime esse ad vitam necessaria constat, quippe quod nonnulli sine vel brachijs, vel cruribus viuere conspiciuntur. Vtrinq; igitur, & ab ijs, quæ sursum versus capiti iunguntur & ab his, quæ deorsum versus cum spina copulantur, ut ossa crurum, motus cieri plerunque voluntarios corporis inflexione videmus. Ac summa quidem ratione principium mouentis animæ in medio corpore tum ex longitudine, tum ex latitudine locatum à natura esse putandum est. In eadem enim parte omnem etiam vim, & facultatem sentiendi sitam esse naturaliter statuimus. Quamobrem cum talis media pars sit cor, & à quo omnes & sensus, & motus habent suos ortus, quoniam etiamq; cor sentiendo afficitur varietate, ac vicissitudine qualitatum, atq; mutatur, etiam partes corporis cum illo continentes, & continuatæ iure simul afficiuntur, & immutantur; quibus quidem affectionibus, & mutationibus eadem partes deinceps extenduntur, ac contrahuntur. Quapropter, cum ista eo efficiuntur modo, sequitur, ut necessario fiat in animalibus motus: neque tamen propterea necessarius, sed voluntarius censeri debet, quia neq; cor, neq; deinde reliquæ mutarentur, mouerenturq; partes, nisi cognoscendi acies in specie, aut in phantasmate rei cognita, quod est voluntatis, defixa teneretur. Cor autem ipsimum, quod est

^a 3. de partib.
animalium c. 4.
lib. de somno & uigilia
c. 3.
lib. de iuuē.
tute & senectute c. 113

^b 10. p. phisic. 23.

^c p. de anima
lib. hist. c. 17
2. de animalium
hist. c. 17
3 de partib.
animalium c. 4.

^d 3. de partib.
animalium c. 4.
lib. de iuuentute & senectute c. 1.

^e 2. de partib.
animalium c. 1. 10
3. de partib.
animalium c. 3. 4.
2. de generatione anima
lib. de iuuentute & senectute c. 1.

media corporis pars, potentia quidem vnum est, quia, cum eius subiecta natura individua, atque vna numero sit, sed per motum, & quietem, vel per diuersos motus vtrarumq; corporis partium, quarum^a initia priorum nervorum, & venarum in corde continentur, distinguatur, potest si vtrinq; corporis partes quiescerent, etiam ipsum totum quiescere, & sic omnibus modis vnum esse, actu vero plura effici necesse est, cum motu, & quiete, aut dissimilium motuum diuersitate, vt diximus, re ipsa distinctum sit. Nam & simul interdum membra ex vtraq; parte corporis, quia cuiusq; animalis ad gradiendum natura constituti, & sanguinem habentis^b bipartitum corpus est, ab ipso mouentur principio, interdum etiam quiescente vno mouetur duntaxat alterum; quod, vt melius intelligatur, ob oculos ponamus lineam his literarum notis. b. a. c. tanquam duobus membris, & parte ipsa media distinctam. Huiusce autem lineae moueatur. b. tanquam dextrum membrum, moueat autem. a. in quo & initium ipsius b. quemadmodum ostendimus, continetur, & anima, principium mouens inest, profecto necesse est, vt aliquid etiam quiescat; demonstratum enim iam est, cum vnum mouetur, et alterum mouet, opus esse, vt quippiam etiam immobile, in quo mouens nitatur, necessario subsit. Ipsum igitur. a. cuius natura vna est, quod quae, si totum quiesceret, posset vnum omnino esse, nunc re ipsa in duo per initium ipsius. b. quod mouetur, & per initium ipsius. c. quod quiescit, distinctum est. Ex quo apparet, ipsum. a. siue mediam corporis partem nullo modo punctum, c cuius nulla datur pars, sed magnitudinem quadam necessario esse. Verumtamen potest etiam fieri, vt. c. tanquam sinistrum membrum, quod quiescebat, eo ipso tempore, quo mouetur. b. moueatur. Quapropter necesse est, vt amborum membrorum initia, quae sunt in ipso. a. & moueantur propter continuationem cum suo toto membro, quod mouetur, & quia principia sunt, etiam moueant; atq; ex eo fiat, vt illorum vtrumq; se ipsum moueat. Cum igitur id, quod se ipsum mouet, a constituatur, ex mouente, quod per se penitus immobile est, & ex eo, quod mouetur, oportet omnino aliquid aliud esse praeter ista initia, quod moueat, et non moueatur, neque, cum incorporeum sit, egeat altero corpore, in quo, dum mouet, nitatur. Nam extrema, siue initia ipsorum membrorum, quae mouentur, similiter inter se niterentur, atque vrgerentur in ipso. a. vt si aliqui mutuo renixu prementes, & impellentes terga mouerent crura; sed, cum haec ambo initia moueantur, illud quoque immobile, quod mouet ipsa, adesse necesse est. Hoc autem est anima, quae, cum^c a tali magnitudine, hoc est, a corde, quod semper principium, nunquam autem finis

^a
3. de aialiu
hist. c. 3. 5
3. d partib⁹
aialiu c. 4. 5.

^b
3. de partib⁹
aialiu c. 5. 7.

^c
Huc. p. elem.
6. ph. t. 1.

^d
8. ph. t. 43.

^e
3. de aia t. 4.

nis est, diuersa, atque distincta sit sua natura, in eo tamen, tanquam in propria sede penitus inheret, atque insidet.

A R I S T O T E L E S.

Secundum igitur rationem, quæ causam motus tradit, appetitus est medium, quod mouet, & mouetur; in corporibus autem animatis oportet aliquod esse corpus huiusmodi. Illud igitur, quod mouetur, non autem est natura comparatum, ut moueat, potest pati secundum alienam potentiam; quod autem mouet, necessarium est, ut habeat aliquam potentiam, & robur; omnia autem animalia videntur & habere spiritum ingenitum, & illo valentia esse. Quæ igitur sit conseruatio ingeniti spiritus, dictum in alijs est. Is autem ad animale principium similiter se habere videtur, ut in flexibus signum, quod mouet, & mouetur, ad id quod immobile est. Quoniam autem principium alijs in corde est, alijs in eo, quod ad cor habet proportionem, propter hoc etiam spiritus ingenitus hic apparet esse. Vtrum igitur spiritus idem sit semper, an fiat semper alter, sit alia consideratio; eadem enim est & de alijs partibus. Videtur autem apte se habere, ut ad mouendum ido-

neus sit, & praebeat robur. Opera autem motuum pulsus, & tractus. Quare oportet, ut instrumentum porrigi, & contrahi possit, talis autem est spiritus natura. Etenim, quia sine violentia contrahitur, & ad trahendum, & ad pellendum propter eandem causam apta, idonea^{q;} est, & habet & gravitatem, si cum igneis, & leuitatem, si cum contrarijs conferatur. Oportet autem, quod non alteratione moturum est, tale esse. Vincunt enim se vicissim secundum exuperantiam naturalia corpora, leue quidem deorsum, si à grauiore, graue autem sursum compellitur, si a leuiore superatur. Qua igitur particula, quae & ipsa quoq; moueatur, moueat anima, dictum, & propter quam causam.

E C P H R A S I S XVIII.

Peruestigauimus, tandemq; inuenimus propriam in medio corpore locatam sedem animae, quae, cum sit primum motus principium, mouendo immobilis ipsa per se manet. Quãobrem, cum ex hac ratione constituerimus animam esse & primum mouens, & principium eius, quod se ipsum mouet, necessarium est, ut ostendatur, quodnam in animali se ipsum mouente sit illud, quod ab eo principio primum moueatur, & tanquam instrumentum quoddam, dum mouetur, mouere possit alia. Cum autem, ut supra iam saepe diximus, animae præcipua mouendi facultas sit appetitus,^a qui est motio quadã, oportet, ut corpus, in quo primũ vis appetendi ab anima imprimitur, sit istud mediũ, quod, cum mouetur, mouere possit alia. Atqui in animantium corporibus tale inesse corpus necesse est. Ita-

que

que, quodcumq; tantummodo mouetur, neq; natura comparatum est, vt moueat, debet ab aliena facultate, atque virtute, qua mutetur, & moueatur, pati posse, affici, & immutari; at illud, quod sua natura mouet, potentiam quamdam, & vires, quibus mouere, ac mutare queat, habeat, necesse est. In animalibus autem omnibus spiritum inesse ingenitum, quo robusta, atq; valentia sint, apparet. Nam, cum ingenitus continetur, & cohibetur spiritus, constat, & vires ingenerari, & robustiora, ac valentiora ad omne opus animalia fieri. Is igitur innatus spiritus est corpus, in quo ab anima primum vis appetendi insita est, quodq; ab eadem primo ad mouendum adhibetur, & propterea omnem in se roboris vim continet. Quamobrem, cum in omnem animantium vitam maximopere sit necessaria huiusce spiritus natura, omni cura, & studio eadem tuenda, & conseruanda est; atq; illius conseruande, tuendæq; ratio, alio loco^b vbi de animalium tractatur nutritione continetur. Nutrimentum enim totius viuentium naturæ, in qua inclusus comprehenditur natiuus spiritus, conseruatio est, & quasi instauratio quedam. Quia vero quicquid virium in hoc spiritu inest, id totum ab anima deriuatur, & fluit, sic ab ipsa anima, quæ est motus principium per se immobile, pendet, vt cuiusque inferioris partis in motu versantis signum, quod in aliquo flexu, quia eius partis principium est, & mouet, & propter cum illa continuatione etiam mouetur, ab alterius, & superioris partis signo, quod in eodem flexu quiescens, & immobile manet, pendere videtur. Quemadmodum enim mobile signum in flexu ab immobili habet, vt, dum ipsum mouetur, reliquam sibi continuatam partem mouere possit, sic spiritus, cum ab anima, quæ immobilis permanet, ad mouendum asciscitur, ab eadem omnem vim, & facultatem mouendi ceteras corporis partes, consequitur. Cum autem anima, quæ per spiritum ingenitum est huiusmodi motus ciendi, & omnis vitæ principium, animalibus cor habentibus in corde, carentibus autem corde, qualia sunt sanguinis expertia, in eo, quod loco cordis habetur, sita sit, recte ob eam causam initium, & origo ipsius natiui spiritus ibidem^c in corde, vnde per venas, arterias, & nervos ex corde^d orientes in totum corpus permanat, & diffunditur, esse apparet. Quoniam igitur assidua sanguinis, qui, est totius corporis vltimum, perfectissimumq; nutrimentum, procreatio^e naturali calore elaboratur in corde, iure dubitari, ac queri posset, vtrum ingenitus spiritus, cum & ipse quoque nutriatur, idem permaneant semper, an alter semper fiat, & ad nouam nutrimenti generationem nouus in vnoquoq; animali assidue generetur. Hæc autem questio, quæ reliquas quoque attingit corporis

- a
2. de partib.
aialium c. 16
lib. de somno & uigilia
c. 3
1. de generatione aialium
c. 4.
b
Desideratur hic liber.
c
p. de generatione & corruptione c. 41
2. de anima c. 47.
d
3. de partib.
aialium c. 4.
lib. de somno & uigilia
c. 3
lib. de iuuentute & senectute c. 1.
e
lib. de somno & uigilia
c. 3
f
3. de aialium hist. c. 3
3. de partib.
aialium c. 4-5.
g
2. de partib.
aialium c. 3.
3. de partib.
aialium c. 3.
lib. de somno & uigilia
c. 4.
p. de generatione animalium c. 19.
h
1. de resp.
c. 5

partes

partes, de quibus item hoc modo considerari conuenit, in eo tractatur loco, ubi, quo pacto nutriantur animalia, explicatur; id tamen esse tenendum censemus, vnum, eundemq; numero secundum propriam naturam, sicuti ceteras corporis partes, ingenitum spiritum semper, dum animal viuit, manere, quamuis, vel augeatur, vel minuaturs assidue. Omnia, n. quæ orta, interituraq; sunt, dñ sunt, ^a mutantur illa quidem quantitativus, & alijs affectionibus semper, sed illorum forma, atq; natura vna, eademq; vsq; ad eorum interitum constanter persenerat. Cum igitur ad frequentissimum animalis motum vsus istius spiritus maxime necessarius sit, necessario idem semper manere debet, cuius quidem natura propterea & ad mouendum & ad vires, ac robur præstandum, aptissima est, quod due potissimum sunt molitiones motuum, ^b vna pellere, altera trahere. Quapropter instrumentum motus, cuiusmodi est innatus spiritus, & ad pellendum, & ad trahendum ita esse accommodatum oportet, vt ipsum facile contrahi, atq; porrigi possit. Ac talis quidem est natura spiritus; etenim, quia sine vlla violentia, sed sponte sua facillime, in se ipsam cogitur, atque contrahitur, rursumque similiter extenditur, ac porrigitur, tum ad trahendum, tum ad pellendum maxime apposta est; prætereaq; ad similitudinem spirabilis ^c inter cætera elementa naturæ aeris, & grauis, si cum ijs, quæ ignea sunt naturæ, & leuis, si cum contrarijs confertur, existit, & ob eam rem in animali potest corpora vtriusq; generis commode mouere. Huiusmodi autem id, quod non qualitatibus inficere, & mutare, sed quod loco mouere quippiam debet, esse oportet. Naturalia enim corpora hoc modo, secundum exuperantiam grauitatis, & leuitatis inter se vicissim moueri solent. Cum ^d n. duo corpora in sublimi sunt, & mutuo inter se vrgentur, si vnum vincit, & superat sua grauitate alterum, deprimit illud, atque secum deorsum rapit, cum autem in imo, & leue propria leuitate excellit, tum sursum impellit graue, ac secum in sublime tollit. Quod igitur ingenitus spiritus sit ad mouendum tale animæ instrumentum, quod, dum mouet, ipsum quæque moueatur, & propterea in eum vsus adhibeatur ab anima, quia & ad motum molliendum, & ad vires præstandas animali aptissimus est, ex his explicatum, atque cognitum habeatur.

ARISTOTELES.

Existimandum autem est, constare animal, sicut ciuitatem bonis institutam legibus. Nam

✠

^a
p de genera
tione, & cor
ruptioe. 42
4. p. phiæ t.
32.

^b
7. ph. t. 10.
lib de icellu
ajalium. c. 2.

^c
3. de cælo t.
28.
4. de cælo t.
27.

^d
p. meteor. c. 4

Et in ciuitate cum semel constituterit, atque vi-
guerit institutum, nihil separatim opus est prin-
cipe, quem oporteat singulis quæ sunt, adesse,
sed quisque, quæ ad se attinent, ut constitutum
est, facit, Et sit hoc post hoc propter consuetu-
dinem, Et in animalibus id ipsum propter na-
turam fit, tum quia unumquodq; eorum, quæ
ita constant, comparatum natura est, ut pro-
prium efficiat opus, ut nihil oporteat in uno-
quoq; animam esse, sed, cum sit in quodam cor-
poris principio, alia uiuant quidem eò, quòd
naturali ortu insita sint, faciant autem pro-
prium opus propter naturam. Quomodo igitur
mouentur voluntarijs motibus animalia, Et
quas ob causas, dictum est.

E C P H R A S I S XX.

Ortum ingeniti spiritus, qui maxime idoneum motus instrumentum
est, manare ex corde, ubi residet anima, iam plane perspectum, ut ego
existimo, habere licet. Quare illud fortasse absurdum, dissentaneumque
veritati putaretur, animam, quæ non solius cordis, sed totius instrumen-
talis corporis naturalis forma est, & cuius virtute omnes corporis par-
tes vite munia exequentur, in solo corde sitam, non autem in toto corpo-
re æque fusam esse. Itaque, ut talis opinio, falsa præsertim ab omnium
animis prorsus remota sit, existimandum est, animal ad similitudinem ci-
uitatis, in qua optimis legibus, institutis, ac moribus uiuatur, constitu-
tum naturaliter esse. Ut enim in ciuitate simul atq; ex principis autho-
ritate, ac voluntate & leges promulgatae, & instituta communi consue-

2. de animas
1. 6. 7

K. tudine,

itudine, & vsu firmata sunt, nequaquam necessaria seorsum est etiam præsentia principis, qui mandando, & imperando singulis instet civibus, ut suum quisque opus, & officium faciat, sed cognita illius voluntate, & auctoritate pro se unusquisque, sicuti præscriptum, & imperatum est, proprio fungitur munere, & singula deinceps omnia perficiuntur vigente iam vsu, & consuetudine, sic in animalibus isthuc ipsum & dominante iam in toto corpore natura efficitur, & quia unaquæque pars, quæ ita constet, ut sana sit, comparata naturaliter est, ut proprium naturale munus exequatur. Ex quo minime opus est, ut in singulis partibus anima insit; sed, cum in corde, ^a quod est corporis principium, solo contineatur, reliquæ quidem partes, quia sunt affixæ, & innatæ assidue viuunt, sed propter naturam ipsam iam vigentem proprium ubique opus efficiunt. Nam, cum primum animæ facultates, ^b quibus totum animal optime ad vitæ munia instituitur, ex corde ad singulas corporis partes, quæ valentes sint, peruenerint, statim receptis ubique ipsius animæ viribus suum quæque pars munus obire incipit, atque in eo obeundo, dum animæ vires suppetunt, perseverat. Quomodo igitur voluntariis motibus cientur animalia, & quæ sunt causæ, quibus sic mouentur, hætenus expositum est.

Theorema, quenam sit animæ, & naturæ, de qua hoc loco mentio facta est, differentia.

EX his, quæ proxime tractauimus, constat ex philosophi sententia animam omnino à natura differre, cum anima solum in corde, natura vero in omnibus corporis partibus diffusa sit. Quapropter qualis earum differentia existat, perspicere, atque contemplari nostrum esse in præsentia existimo. Id autem melius effici posse arbitramur, si ex vtriusque definitione, quid veraque sit, consideretur. Itaque, quia hanc naturam esse diuersam ab omni animæ specie censemus, primum quid sit communis substantia ipsius animæ, excepto tamen intellectu, ^c qui diuinius quiddam est, ex communi definitione videamus. ^d Anima igitur est actus primus corporis naturalis instrumentalis, ex qua definitione tria ad rem faciendā nobis nunc elicienda sunt, vnum, quodd, cum anima sit actus primus, necessario forma est, quia ^e primus actus nihil aliud est, nisi eius, cuius est actus, constitutio, atque informatio, alterum, quodd corpus ab anima informatum & naturale est, & partes dissimiles, siue instrumentales habet, tertium, & postremum, quodd talis informatio animæ, quæ est actus primus, non continuo affert informato corpori naturales operationes, sed

^a de generatione animalium c. 1. 4.

^b de partibus animalium c. 1.
^a de anima c. 9. 10. 14.

^c de anima c. 66.
^d de anima c. 21.
^e de anima c. 10.
^a de generatione animalium c. 3.
^d de anima c. 7.
^e de anima c. 8. 9. 10.

sed tamen^a affert potentias, & facultates, quibus ad secundum actum, id est, ad ipsas operationes animatum prouehi, quando expedit, potest. Sic igitur breuiter, quæ ex communi animæ definitione nunc nobis cognoscere conueniat, expositum est. Quare, quid item sit natura, de qua hoc loco querimus, quàm paucis fieri potest, perstringamus. Est autem natura in genere eorum, quæ, cum multa, & diuersa sint, conuenientia tamen quadam inter se ad vnum primum in illo genere referuntur, & propterea etiam omnia vno, eodemque appellantur nomine.^b Aliàs igitur natura est eorum, quæ procreantur, generatio: aliàs proxima materia, quæ in generatione paulatim per informationem perficitur, et in re, quæ generatur, inest: aliàs illud, vnde est motus primus in vnoquoque eorum, quæ natura constant, in ipso, quatenus tale existit, siue^c principium quoddam, & causa, vt illud, in quo primo inest, mouetur & quiescat per se, & non per accidens: aliàs materia, ex qua prima, quatenus informis, suæque propria ui, & ex se immutabilis est, aliquid naturale, vel est, vel fit: postremo forma cuiusque rei, quæ naturaliter constat. Ex quo, cum appareat omnia ista inter se differre, conueniunt tamen, quia reliqua ad formam, quæ proprie, potissimumque natura est, referuntur, vel potius ab illa pendent, & ob id etiam naturæ nomen inuenerunt. Itaque ex hac multiplici explicata naturæ notione, quenam sit illa, de qua nunc agitur, vt, quid inter ipsam, & animam intersit, intelligatur, videamus, oportet. Quod igitur huiusmodi natura non sit corporis naturalis, instrumentalis, neque forma, neque materia informis, neque materia, quæ sensim in generatione informatur, neque generatio ipsa ex ijs, quæ philosophus dixit, non admodum obscurum esse potest; si quidem hæc natura in corpore iam informato inest, tanquam naturalium munerum obeundorum causa quædã, atque ab informante anima loco distincta, ac separata est. Quapropter relinquitur, vt illa tantum necessario sit, vnde in vnoquoque eorum, quæ natura constant, est motus primus in ipso, quatenus tale existit, aut, quod idem valet, principium quoddam, & causa, vt illud, in quo primo inest moueatur, & quiescat per se, et non per accidens. Quare ex hac naturæ bifariam tradita definitione quinque potissimum depromamus, velim, quorum vnum est, quod talis natura principium quoddam est, quia motus ab ipsa oritur, alterum, quod eiusmodi principium accidens est, quia in corpore iam naturaliter informato consistit, tertium, quod statim consequitur rei constitutionem, & informationem, quia in illa ipsa informatæ re primo inest, & quatenus talis existit, quartum, quod motus ab ista natura proficiens est ipsius rei naturalis, actio

^a de anima
c. 18. 27. 37.

^b 5 p. ph. 1. 5

^c 2. ph. 1. 3.

siue operatio, quia eiusdem primus per se motus existit, quantum & postremum, quod motus is primus est corporis instrumentalis naturalis secundus actus, quia primus talis corporis actus est eius informatio, & constitutio, secundus autem actio quæque naturalis, & operatio per proprias illius formæ vires, ac facultates. Hæc igitur si cum ijs, quæ ex animæ definitione collegimus, singillatim conferamus, quid inter animam, & naturam intersit, facile discernere poterimus. Primum enim etsi & anima, & natura principium sunt, differunt tamen, quia anima forma, atque substantia est, natura vero neque informat, & accidens, quod formam continuo sequitur, existit; deinde anima instrumentale tantummodo corpus informat, natura autem in instrumentali, pariterque in non instrumentali corpore inest: postremo effectus animæ est actus primus, id est, informare, & constituere instrumentale corpus, illiusque singulis partibus vires, & facultates prodeundi ad actiones, & operationes, quæ sunt secundi actus, impertire, naturæ vero effectus in quolibet corpore est actus secundus, hoc est naturalis solum operatio, & actio. Ex his igitur, si diligenter intueamur, nihil aliud naturam hanc, de qua nunc agimus, nisi vires, potentias, & facultates ad naturaliter agendum ab informante forma impertitas, & in toto subiecto corpore, ^a (quia talis natura semper in subiecto est) fusas esse manifesto constabit. ^b Quamobrem & hic præclare à philosopho dictum est, singulas animalis partes suo fungi naturali munere propter naturam, quæ est animæ facultas in toto corpore fusa, & alibi, ^c magis vniuersalia natura esse notiora, quia, ^d cum vniuersalia in anima teneantur consignata, viribus animæ, quantum fieri potest, separatim à corpore, cognoscuntur & intelliguntur, in eandem quoque sententiam ^e ipsum sapere, & scire ab hominibus natura expeti, & alia similia diuinitissime prodita sunt.

Quæstio, utrum anima in solo corde, an in toto corpore, & in singulis pariter corporis partibus tota sita sit.

Quia sæpius ex philosophi authoritate diximus animam in solo corde, aut in eo, quod ad cor proportionem habet, in animalibus carentibus corde locatam esse, id autem quia & ijs, quæ ab eodem philosopho multis in locis tradita sunt, & fidei, quæ à sensibus sit, refragari, & aduersari videtur, nobis esse faciendum duximus, ut nunc in utramque partem disserendo huius rei veritatem patefacere pro nostra virili parte nitamur. Primum igitur, & authoritates assiduo innixæ usu, et rationes,

a. ph. t. 4.
b. Corollarium.
c. post. t. 12.
p. ph. t. 49.
5. p. ph. t. 16.
d. de anima t. 60.
3. de anima t. 38.
e. p. ph. t. 1.

tionem, quibus animam esse totam in toto aequaliter animato corpore, & in singulis partibus persuaderi posse videretur, in medium afferentur. Quamobrem omisissis plantis in praesentia de animalibus, in quibus difficultas maxime urget, nostra consideratio sit. Nam ita etiam^a docente philosopho, si à corpore animalium, quæ aut prælonga existunt, qualia sunt angues, anguilla, lacertæ, & alia eiusmodi, aut quæ corpore longo, & quasi quibusdam articulis intersepto constant, cuiusmodi sunt iuli, & cætera similia, pars aliqua præcidatur transversa, in ea præcisa parte integram eiusdem speciei animam, quæ in toto reliquo corpore inest, & nutrientem, et sentientem, et mouentem consistere, & aliquamdiu vigentem perseverare cerneremus. Quæ quidem anima si in tali amputata parte nequit longo tempore permanere, causa est, quia, quæ in toto adsunt corpore, necessaria desunt ad viuendum instrumenta. Hinc igitur quamquam satis per se patere videatur animam non in solo corde, sed totam in toto corpore æque fusam esse, tamē potest quibusdam etiā rationibus comprobari, quarum una hæc erit. Vbicumque sunt alicuius actiones, & operationes, ibi necesse illud esse, cuius sunt operationes, & actiones, sed in præcisis corporis partibus sunt animæ operationes, ut vidimus, ergo in iisdem partibus animam inesse necessarium est. Quod autem ubi sunt alicuius operationes, ibidem esse oporteat illud, cuius sunt operationes, ex eo liquere potest,^b quod operatio est motus quidam, motus^c autem à mouente pendet, nec ab eo seiunctus est. Altera vero ratio sic posse formari videtur, quod sua natura nullo modo diuidi potest, & simul in diuersis locis esse apparet, id necesse est, ut ubi apparet, ibi totum sit; sed anima, quia non unū quantū, sed una substantia est, & una forma, & eo ipso tempore in diuersis partibus à corpore, atq; inter se diuisis esse apparet, ergo anima in eiusmodi partibus, in quibus apparet, tota esse necessario debet. Quod autem anima sit substantia, declaratum ante quidem est, quod vero substantia diuidi nequeat, pulcherrime ostendit philosophus,^d ubi de infiniti naturæ pertractat. Ita & rationibus, & authoritatibus vsu sensuum fultis adduci quispiam posset, ut animam non in solo corde, sed totam in toto aequaliter corpore sparsam esse crederet. Contra tamen non solum hic philosophus & sentit, & apertissime locutus est, sed etiam natura ipsa, si eius diligenter scrutatores, & contemplatores erimus, nos perbelle docere potest. Nam cum generatur animal, non totum simul,^e sed particulatim, et primum omnium aliarum partium generatur cor. In eo autem, quia nutriri, & augeri debet, ut anima statim,^f cuius virtute & nutritio, & accretio sit, & reli-

^a 4. de animalium hist. c. 7.
⁴ de partibus animalium c. 6.
^p de anima t. 68. 93.
² de animalium lib. de long. & breuitate c. 4.
^{lib} de inuentione & sententia c. 1.
⁷ philosophia t. 36.

^b p. de generatione, & corruptione c. 45
^c 3 ph. ca. 8. 20

^d 3 ph. t. 35

^e 3. de partibus animalium c. 4.
² de generatione animalium c. 1. 4.
^f 2. de generatione animalium c. 1.

quæ

quæ generandæ sunt partes, insit, necesse est. Quæ, quamquam ab initio generationis minime suas omnes re ipsa facultates habeat, sed ad corporis perfectionem ipsa quoque perficiatur,^a & gradatim eas deinceps sortiatur, tamen, cum perfecta est, & omnibus suis viribus cumulate viget, non est rationi consentaneum, neque vlla extat causa, cur ei locus, atque sedes mutanda sit, cum præsertim^b cor caloris vim, optimam ministram omnium vitalium, naturaliumque operationum animæ in se contineat. Ex quo tū ex philosophi rursus sententia, tum ex hac breui naturæ contemplatione, animam in solo corde locatam, & constitutam esse intelligi potest. Quamobrem, ut talem dirimamus, & tollamus controuersiam, pauca quædam esse ponenda censemus. Horum autem vnum est, quod omnia, quæ natura per se existunt, ex forma, & materia constant; alterum, quod materia omnino imperfecta est, quia, potentia tantummodo cum sit, sola formæ susceptione actu efficitur, & ideo a forma ipsa omnem consequitur perfectionem; tertium, quod eorum, quæ ex materia, & forma componuntur, alia perfectiora, alia imperfectiora sunt, perfectiora, quorum materia ita pura, ac temperata est, ut in illis informandis, & constituendis nullum sit à materia oblatum viribus formæ impedimentum, imperfectiora autem, in quibus tanta est, frigida concretio materiæ, ut formæ vires hebetes reddite minus bene, atque perfecte potuerunt ea informare, atque constituere corpora; quartum, & vltimum, quod anima^c est forma, corpus autem materia ipsius compositi. Ex his constat quod animalia, quæ natura per se existunt, ex materia, quæ est corpus, & ex forma, quæ est anima, constituta sunt, quorum alia propter materiæ frigidam crassitudinem obruentem vires formæ imperfectiora, alia propter materiæ tenuitatem sinceram, quæ à viribus formæ in informatione subacta est, perfectiora extant. Cum igitur intersectorum animalium crasse, atque frigida materiæ plurimum præ imbecillis animæ informantibus viribus sit, nequiuit anima, quæ in vnoquoque, vna est, neque eorum cor, neque corpus perfecte vnum, ut sibi in vnius similitudine conueniret, fingere, ac formare, & propterea multas illas intersecciones, tanquam multa parua formauit animalia, ex quibus omnibus, quoquo modo potuit, vnum conlauit imperfectum animal. Atque in singulis interseccionibus eorum, quæ habent corpus procerum, propter frigidam materiæ multiplicem coagmentationem quiddam^d instar cordis ingentium est: quam ob causam anima, quæ in vnoquoque talium animalium actu vna est, & potentia plures in omnibus ijs, quæ cordis loco in singulis medijs interseccionibus ingenta sunt, insidet. Quapropter in corpore sic coagmentato cum anima.

a
2. de generatione animalium c. 3.

b
2. de partibus animalium c. 7.
lib. de iuuentute & senectute c. 2.

c
p. ph. t. 65.
d
p. ph. t. 79.
2. ph. t. 11.

e
4. meteo. t. 34.

f
2. de anima t. 4. 24. 15.

g
4. de partibus animalium c. 6.

h
2. de aîar 31
i
lib. de iuuentute & senectute c. 1.

k
4. de partibus animalium c. 6.
lib. de iuuentute & senectute c. 1.

anima re vera vna sit, si intersectiones cum suis medijs cordi similibus diucllatur, in singulis diuulsis & sentiendo, & mouendo anima, se inesse declarans plures facta erit; quamuis deficientibus necessarijs ad viuendum instrumentis diutius manere non possit. Vnde in eiusmodi animalibus corde carentibus animā non in toto corpore, sed in ijs, quæ ad cor proportionem habent, sitam esse, obscurum non est. In prælongis autem, quales sunt angues, anguilla, & lacertæ, quæ sunt quidem, quam superiora, aliquanto perfectiora, quia in his quoque frigida, atque crassa suppetiit materia, ita sanè valens, & expedita est anima, vt & cor, in quo residet, & vnumquodq; corpus illorum vnum plane formarit, & ideo ipsa tum actu, tum potentia est vna; verumtamen ex ea materia caloris inopi non potuit ob suam imbecillitatem tam excellentis naturæ fingere cor, vt longe cæteris corporis partibus, quemadmodum par esset, præstet. Atq; id quidem ita se habere exiguitas sanguinis, qui in eo continetur, facile declarat. Quamobrem, cum animæ facultates à corde perfectæ in omnibus corporis partibus, quæ non valde dissimiles, neque multo sunt ipso corde deteriores, insitæ sint, si qua pars à corpore abscindatur, etiam si nullam cum corde coniunctionem, continuationemque habeat, potest nihilominus per aliquod temporis spatium propter similitudinem, quæ illi cum corde est, animæ vires, ac facultates retinere, & conseruare, neque propterea animam in ea esse asserere conuenit. Perfectorum autem animalium, cuiusmodi est homo, equus, leo, & alia similia, in formandis, constitutendisq; corporibus anima propter materiam^a calore temperatam, suas vires sic solutas, & liberas habet, vt & cor cum summa excellentia, atq; præstantia cæterarum omnium partium, & corpus cuiusq; maxime vnum effingat, & formet, & denique ipsa tum potentia, tum actu vna omnino sit. Cuius actiones, & operationes cum potissimum propter cordis, in quo ipsa locata est, natium calorem in toto extent corpore, si qua pars à corpore præcidatur, & à corde separetur, continuo, quia cor di est dissimillima, omnem & viuendi, & agendi virtutem, & facultatem, quam à corde hauriebat, amittit. Quod quidem manifestissimum indicium est, animam in solo corde, non autem in toto corpore perfectorum animalium sitam esse. Nihil igitur neq; assiduum aspectum, si causa cognoscatur, neque adductas auctoritates, si recte accipiantur, contra facere apparet. Et, ^b quia veritas sibi ipsi, semper consentanea est, restat, vt nihilo plus valere rationes adhibitas, quam quotidianus valet aspectus, & auctoritates, similiter ostēdamus. Id quod facilius, promptiusq; futurum est, si ea, quæ paulo ante dicta sunt, memoria tenuerimus. Nam,

quòd

a
2 de partib.
animalium c. 7.

b
p priorū se.
dique 3. de
resolutione
syll.
p Ech. Nic.
c. 8

a
8. ph. t. 8a
3. de celo t.
28.

quòd in priore ratione amba sumptæ sint falsa propositiones, perspicuum est, quia non ubi sunt propria alicuius operationes, ibidem illud esse, cuius sunt operationes, necesse est, quandoquidem ferrum candens remoto igne manum calefacit, quæ est propria ignis operatio, & tamen ibi ignis nequaquam est, similiter^a aer receptis manus lapidem iacientis viribus, quoad eas retinuerit vires, quiescente, & amota manu mouet lapidem. Quare & in partibus prælongorum animalium à corpore abscisis insunt operationes animæ propter ipsius impressas in illis partibus vires, atque aliquandiu retentas, non tamen ibi, vt docuimus, est anima ipsa. Quod autem pro rationis confirmatione allatum fuit, motum, siue actionem à mouente, aut ab agente non seiungi, verissimum etiam in his, quæ modo diximus haberi debet, & ideo non magis ratio illa, quàm hæc, quæ dicta sunt, confirmantur. Vt enim, cum manus à candente ferro calefit, tum ea calefactio non ignis, qui eo tempore longe abest, sed candentis ferri præsentis, à quo non separatur, ex iniusto calore igneo est, sic actio partis præcise non animæ tunc, sed illius partis, à qua non seiungitur per impressas, atq; adhuc vigentes animæ vires putanda est. Posterior autem ratio non contra hanc veritatem, sed ab hac veritate stare videtur. Nullo enim modo animam diuidi & nos quidem concedimus, & ideo in singulis insectorum animalium diuulses partibus totam esse animam dicimus, nec tamen in amputatis prælongorum animalium partibus animam, sed animæ ad tempus seruatas facultates, ex quibus extant operationes, esse ostendimus. Quamobrem remanet verissimum esse animam in solo corde, non autem in toto corpore, & in singulis corporis partibus totam sitam esse.

ARISTOTELES.

Quibusdam autem & inuoluntarijs mouentur quedam partium, plurimis autem non voluntarijs dico autem inuoluntarios, veluti & eum, qui cordis, & eum, qui genitalis membri est. Sape enim cum aliquid conspectum fuerit, nec tamen iusserit intellectus, mouentur. Non
volun.

voluntarios autem, ut somnum, & vigiliam,
 & respirationem, & quicumque alij tales sunt.
 Nullus enim horum in potestate simpliciter ne-
 que phantasia, neque appetitus est; sed, quoniam
 necesse est, alterari animalia naturali alteratio-
 ne, particularum autem, quæ alterantur, alias
 augeri, alias autem minui, ut iam moueantur,
 & mutantur mutationibus, quæ sunt natura
 comparatæ, ut se deinceps consequantur, cau-
 sa porro motuum sunt calores, & frigora, tum
 quæ extrinsecus, tum quæ intus naturalia exi-
 stunt. Etiam motus, qui præter rationem sunt;
 dictarum particularum, cum alteratio conti-
 gerit sunt. Intellectio enim, & phantasia, ut di-
 ctum est prius, afferunt ea, quæ sunt, affectuum
 efficientia, afferunt enim species efficientium.
 Maxime autem particularum hæc palam fa-
 ciunt, propterea quod, tanquam segregatum
 animal utraque particularum est. Horum au-
 tem causa, quia humorem habent vitalem. Cor-
 igitur, perspicuum, ob eam causam quod prin-
 cipia sensuum habet, particula autem ad ge-
 nerandum constituta, quod tale signum est, ete-

*nim ex ipsa, tanquam animal quoddam exit
seminis potentia.*

ECTHRASIS XXI.

Absoluta iam, & explicata voluntarij motu tractatione, cum animal non solum sua sponte ipsum à se voluntario, sed etiam quadam illius partes, aut inuoluntario interdum, aut non voluntario plerumque ex se cieantur motu, consequens est, vt ad perficiendam motus animalium contemplationem nonnulla de his etiam duobus posterioribus, quantum instituta doctrina postulare censetur, cognoscenda tradantur. Nam quidam motus in animalis corpore, vt trepidatio, palpitatioque cordis; ac penis intentio extant, qui, quia non nunquam sine voluntatis, & rationis consensu, atq; iussu cientur, recte inuoluntarij, aut etiã prater rationem nominari solent. Persæpe enim aut oblata re, vel terribili, & formidabili, vel iucunda, & expetenda cor vel metu trepidare, vel cupiditate palpitare, aut, si forte egregia formã mulier perspecta erit, penem etiam intendi non hortante, iubente se, sed plerumque aduersante, & repugnante ratione, ac voluntate, sentimus. Prater istos autem sunt etiam plurimi alij motus, qualis est somnus, vigilia, respiratio, pulsus, accretio, diminutio, & quicumque tales ceteri reperiuntur, qui cum quasi medij inter voluntarios, & inuoluntarios interiecti sint, ideo apte non voluntarij nominantur. Horian enim motuum nullus, neque rationi, & voluntati contrarius est, neq; à phantasia, per quam rei alicuius phantasma cognoscatur, neq; à voluntate, per quam res, cuius est illud phantasma, expetatur, vlllo modo pendet, & excitatur; sed, quia necesse est, animalia, dum viuunt, nutriri, nutritio autem calore ingenito, qui maxime omnium etiam ipse nutriri debet, perficitur, ob eam rem fit, vt assidue animalia caloris operatione mutantur, atq; aliquo modo afficiantur. A quibus quidẽ affectionibus, ac mutationibus cũ particula corporis inuaduntur, & occupantur, ipsarũ particularũ alias calore crescere: alias aut frigore decrescere necesse est. Ex quo euenit, vt singula iam suis proprijs afficiantur, & cieantur mutationibus, & motionibus, hoc est somno, vigilia, & alia simili mutatione, que suapte natura alicui alij antecedenti consequens esse debeat. Talium autem motuum, ac mutationum cause existunt calores, & frigora tum quæ intus, vt modo diximus, ingenta

a
p de genera
tione & cor
ruptiõe t. 41
a. de anima
t. 47.
b
a. de partib.
animaliũ c. 3. 7.
a. de anima
t. 41
lib. de uita,
& morte c. 2
c
lib. de resp.
c. 15

genita sunt, quorum operationes tunc maxime apparent, cum cibus sumptus in naturam eius, qui alitur, conuertere debet, tum a qua ex adducto extrinsecus aere animal pellunt. Eodem autem modo etiam cordis, & penis motus, qui inuoluntarij, & præter rationem dicuntur, fiunt, cum videlicet aliqua mutatio in partibus corporis, & affectionum variatio acciderit. Cum enim neque cor palpitare, aut trepidare, neque penis intendi soleat, nisi, ut diximus, ob rei alicuius cognitionem, profecto apparet, quod rerum species, quæ vel à rationis notione, vel à phantasiæ cognitione præbentur, semper aut calorem inferunt, quemadmodum supra ostendimus, aut frigus, quorum alterutro partes corporis afficiuntur, & immutantur, & tum deinceps alios sibi consequentes inducunt motus. Id autem sic se habere planum admodum faciunt maxime omnium partium hæc duæ, quas commemorauimus, cor & penis ex eo, quod eorum utrumque; tanquam animal quoddam per se separatim esse videtur, atque quod ita sint, causa est, quia humorem in se ambo continent vitalem. Cor igitur rem sic se habere propterea indicat, quod^b omnium sensuum principia comprehendit, & in se coercet, sensibus autem animal, ut animal est, constituitur, cuius vita^a humido naturali, & calido continetur, ac seruatur. Quapropter cor humorem, et calorem naturalem, tanquam principia vite habeat; necesse est. Penis autem id ipsum declarat, quia est eiusmodi membrum corporis, atque signum, ut ad generandum constet esse datum. Tale autem sine quodam humore esse minime posset. Nam ex eo etiam, tanquam animal quoddam exit humidum semen, in quo^c ut in instrumento vis, & facultas animæ ad generandum fusa, atque insita est.

ARISTOTELES.

Motus autem & principio à partibus, & partibus à principio iure eueniunt, & sic mutuo inter se permeant: oportet enim intelligere a. principium. Motus igitur secundum unumquodque elementum ex his, quæ inscripta sunt, ad principium perueniunt, & à principio, cum mouetur, & mutatur, quoniam potentia est

a. ph. t. 10. §1
lib. de resp.
c. 14.
b
1. de partib⁹
a. alifū c. 1. 10
3. de partib⁹
a. alifū c. 4.
2. de genera
tione a. alifū
c. 4.
lib. de iuuē
tute & sene
ctute c. 2.
c
2. d. partib⁹
a. alifū c. 1.
2. de anima
t. 16
3. de anima
t. 67
2. de genera
tione anima
lium c. 3.
d
p. de a. alifū
hist. c. 4.
lib. de long.
& breu. uitæ
c. 3.
e
p. de genera
tione anima
lium c. 10
2. de genera
tione anima
lium c. 1. §.

multa, principium quidem ipsius. b. ad. b. principium autem ipsius. c. ad. c. amborum vero principium ad ambo, ab ipso autem. b. ad. c. quod autem ab ipso. b. ad. a. venerit, tanquam ad principium, ab ipso autem. a. ad. c. tanquam à principio. Præterea autem interdum quidem, si hac notione perceperimus, sit motus, qui est præter rationem, in particulis, interdum autem non. Causa autem, quòd modo inest patibilis materia, modo autem non tanta, aut talis. De particulis igitur uniuscuiusq; animalium, & de anima, præterea autem & de sensu, & memoria, & somno, & communi motu diximus causas, reliquũ autem est de generatione dicere.

E C P H R A S I S XXII.

Qui inuoluntarij, et qui non voluntarij motus sint, & quomodo utrique in animalibus fiant, paucis quidem, sed, quantum in præsentia satis est, pulchre declaratum esse apparet. Quamobrem cum istitrium generum motus, voluntarios dico, inuoluntarios, & non voluntarios, nequam cieri possint, nisi mutationes, & alterationes, quemadmodum vidimus, in corpore fiant, necesse est, propter omnium partiũ continuatam cognationem, atque consensionem, ut eiusmodi mutationes, & alterationes, siue intus à corde, ubi animalis principium est, siue ab externis sensibus initium faciant, in totum diffundantur, & permeent corpus. Iure igitur nature is seruatur ordo, ut primum tales siue mutationes, siue motus ab externorum sensuum^a instrumentis exorsa ad cor, tanquam ad totius vite, & omnium sensuum principium perveniant, deinde ab ipso corde ad omnes transfundantur partes, atque hac eadem via, & ratione

none inter eas ipsas corporis partes vicissim transmittantur, et communicentur. Id enim ita fieri, ut notius habeamus, sub aspectu denovo eam ponamus lineam literis. b. a. c. distinctam, quam paulo ante etiam descripsimus, atque ipsam .a. cogitatione nostra faciamus esse cor, in quo est principium. b. autem oculum, & .c. aurem. Motus igitur, seu mutationes, quæ tum videndo, tum audiendo vel eo ipso tempore, vel diuersis temporibus fiunt, aut simul, ^a etiam si dissimiles sint, aut separatim ad principium statim perueniunt, quia unusquisque sensus, cum primum ab externis sensibilibus immutatur sentiendo, ^b natura est constitutus, ut continuo mutet sensum interiore communem, qui in corde ^c tanquam externorum sensuum principium locatus est: si autem à principio, quod ^d per phantasma aliquod in sensu communi formatum moueretur, atque mutaretur, inciperent, quia principium ipsum re vnum est, sed potest, tanquam in plura distingui, si initium sensus videndi seorsum moueretur in corde, is motus ad oculum deueniret, si autem initium sensus audiendi mutaretur ad auditum talis mutatio derivaretur separatim, si vero amborum simul initium moueretur, simul etiam ad vtrumque vterque diffunderetur motus; at si non ab ipso principio, sed ab vna ad alteram partem hoc est, non à corde, sed ab auditu ad videndi instrumentum mutatio aut iucunda, aut molesta migratura esset, prius ad cor, quam ad oculum peruenire deberet, & propterea etiam talis migratio mutationis tanquam duos indueret habitus, primo vnum, ut ad principium, post vero alterum, ut à principio proficiscens. Præterea vero nequaquam illud nos latere decet, quod, quamuis motus inuoluntarius, seu præter rationem excitetur aut cognitione, aut notione earum rerum, quæ ad illum idoneæ sunt excitandum, tamen accidere potest, ut etiam, si talium rerum perceptas species acri cogitatione, & consideratione complectamur, fiat quidem interdum aut in corde, aut in ipse is motus, interdum autem ne vllum quidem ipsius extet vestigium. Huius autem rei causa est, quia quando motus efficitur materia, quæ primum patitur, & subit talem motum, adest, & sic facit, ut cetera quoque moueantur, quando vero non efficitur, aut non talis, aut non tanta, qualis, vel quanta satis sit ad eum sustinendum motum materia inest, ut si robusto, atque forti viro formidolosum aliquid obijceretur, nequaquam neque ipse timeret, neque eius cor trepidaret, quia calore affluente materia frigida ^e habilis ad eum tremoris motum suscipiendum, dum ^f calor in angustum cogitur, aut omnino non adest, aut non tanta, quanta sufficere possit. Ad hunc igitur vsque locum speciatim de animalium

partibus

^a lib. de sensu & sensibilibus c. 8.

^b 3. de anima r. 31.

^c lib. de iuu. r. 1. & c. 1.

^d lib. de memoria & reminiscencia c. 1.

^e 2. de partib. animalium c. 4.

^f 3. de partib. animalium c. 4.

4. de partib. animalium c. 5. 11

^f lib. de resp. c. 15

partibus, quæ sunt illorum materia, & de anima, quæ est forma, & de sensu, prima eorundem actione, & memoria, somno, ac vigilia, & communi motu, quæ sunt naturaliter deinceps consequentes operationes, tractatum est, causæque, cur ista singillatim tributa sint animalibus, explicatæ sunt, reliquum modo est, vt de illorum generatione doctrina etiam adiungatur.

F I N I S.

R E G I S T R V M.

A B C D E F G H I K L.

Omnes sunt quaterniones.

VENETIIS,
Per Gratosum Perchacinum
M. D. LXVI.

THE UNIVERSITY OF

CHICAGO

LIBRARY

THE UNIVERSITY OF
CHICAGO
LIBRARY



